

蟻象集序



諺曰相馬失之瘦相士失之貧
余讀浮丘生所為蟻象集蓋
為之曠恨淒楚云夫生馳心
玄邈玩情典墳道入先秦漢
天厨咀其膾而嚼其裁假令
較天祿石渠其所制作豈不燿

然流光直追古昔而乃幽愁
促迫身且不容桎梏拘囚白日
不照袋與盜賊臧獲駢首而
戮悲夫及觀獄中諸所上書
所為諸賦激烈悲愴又有古
先秦漢策士之風何其雋也
何其雋也昔亦知氏得璞歎

之楚文王以示玉人曰石也刑其在
足復以獻楚武王玉人曰石也刑
其吾足和抱璞泣王都門繼之
以血乃剖之果良玉也君子謂卞
和氏也智毀其足而存玉生置
極刑入之復出之既又出之視卞和
之刑何害乃忘朝夕之命方且

筮簧屈宋馳驅班馬此冰所謂
駁足存玉者邪然聞易牙初
干齊桓公也飭土劔調太羹
齊名恣而噍之為之孺熊蹯
炙薄者薦山梁之餐割秦豹
之胎齊君甘焉為封萬家之
邑晉平公始御師曠章英壘

奏韶漢齊鳴晉侯左老視弗
能竟也變為激流羽商綴宣
鄭衛楊此里紹陽阿晉侯按
節歎曰天下之良工也夫易牙
師曠邈闔於前而智於後也
惟撥於所隨而技變於所嗜也
奈天下之為齊桓晉平也豈少

少哉生幸見天日余讀生所為
蛟螭集益為之曠恨淒楚竊
恐生終其身出愁但迫始又甚也
然君子寧齊桓之不中不能為
易牙之變味寧晉平之不諧不
能為師曠之變聲何則情志
通於廖廓不可以世俗移也生

不遇陸五其堂先生考悲生
之骨不足以當鉄鎖而生之頸
不足以膏白刃也乃幸得遇
公之拘囚之中登之詞執之杖
死且白首獲與屈宋班馬挺口
而立執戈而趨即為齊桓晉
卒所笑而獲固已多矣終其身

幽愁但迫夫又何傷也余恒持
好古而求之能見浮丘生所為
如是既悲之又復喜而著之
賜進士出身奉政大夫南京光祿
寺少卿前南京吏部考功清吏
司郎中豫章萬恭讓

刻盧山人集序

嘉嘉靖乙卯余使閩按馬鄴
都盧伴木山人從潘來出所
著瓊錄集頓首請曰柀死
罪微惠於足下幸不棄諸而
今老矣而無後所與而後
斯言爾藉第一旦填溝壑世

復有知柵者哉言訖泣數行
下余受書之千業稍加評次
歸而後之以異日壽涉梓相
與痛飲意旦別去後余貶居
浮湛下吏隆慶己巳稍遷魏
使考求山人而墓木拱矣僧人
投忌山人收其遺言以予所得

為詩布之檄者司村碣墓
並恤其實為云越數年而余
接吳從友人王元義索山人集
索金也百字書業與姚叙卿
溪山人姚叔守大名因出其集
即鄴都憲公也余接卷而
悲之又何能令予前錄負山人地

下哉乃屬友人周興淑納多刪
定入梓鳴忽山人河朔間高士也
平生以寸取福至不為騷賦詩
文諸家評叙互得其似余不具
論山人有奇行則余耳目所觀
記者往往余嘗居杜市申考功儀
卿語余曰山人想大學子歸過記

訪考功入門大哭不休已而長歎
曰太學士人之藹然乎乃為興
於斯文也字當不知涕之何
從也考功笑而飲之至醉出齋
中置驢馬命之賦山人左右浮白
吾手揮毫頃更數百言翩然
李供奉之者也今集中亦未之

戴山人初因潛獄余時之問其
及出狂狷而銀鐙柱柱猶抱拘
繫也山人則詣余一廳事稽首謝
余如後面亟別副署中閩人到
楊鴈川山人乃舉械自揖余曰
柙烏鳶之餘肉也以分何敢望
見矣侯君侯知已之望當不

禮多上生夫禰正平越石公不
見於今久矣山人甫釋南冠手木
且未脫即儼然擗上堂英論四
發不作語之困苦之態然則世
之齷齪縮胸改息惠難若何
可勝歎也宣山人自慕一世矣元美
室心為山人刻賦二卷以告東明

穆翁甫考功石拱辰符卿刻
山人詩二卷三君子以文享氣節
聞天不受重山人如此固者以感
之矣集刻既成余且挂冠去慮
刻之去所托也而穆石西采書痛
至紫姑欲為之傳山人素未嘗
有與事而西采慕義懷才可謂

萬矣余近聞溪人已外山人首
獨嗚呼詞人終在陽以玉身後
且不免流西采則山人也之死
哉

萬曆二年甲戌三月朔日西蜀
居來山人張維翰

蟻螻集自序

蟻螻者何醯雞也集何以謂之醯
雞郭璞謂醯雞細質羣飛亦
蚊蚋屬也夫蚊蚋貪嗜臭敗逐
涸廁嚙咀人一障惡之醯雞則入
空窠幸於菽豉歡糟糲而甘芳酸
飛則叢薨死不渝啖此非潔於自

奉而介於自守者與其於蚊蚋侵
穢彊噉者為何如此其蟻蠓也夫
而柵質蠶材驚託跡而間程夫桑
之於林益之於海也竊居蓬茨藜
藿彌年多薦紳先生之交翹放
侯伯之遇舉則一丘多則自保此夫
人之蟻蠓哉嘉靖壬寅柵以事繫

狴貫王木園陰室待 國
菽憤抒懷問者漸詞柵不敢令人
見反復侃誦尋痛慙而焚毀之
夫蟻蠓之墮也吮惟蛛網根其
音而暗者何異此是昭類之
至也夫蚊蚋狡汙柵所弗屑蟻蠓
雖漸柵不敢自外焉視其類也嗟

噶鷹化而鳩雉流而雀腐羊而蟹
龜龜魚鱉皆化若蟻蟻稿死
益贈至獨不知其化者何也此豈
造物爲於後類而當於蟻蟻也耶
目楮錄舊作弄楮葉文若干
駭賦若干首集體詩若干首
成聚卷命其集曰蟻蟻

音

嘉靖癸卯春三月朔六日黎陽

盧榘撰

皇刻蠹蟻集引

吾郡廬山人著以詩文雅一學而當
其時則人少有能重之者今後去
二十餘載而所撰蠹蟻集如出焉如
刻於吳之太倉州乃鳳洲王公家藏
抄本岨味佳以手自校雙言之又自
叙其刻之始末以成茲集之傳至

吾郡見者以為琬琰奇珍轉相
抄錄日不暇給殆若牙子賦出而
紙價為貴時矣余邑寶尹寶泉
雅好詩文因謀於余將重刻是集
必亟求者且計者價於筆楮之費
蓋當什倍也乃刻之兩月而完刻
之字跡即翻石亦頗不扣不文事

於茲其者真乎寶尹欽紀其重
刻之旨復屬余為序余推山人詩
祖六朝文賦法秦漢評之者已有
定價而其人真家宥不羈折嗚世
之文從自罹火辟幾欲於死故其
詩文多成於土木金索之間見於
自叙又如此俱不必述也獨茲夫昔

人之言曰詩文必窮而後工乃今於
山人復見之故史稱丘明失明厥
有國語孫子臚脚兵法脩列屈原放
逐乃賦離騷不韋遷蜀遂作呂覽詩
三百篇大抵皆詩人激憤之所作則
山人之集可以觀矣豈獨於人物亦
有之抑柏生拉崑崙之間偏歷冰

雪之搖而後亦理之堅不若於群
材實然不埋於獄中噬齧於如干
年之無生土則亦如之以衝斗氣而
裝光以弄也向使山人以職務縈至
身或安居之乎日徜徉於沙棘處
風月之間則雖未必無所撰述以
成一家之言然必不能如斯集之

王也閩山人之集者可以哀其志矣
峒嵒以又述山人遊之學歸痛哭
於申考功之第謂六學為空洞
去人而醉賦紫駟馬為累之數百
言有飛黃第里之望又其方出
行徑手械未除邑令之如茶即與
抗禮至引越石父對 魯子之辭而

邑令大慙即此兩事則山人超軼之
見磊磊之懷出塵埃遠世故宜
其為為文詞淵深法肆力追古人
即顛仆備至而畧不涉之酸語
也茲以可以壯山人矣

萬曆乙亥歲中秋八月
賜進士第吏部考功司員外郎魏

郡少春穆文熙撰

卷之四

...

...

意刻蟻蟻集序



身自束後即誦法...

蟻蟻集法...

身一志即誦山人...

身一志即誦山人...

身一志即誦山人...

身一志即誦山人...

又公傳于其里軍師家浦凡
說以造熟後生公山人生公
身其子能六之知生五身其
也乃公之素承村將生以重
之能孫其之移生之生六其
子劉能成田多法多其紀系
身云

萬曆壬亥初秋

陽色生弟文林郎玄濤孫子
清甫氏多忠少

督工縣丞劉光啓

主簿張遇

典史貴芬

教諭楊若陵

訓導師從顏

曾孫舉人盧啓禎

生員盧啓子

蟻蠓集吾邑才人次榘先生所作也明季以來
公卿士大夫於學問文章之有聲名者莫不構
求是集以為至寶其推重也如此殆後遭流寇
兵燹之餘而是集之能存者或寡矣是以後之
學者景慕茲集以為文章之宗但無從而搆求
焉蒞茲邑者知茲集之板尚存索至縣廨命工
役印訂成帙呈送上憲以為吾邑之光曜乎正
所謂人傑而地靈矣迄今百有餘年己巳春余
一日偶過物廨前見刷印匠作房中就地置板

數百片問其名曰蠹蟻集問其金否曰僅可過
半余於是驚訝良久而嗟歎不已蓋茲板之零
落遺失朽爛者由來漸矣亦無從而考其時也
歸而謀諸家多臣卜及同志者五六人取指費
庀材以補修之咸曰可於是即聞之於外翰李
公隨命人將所存之板照原書查對少者五十
四板而缺角殘壞者六四十九為適者儒童
王偉者以善鐫刻亦踴躍從事捐梨棗募書法越
一載而成全書矣今將茲板公置

文昌閣上封鎖固密俟後之人募茲集而願學
者聽其刷印使茲集之壽於世而公於學則次
擬先生之學問文章為吾邑之光榮不亦大乎
補修同志姓氏開列于左猶冀後之君子有同
志焉是為跋

黎陽後學劉暉仲章甫敬書

李本中位天甫歲進士

劉廷枚臣卜甫太學生

李 壇殿秀甫太學生

劉學琴鶴儕甫廩生員

宗企璟緒平甫廩生員

張 澶西藩甫太學生

第六代孫童生盧太德

七代孫吏員盧居年

校閱姓氏

歲 貢劉太平 廩

生劉秋祺

歲 貢張恩增 生

員劉錫嘏

運糧千總李連三 監

生邢 煥

舉 人朱 繡 監

生邢 溶

監 生李林芳 中書科中書周景灑

增 生申樹堂 歲 貢裴映奎

生 員傅俊卿 生 員孫調元

翰林院待詔張炳耀 生 員劉士林

外州縣助資姓氏

山西祁縣衛守

備程上錦

山西太谷縣監

生王文燦

祥符縣生

員李子恭

直隸開州候選縣

丞郭永成

候補藩經

廳陸昌言

河南候補縣

丞邵之翰

候選典

史郭履泰

滑縣副

榜薛本原

滑縣附

貢薛金榜

滑縣生

員王金聲

助資姓氏

濬縣教諭舉人金振東武

生劉廷璋

濬縣訓導歲貢楊丙昌附

貢李芳田

直隸永春州知州翰林院庶吉士周式瀛從九

品何嗣昌

河內縣教諭舉人王章武

生滿升瀛

陝州學正舉人劉太安監

生焦希聖

監生沈健監

生田鳳翔

四品封典任光灼附

貢王景成

千總王連元監

生蘇銘

廩

生邢廷瑞

從九

品邢春芳

武

舉王會友

從九

品安過善

千

總李重威

從九

品李協貴

增

生秦韻靈

監

生張玉琪

監

生劉文山

監

生曹士瑞

增

貢李廷元

從九

品劉孟修

監

生李璋元

吏

員胡松嶺

監

生李鎮

吏

員劉存明

恩

貢滿步瀛

生

員李國

監

生劉法善

生

員王利金

監

生牛殿元

增

生焦丙午

貢

生張珍

監

生王思齊

監

生賈明義

監

生李士花

盧柟

明史盧柟字次楸濬縣人家素封輸貲爲國學生博聞強記落筆數千言爲人跣跣好使酒罵座常爲具召邑今日晏不至柟大怒徹席滅炬而卧令至柟已大醉不具賓主禮會柟役夫被撈他日墻壓死令即捕柟論死繫獄破其家里中兒爲獄卒恨柟笞之數百謀以土囊壓殺之爲他卒救解柟居獄中益讀所攜書作幽鞠放招二賦詞旨沈鬱謝榛入京師見諸貴人泣訴

其寃狀曰生有一盧相不能救乃從千古哀沅
而弔湘乎平湖陸光祖選得濟令因榛言平反
其獄相出走謁榛榛方客趙康王所王立召見
相禮爲上賓諸宗人以王故爭客相相酒酣罵
座如故及光祖爲南京禮部郎相往訪之徧遊
吳會無所遇還益落魄嗜酒病三日卒相騷賦
最爲王世貞所稱詩亦豪放如其爲人

錢謙集目錄

卷之一

書

上魏安峰明府辯寃書

答王鳳洲郎中書

上李東岡推府書

與陳一泉外翰書

上郝南峰吏部書

與陳龍泉大理書

上吳少槐吏部書

上張駝山侍御書

與耿忠菴進士書

上晁春陵內翰書

與孟龍川書

與王鳳洲郎中書

與申洹野書

再上李東岡書

卷之二

啓

為濬諸生留賢令陸侯啓

記

滕王閣圖記

世義堂記

序

贈郭增序

贈劉丞赴興州經歷序

贈楊生序

贈常翁就舉鄉飲禮序

贈李伍巖遊太學序

贈陸侯擢官留都祠部序

送高少尹致政西歸序

折衝卷後序

為孫兩生贈張山擢曹郎序

善政實錄序

碑

濬邑石侯碑

滑令張侯碑

滑縣東城門見山樓碑

檄

大名大守移州郡讓農檄

對

對衛大夫問

傳

申氏傳

讚

張公讚

辭

故濬尉靜菴蔣公哀辭

誄

滑尹張壚山祖妣哀誄

祭文

祭李復齋郎中文

祭晁次山翰林文

卷之三

賦

為鞠賦有序

放括賦

惜穀賦

秋賦

天目山賦為孝豐尉君南山吳公作

鼎德賦

壽成臯王賦

懷隱賦

秦守賦 為孫滑縣作

水亭賦

崑崙山人賦

嶺崑山賦 并序

嵩陽賦 為汝南劉嵩陽作

梁苑僂人賦 有存

滄溟賦 有存

嘉禾樓賦 有存

雲濱賦 并序

遂虛賦

廣招隱賦

龍池賦 有存

夢洲賦

九驥并序

卷之四

四言古詩

遷客詩并啓一首上大名張太守劄西

吳吏部少槐李翰林東岡

雜興五首

五言古詩

敘隱五首

雜詩七首

贈盧潭城二首

奉和王大任侍御賦雞冠花有命輒和

一首

贈道士

太子洗馬童公內方扈蹕謁陵有命輒

作

孟龍川許送芸香不至走索兼以詩寄

王大岷草堂五首并序

繫獄敬呈王大任侍御李復齋工部文

六十韻

贈胡公入覲

贈故大同府節判魏張公祝入祠七十

韻

寫謝逸人四溟三首并序

讀謝明濱明水寺詩慨然有契奉寄二
首

重贈李子理

送華後化省謁還章丘兼呈東魯諸公

二首

奉懷謝少谿侍御遷浙江憲副

贈友人歸別墅

奉寄河東荀侍御小川三首

秋日寄上晁春陵內翰五首

孟龍川自京師旋為余言秋都李滄溟

聞宛慨然有脫囚之志因作詩四首

寄上

聞張馘山侍御巡按甘肅比歲嘗還教

以此寄上

獄夜書愁啟呈吳少槐吏部

書柳川弟壁二首

送張壚山明府轉陞戶部五首

書懷校李箕臺外博

秋日奉別王元美比部詳刑還京四首
奉贈李干鱗憲副之陝西三首

贈子青三首

送顧聖少遊楚時余將往金陵三首

宿蘓門山夜懷王龍池別駕有詩未就

因追之以此

適金陵登魏武讀書臺奉別李覺齋文

寓譙郡宿魏武臺下贈羅汝龍

別李希賢

贈紹易殿下二首

冬夜汪北津郎中過濬索詩因以此贈

過內黃宿圓上人講堂兼呈張沅洲太

守

冬日獵射畢同艾瑞泉從子擢挈酒藉

草坐飲醉後作此

讀史

秋晚赴井汲水採野蔬供飯

雙唐賈客詞

贈董明府迎侍四首

喜艾子紹生子作此

題王龍池彭籤圖兼壽其嶽東谷

寓目水石藤樹人物

陪成皋王太虛觀齋居感鶴至

鄴下贈吳山人聞官軍與倭戰不利

送吳東原還蘓門

重寄內二首

七言古詩

奉答楊六坡推府隱居見贈并序

秋夜望雲旅懷

贈別李性菴還任丘

送崔秀才南還

長歌送王翰林盱山還保定

贈別南田楊子還晉石并序

留別馮少洲進士

送友人南還

送人之塞上

贈孟龍川二首

五哀詩五首

保定兒留別

春日後贈主任菴五湖昆季

七夕

送醫友還山

九日寄孟龍川

寄謝逸人四溟二首

寄法員外南華

襄國飲鴛水野亭奉懷張壚山明府

贈李山人

贈張長公鳧塾五句四韻長公割股愈疾

再贈張雲谷

登西城嘉禾樓重送張壚山赴部

送李滄溟太守八觀

送陸明府夢洲入覲

雪霽後過周紫泉山堂

詔獄結後書情敬呈王龍池二府兼致

謝意

羸女鳳圖

送郭侍御劍泉謫永安松栢園

春夜與吳山人飲穆前江宅招妓琵琶

不至

贈陸夢洲古琴兼以詩寄

卷之五

雜體詩

伏雨嘆三首

史平臺夜宴詞

苦寒吟

杜鵑行

快鵬行贈盧潭城宗弟

黃利黃謠

次童謠

嶺岷謠呈張嶺山明府

芒履謠

修武行贈李主簿

信陵亭行贈張幕史

桑府

出自薊北門行

前有罇酒行

子夜吳歌

古別離

懷仙歌五首

碣石篇

隴水西

涼州桑

怨歌行

枯魚篇

折楊柳

怨詩行

丁督護歌

少年行二首

東塘歌

實墩有序

黃鵠為贈羅封君就養還萬安

相逢行

胡鷹渡海來篇

閻闔篇

五言排律

甲辰歲張郡伯鄧西如覲京師其母太

夫人出中饋給囚囚感激述懷作五

十韻以謝

暮秋承華主簿竹川饋飯奉謝凡三十

五韻

七言排律

蕭華大餽飯

五言律詩

山居

浮丘院壁

大名故城

過鄆鄆作

送友人入春一首

上張鄧西明府三首

喜得釋獄消息

即事

戲寄孟龍川

送張壚山還蜀

喜還舊業草堂

登天臺山有感兼呈張壚山

非關口號上張鄧西明府兼呈吳少槐

吏部李東岡翰林二首

聞吳吏部少槐哀僕乏嗣飭內入獄侍

湯藥四首

冬夜遣悶三首呈吳少槐吏部

哭董縣丞紳

初月

示外弟陳可

送劉少尹赴興州經歷三首

秋夜奉懷王鳳洲比部

寄上徐龍灣比部

贈王少府封君水亭

贈王龍池別駕

夏日同王大伾董右坡張嶺山陸夢洲
孟龍川登大伾山覽黃河故道得温
字

西巖

題楊太尉揮金幅障

畫葡萄

贈謝山人四溟

遊成皋王城龍園見水石魚艇

七言律詩

出塞

慈壽宮

浮丘精舍

書長春觀二齋

贈李金吾口號

七夕

挽楊六坡稚府

除夜寓大名寄孟龍川

古意

贈關中陳一泉廣文二首

憶昔寄錢同野弟

宿沙口贈三北沙二律

九日奉懷謝四慎逸人兼肅往日見寄

之作

奉和王大狂待御題周紫泉東山詩

二律

震岡集留別

秋日懷錢同野

蓬林城山廣文之石城尹三首

贈徐少尹

赴理大名道中感李有池惠粟之作

聞比部李滄溟出守順德書此寄上

立春前夜宴張壚山明府宅

醉後射魚宿羅山人草堂

觀妓即席走筆

舊著河道中有懷張嶺山明府

贈羅月巖推府迎侍還萬安二首

春晚將還舊業諸公送遠獨方水雲以

病不至作此留別

登南城樓有感兼懷荀前川

五言絕句

山雨五首

寄高公卷明府二首

別冀康川進士口號

七言絕句

長春觀二首

青樓詞

雲中曲八首

戲贈于山泉

贈衛川居士

送王盱山還保定

秋興湯成六首

...

衛河漲四首

寄孟龍川絕句

西山集宴

對勘呈吳少槐吏部

獄夜

聞華從化誦李中林鹿樂府詞有憶寄上

四首

謝華竹川酒穀二首

宿沙河值雪同蔡百戶作此

丁未夢中遊玉岳軒園作是歲十一月

二十日獄吏譟遵令獄卒蔡賢答

數百謀以土裏歷殺之官覺之免

憶內

贈內二首

內寄衣

與張山人雲谷對飲言別

代邊騎

訪海月上人不遇

蛟螭集卷之一



黎陽盧 抽次搜著

同邑孟華平明瑞校

長清張其忠伯蓋梓

書

上魏安峰明府辯冤書

三

古者大夫士志行不通於上則盡於書以列其
情要其竄顯者則李斯盡秦蘓秦鄒衍田需張
儀盡六國司馬相如卜式鼂錯徐樂枚乘主父

懷盡漢韓愈柳子厚張籍李翱盡唐司馬光王
安石蘓洵軾轍歐陽修盡宋雜游說兼道藝窮
於布衣則微之辭而後下之人得以抒其慮上
之人感切於諷直之說於以納其忠而弗之罪
焉則夫書之宣上下通貴賤也於古有是夫雖
然幸而處常徵諸言載之書可以達天子不幸
而值變身桎梏之刑待缺鉞之誅後嘔心血筆
而書之不足以達士庶人何者彼其天壤之相
違居養之相異囊首赭衣之徒固不足以動人

之耳目也今天下公卿士大夫自宰相而下與
天子持議論相可否乘朱輪而插貂蟬紆金紫
而懷珠玉執天地之符而力侔造化者固不為
少也而柵舍寬幽室關鍵口舌不敢延頸而一
鳴者何也伏枷鎖罹重瀆廁穢弗潔之囚誠不
敢以書通竊又愆夫上之人不肯戢威解顏傾
耳一聽死已者之論徒速血肉糜骨之禍爾夫
鳥極則屬鳴獸極則走挺人窮則歸本噉天禽
之衰也於柵已甚安得頓走狂嘯祈霖而救塗

炭昂死一言於執事哉夫柎世家業農幼而讀書循章句以諸生受胡氏春秋餒屈宋之糟游司馬氏之濱窺跡於楊雄諸子之垣然志行狂簡言多激越時取釁厲為世人譏誚庚子歲二月中柎傭工人王隆左手病瘡甚柎謂隆曰汝之病殆不可事給汝直復若業何如隆曰諾請以張杲彊幹而多力者代僕柎曰然汝行遂歷試張杲為傭奴六月二十一日杲盜場麥柎聞之以畀司理杲遁宿孫潔場中食守場

李現燹一正明日柎赴訴縣伊家乘大雨排房塌撲死旦日杲母魏氏駕訟邑侯蔣公曰盧柎毆伊男卒七月初五日蔣公戮閱杲屍則上齒關者六左脛裂凡可以致死者無不毒傷夫齒關則食難脛裂則行委自柎場至孫潔場連一里遠而被走且食此其齒與脛果得有恙否也齒脛俱無恙而關而折果孰為之耶當是時柎具大刑對思不知所出蔣公亦不測杲體徧傷故相拷掠數百自朝至日昃與法具伍嗚呼柎

以柔脆之膚而妃堅虐之刑彼且何情而不嚙
予骨肉而柁非金石之固亦安能久於抗對也
苟疾痛有間雖赤族之禍然且不恤矣是月二
十七日柁先母哭柁於墅有婦人而持母曰母
哀我張杲妹也我父杲林實知杲死兩頰房壁
壓焉杲林張杲又謂柁父曰杲之死也甚微而
難言父窮之曰吳章者杲外林魏氏與章淫禁
章不得娶而居其室杲之死夫二人者圖之者
辟頽盛非時霖雨使然也鄉昔齒關脛裂

毒傷者於茲可徵焉先人以姦慝之跡隱而具
房撲之情於巡按樊公准辯飭大名勘問未及
而按臨會審樊公謂在庭諸公曰王隆者盧柁
雇工人也按文附致張杲作王隆傭人隆耳為
人傭張杲為傭人之傭耶夫王隆無恒產為盧
柁業農即令張杲為若傭當業誰之農乎使杲
果為隆傭則杲當在王隆場安得來盧柁場盜
若麥耶且杲所撲麥盧柁之麥所飲食盧柁之
饋獨傭為王隆之傭名實眩矣法宜開蔣公不

然樊公曰凡士師可以生殺人有天子律令
在律可殺吾不敢生律可生吾不敢死我所議
盧柎同諸君奉天子律令爾我何敢私且魏
氏原告詞謂盧柎令雇工人三隆覓張杲郭勇
與柎傭工矣夫王隆一人爾杲覓工自代即當
傭一人又安得雇張杲郭勇二人代一人耶况
盧柎當時嘗給郭勇雇直錢勇既為王隆兼雇
盧柎又安得給無謂錢與王隆所傭人耶今不
幸事變杲死遂作王隆傭人設使勇亦死則勇

即作王隆雇工而盧柎不得謂勇為雇工矣汝
宜開蔣公語塞少間進曰盧柎既遣死請罰穀
一千石破若家何如樊公默然蔣公趨翼進將
言憲副張公目蔣公退同知崔公履推府朱公
之跗朱公耐真宰理刑趙公謂蔣公曰是不可
死先生何苦托人蔣公稍就位樊公指柎原法
曰彼罪案既若是而蔣令寘之死予當奈法何
僉曰稱律令於是下柎大名守什公飭滑縣劉
公覆勘劉公者又蔣之同年生竄舊執也相持

詞議定而後出謂房撲為妄告擬柙以家長毆
雇工人至死應徒律量罰穀千石其傍引鯨鯢
兇噬之惡無損於蔣公焉以呈察院二十年正
月內詳允族諸犯的決贖罪暨柙各寔業所議
穀千石直以為非法令免惟皂隸李祿未詣官
照出亦擬不應詳代樊公巡按殷公允其詳而
獄由是勦矣柙居家未踰旬而先人終距六十
日而先母卒踰年而兩子死一女三夫柙出獄
瘡痍未洒即繼之以天崩地隕之變而動其心

釐之慘奈何天命寔極若是哉先是蔣公董獄
當先刑者五人曰盧柙曰袁濟曰馬氏曰呂敖
曰侯宗儒然皆寃誣而無實以故獄詞雖備而
率不服是故樊公首質柙薄其罪暨殷公按罷
則四人者咸稱寃蔣公愬諸公救之以柙為口
實解殷公問蔣公曰盧柙何如蔣公具疏進復
組織柙宛若昔之語樊公者益寃由是殷公釋
袁濟馬氏而復問呂敖侯宗儒尋亦開去獨執
柙於喪械送大名守張公公知柙之寃哀隱悼

惜之不足而議柙抵死此固因察院之成命非
張公好殺之本心也明年柙奏辯復行張公問
得其情供張杲實柙傭人而仍以原擬若曰仍
原擬則法不病作傭人則不沒其實而典刑緩
且歸柙於察院也是年翁公按臨弗原明年柙
復奏辯行張公時巡按胡公會審而張公前吏
部郎中通判吳公前吏科都給事中推府李公
悉直柙為誣胡公執先定之辭據紙獨與柙對
若仇佐証卒不及一詞及柙稱寃出憲副喬公

作而言曰是情寔可矜胡公曰此卒不可殺終
當與某囚同例減死爾姑待仍擬張公退而歎
曰諸公愈枉非不力救然所能者人也其所不
能者天也於是悉取諸逮事者徵問前卷傍引
鯨鯢兇噬之惡嘗笞某六七十者皆虛偽無
驗正忝之獨張杲案如胡公議於戲柙內省自
齧齧之年以及今繫獄之日柙始讀書不過為
狂瞽之文瀆君子視聽未嘗附會官府行無賴
作梃克又素惡商賈行坐之事於市井挾劍雄

酒豪俠之徒固未嘗啣盃酒接慙慙同濟凶淫
之惡悞長老而忤王法也獨好個儻恢曠之行
嗜殊調好觀古人奇節然未敢踰大閑為名教
罪人府縣無告訐之辭而六曹無文券之驗夫
所謂恃豪放恣險惡憑陵暴橫於一時波濤人
固寬厚有容者亦安能甘蹈患害上下無一詞
戮摘必待張杲之獄而後暴白哉且張公決獄
明公而少偵使柙果負大惡如前卷云以則六
安肯薄正而去之俾又案不符於察院會審文

何為汲汲解暴令柙無死若是哉夫前卷錮獄
扁之以紙若鎔金鐵之精貫重關之鍵而牢不
可破幸而巡按樊公開示覩縷動引天子律
令平反是非一人之私恩得以紊典刑而掩日
月也且柙應擬徒罪贖穀四十五石而倉有收
也魏氏領葬杲屍有狀也柙領杲原貯庫所盜
麥并袋有案也夫李祿詳所載皆柙已開原跡
二十年四月內殷公允之有徵也是皆藏諸司
吏有考也柙宣業居喪一年是亦齊民美固冰

逸刑掣鑠之後越有司而警方收之人也讎家
無告佐見無告公正之民無告劫發陰私狡獪
懷悍之後俱無告夫執柙時去允李祿詳日期
然且八月遠矣然而察院至是復悔其允曰盧
柙招詳朦朧收寘之允夫招詳果朦朧耶前李
祿招詳何不駁勘果非朦朧耶願復執柙抵法
由是言之前後翻覆多失其據而柙安得無寃
誣於其中哉始柙為諸公原宥前已歷陳寃
察院之嚴諸公之明而為是朦朧招詳哉

帝井與情之地而柙敢以招詳朦朧居之哉惡
有三代直道之民容是招詳朦朧之人油然
處之而無所異哉昔有好生者贖狐兔麋鹿而
放諸郊獵者邀之則急走狂呼以救其死嗟夫
人放禽獸則不忍邀今樊公既放柙於野人又
從而招之是非愛物之心重且長而仁民之心
輕且短與夫張杲一人也在前卷為王隆雇工
樊公為盧柙雇工殷公復作王隆雇工及柙奏
辯張公詢得其情仍作盧柙雇工而翁公復敗

作王隆雇工夫古天吏殺人也左右皆曰可殺
勿聽諸大夫皆曰可殺勿聽國人皆曰可殺信
矣而未敢也然猶察之見可殺焉而後殺之今
柙之獄朝一人曰可殺暮一人曰否暮一人曰
可殺朝一人曰否夫所謂可否者纔一人之辭
耳設使舍己之見平其心氣推而問諸左右諸
大夫國人則其可否豈特一人朝暮所謂哉雖
然可否無定者謂之疑獄王制曰疑獄記詢衆
議赦之又曰附從輕赦送重書曰與其殺不辜

寧失不經呂刑曰五刑之疑有赦五罰之疑有
赦周官司刺掌赦宥之灋夫古之聖人思其心
未嘗殺人因民遠善而通惡故著為法令以馭
之夫刑凶器也擅意快殺者入人易深而聖人
有憂焉於是垂法於經若易之解曰雷雨解君
子以赦過宥罪臯陶之戒舜曰欽哉欽哉惟刑
之恤哉我明太祖創制章刑於律書為橫圖薄
刑具著大誥減等又五年勅刑部恤刑於
疑而可矜者察小大之比以宥之此其仁民好

生之意與王制易書周官之法相流通今桷無
辜之獄冰止於疑而已也何獨不被聖王欽恤
赦宥之仁罹此網羅繩鉗之屬哉夫察院諸公
堅不原問是冰不知桷為冤抑真以為死而殺
之也蓋諸徇斃成每執政出都仇者從而攻之
而桷名曰監生訊者謂桷冰豪右則守錢虜子
爾蓋不知桷以中民之產積獄數年悉質費無
餘而先人二柩暴於人野場中宣妻無嗣託食
於親厚故人已閱二載矣艱苦萬倍不能一宣

上卒以虞涉之嫌而下無解縣之日此大道之
公不行於一夫而桷飲恨待斃所以積淹於獄
也夫孰肯正明王之法忘小嫌之私挺已抗救
於汨沒無報之人哉昔者桷歷大名府獄濬獄
元城獄會諸解繫徒錄遠六七百里近比各府
州縣獄其弊無大相遠而莫以明是故敝訟之
政荒園土之教衰雖使蘓公召伯日訊於庭於
國家基本萬一無所裨益焉請詳言之夫三代
而下禮樂教化之不行凡可以驅天下之勢者

畏而已矣是故上而畏天子下而畏方伯連帥其次畏府州縣牧之諸侯其次畏皂後羣小夫畏天子則天下治畏方伯連帥則方嶽平畏府州縣牧之諸侯則丘井安畏皂後羣小則民無所措手足而冤苦病夫獄物之深密者也周禮大司寇用獄聚教罷民凡害人者寘之獄各施執事以明刑恥之今之治獄則不然晝則聯絀而居拳桎而食呻吟悲號相靡於棘垣之下入夜則足連繫項重鉗肢脇受縛三廩髮引層閉

之半筋脉急張血肉反攻而疾痛不勝噤守者撫之弗聽則榜楚有加矣將死一人預以病嘗之有司有司曰可造而殺之曰某官殺汝也非我也夫死者未病而嘗有司以病者何也曰殺之慘一召慘之故有五凡無賄而通者殺多餉不分者殺記守者之過殺爲富者復讎殺見利弗予者殺夫官有察吏有稽彼恣殺而弗顧然且不覺者有故也未殺譖溢惡之言於吏既殺示顛柄之威於囚囚想無露言吏忌無貴政是

故恣殺之計行有司弗覺矣由是待罪之民
天子而弗畏輕方伯連帥而弗畏輕府州縣牧
之諸侯而弗畏惟皂役羣小是畏嗟乎天子方
伯連帥府州縣牧之諸侯所以治皂役羣小也
於其治皂役羣小者弗之畏願畏其所治者則
是驅天下之勢不在乎上在乎皂役羣小也由
是百姓無所措手足而冤苦病府州縣牧諸
之政_豔而丘井危方伯連帥之令壅而方
天子擁虛器於上而禮樂征伐不行於下

下壞亂不可救矣雖然柵聞之君子曰有治人
無治法孔子曰君子之德風小人之德草草上
之風必偃是故商君治酷而民尚急文帝好寬
而諸吏多長者今執事治濬兩河雞犬之民不
下十萬戶而囹圄無人執事好生之德可知矣
是故東禁之屬無夙弊如前所陳者是非彼能
無私心人讀書而體臯陶之德也良由執事寬
仁之政流通於濬彼自不敢為酷民耳或曰獄
重地宜謹嚴汝負大辜而云々若是將有以自

解與夫桎聞古之賢者不幸善居獄而速死之
救有三君子不由焉。息盜賊之兮，雜早汙之行
喪其所有而日與囚化者，命之曰滄獄。乘隙竊
免亡其身以及其親命之曰遁獄。劫天典隳王
法，挈挺決出自分必死，聞城守而殺禁戒命之
曰叛獄。嗟乎善人不入獄矣，獄所以待小人也。
吾惟不知務而輕用善身，吾是以久獄。不知命
焉，乃今不能控訴自明，復為滄獄、遁獄、叛獄、臨
速死之救，悲哉甚矣。吾之自感也。昔君子黃霸

在獄授經曰：朝聞道夕死可矣。以故李固、杜喬、
孔文舉、蔡邕皆世之大儒，卒以獄死。然君子之
名懸於霄漢矣。桎志疎而才狹，視古人若丘蛭
之目，龜螭霍蠶也。乃竊嗜好為文賦數百篇，詩
幾千數十百首，雖不足傳，苟得遠脫桎梏而好
事者，或取焉。奈何不以古人自附而固流俗於
滄獄、遁獄、叛獄、速死之輩哉。昔先人治土地，若
干畝，自桎下理後，悉賣之豪家，而約劑者又竊
與之通弊，減畝數，私價直。凡先人諸故物，無不

私市於人甚則拆房室伐樹木鄉人無賴效之
一切施其不法又徭役甚煩柵以貧窶得群里
長窘辱夫柵待死眾無兄弟子嗣之續即有并
白婦彼獨寔處閨闈不過一書生妻爾又焉能
知庶務應外事與豪詰崛疆之徒相抗唇舌往
年執事均賦柵以中上哀下下又諸差役悉憫
痛省覆此非執事知柵貧苦如上所云又安得
霖雨之澤霑然若是哉噫嘻柵事已矣唯獄中
無他事舍勞思愁苦之外則讀書日明於道少

延旦人之命為死爾若為柵申寃枉之情解
塗炭之當覆柵之妻女母為鄉里暴客之資為
版籍窮民此執事之恩也當道之責也柵何敢
預焉伏惟執事裁察

答王鳳洲郎中書

七月初七日本縣遣使捧檄齎牛酒腆禮弁翰
教遺柵家柵唯皇風既遠沆氣載竭箕頽之後
世絕幽響故雖西漢玄纁蒼璧時加丘壑而大
名之士往來負揭取誚後世易曰束帛戈貴

於丘園丘園之美何可易言也柟槁融之餘已
蒙大君子渥澤復起為人今又施曠代之典於
胥靡之民叨天之秩竊地之懿回惶中惑實益
厚顏比又讀執事所諭鸞龍奮鬱五綵炫爛飄
飄然若凌風御虛絕無纖塏回視寰中纖翮語
真若竊帝壤以堙洪水絕何不償且瀆也執事
邁天人之英操宗匠之器與李于鱗宗子相諾
公雄據常視倚獵即中原揚馬應劉接軫橫鷲未
嘗不喪精奪氣偃伏旗鼓也柟方卷舌脅息擯

投不暇若執事云々何敢僭預獨所慊者柟素
嘗歷諸郡邑多誣枉如柟文緻不可反者甚多
執事啣上命察冤抑拯拯焚溺於斯人獨無
加意乎哉記曰附從輕赦從重唯執事念之鄙
作詩賦謹裝六冊呈上拙文數卷未及繕完容
嗣壯文幕適聞旌旆告速而柟又有秣陵之行
故耳秋霽方採藜藿併食偃卧無俟多談柟又
頓首頓首

上李東岡推府書

桀不佞不能奉先王之教違孔子之訓以奸時王之典逮繫濬獄三年迷惑頓踣殊苦萬狀冤頸縮喙不敢長鳴而自陳此冰堯舜兼濟之病天地之大遺於果羸螟蛉之細也抑桀自察材質卑微朴扶藁木之間恐不能盡白桀之所以待眾之理又不足感執事推亮憫裁之化賈山曰雷霆之所擊無不摧折者執事之威甚於雷霆震悚惕厲萬不獲已略抒固陋沒死上千幸加惠憐聽垂察焉桀聞春秋之義自誅討亂賊

禁變夷禍夏之階特以復讎為重復讎之義非尋常世俗簞食豆羹之怒詈罵睚眦之怨瞋目按劍曼胡血纓命氣相高也孔子曰父母之讎寢苦枕戈弗與共天下也遇諸市朝不反兵而鬪檀弓曰喪不慮居毀不危身曰毀不危身為無後也非謂食美衣錦察音樂之比長天子孫樂妻孥以供宴安也公儀仲子之喪舍其孫而立其子孔子曰否立孫重嫡子之建延宗廟血食之祀縣本始之義爾孝經曰立身行道揚名

於後世以顯父母孝之終也夫仁者踐誼勇著
不必死節智者不汨名若徒效小廉死小恥快
一劍之奮行弗顧後令聞廣譽不加於天下
父母之稱此匹夫自縊於溝壑之事少有遠慮
圖大者不為矣詩曰哀我填寘宜岸宜獄握粟
出卜自何能穀夫寘身狂狴之中狹聖鑑之下
縱一死不返之諒孝子不為也曩者捕犬豕之
質寘聞道之資觸司寇之刑囚幽圜室之內
赴訴御史臺下聽之問諸監司曰免問諸

令曰免問諸讐正曰免夫然後稱律令出柙於
死沒之編氓之籍越明年結獄始歸侍先人寢
食几杖先人又不留家居適淇門別業入暮夜
而盜賊興矣鉏耨登之大屋干戈擾於塢塘白
刃之虐若於平樓先人縣繩及堞隊則賊藉之
戟鋌伺之鉤鏃一夫內噓羣響沸應絕雞犬振
簷瓦先人以七十之年降而蘓登者三杪乃氣
力疲憊謂庶母曰孤兒始隗患難我有長苦積
恨於異日者不與之語乃今父子不相見天辱

命也賤薄滋益甚請幣不可請貨不可請降自
今裁不可賊突登戕先人沒悲夫誰能無父而
死何先人令其子不忍言之若是也時告諸縣
邑賊已出境有懷慶為之亢陽武為之墟封丘
延津大河之曲為之堂隩烏合蟻聚之衆斬木
梠于大疇於淇衛之郊時蔣公蒞政不肯發一
夫掣白挺以逐之柎家貧新廬又無財賄雇熊
羆之士誰肯不待教命為柎出死力窮誅越人
之寇哉即有鄉曲之民哀柎無告者捕之絕得

蜂蠆於積閏竒劫之間封豕虺蛇凶噬之惡固
已於跡草木依山澤肆然無忌而誰可郡縣矣
柎與求父屍歸之寢則官府有懼惡之不祥城
守有捍拒之嚴陳哀慕棺於郭門之垵猶及今
未成葬也當是時夫豈不能告諸天子請諸方
伯連帥也然多狼顧之患憇滅門之禍其事本
末未易明也所以沒齒關口而不敢言唯我執
事明睿遠照深察而悉之者也願執事熟思加
痛少裁焉是年先母悼先人之故垂白髮哭泣

不飲食距父函六十日亦殞柩奉二柩袒括幅
哀皇、烏如有求望、烏如有從而弗得也杜
門餒粥守先王之制嘗膽謨謀雪先人之恥不
知察院復按前事移檄復收柩矣由是司理授
鎖城旦詰門尹貳繫其妻義勇竭夫圍其宮執
柩苦塊之上械送大名張公勘問不即寘之死
刑之若不能舉也哀隱嗟歎之不之三月而後
成獄竊窺造化之私少之得其當以處柩而卒
乃不得執政占趣擬之大辟神信知罪張公亦

意雖九死猶不足報張公深恩也柩有二小弱
子託宗祀之寄未及而長子殤越數旬次子為
無服之殤夫殤下葬以夏后之聖周無服葬以
有虞氏之瓦棺也柩囚繫不能與二子永訣覆
用蘆葦孔子曰敝幃不棄為埋馬也敝蓋不棄
為埋狗也由是言之二子之葬視不如狗馬矣
昔者延陵季子適齊反長子外葬於贏博之間
還其封號之者三日骨肉復歸於土命也羞魂
氣則無不之也夫聖賢值事變猶不能息情骨

內其其魂之隨已以終父子顯幽無間之義悲
夫古之君子皆然何柎獨於其子生歎不相知
君是哉書曰迪惟前人允施於我冲子柎承先
人之允無冲子之繼又何施焉詩曰貽厥孫謀
以燕翼子子且長沒何孫之能貽也夫柎受木
索嬰金鐵坐屏室之中無日月之明忘晦朔之
變腥臭觸九竅死厥參肢體稍解縲繼伏棘巖
之下蟣蟲如流結髮如約肌理不離胼胝紛紜
之皮搔之如雪下夜則檻柎交軋枕股之會鼠

嘯於顱婦啣於承權百足岐翹之蟲歡愉遊戲
於肘腋之間少有關便則守禦者禁之曰噉吐
而榜楚交施於駸駸之上矣昔絳侯下廷尉曰
吾嘗沒楚軍百萬而心未能動殊不若見獄吏
之已甚條侯坐收不食嘔血數日歿願柎御里
委巷之陋繩樞之士而眊細之人也視此安得
不寒心哉柎聞太史公曰砥行立名之士太上
不辱先其次不辱理色其次關三木被箠楚受
辱昔湯讓天下於涓子涓子弗之潔也負石入

水外伯夷思與鄉人處其冠不正衣之若將免於塗炭夫視天下不以為潔視傾冠細故若恐汗其身也設使二子視辱其先祖理色關三木箠楚受辱者思將何如哉夫桀行汗名賤即死若九牛亡一毛無所輕重於世然自恐恥湛溺苟活溷穢之中無恤滄子伯夷之誚者竊惟私恨有所未圖報天地之大義有所未經列如前所云也昔越王句踐禦吳於檣李戈其王闔廬殺之夫差使人立於庭苟出入必曰夫差而

忘越人之殺而父虐則對曰不敢忘三年乃報卒敗越於夫椒嚮使夫差懷君父之讎卒有不諱則越無會稽之恥大夫泄庸種蠡必不匍匐屈膝於巖谷之間其子女臣妾文馬珠玉珍寶之器必不陳於姑蘓之臺闔廬之恥必不雪於九原之下楚子滅越楸也箴尹使齊反自拘於司敗楚人釋之曰存乎文之祀若楚子忍於箴尹之禍若敖氏之鬼久矣其餒矣孟明視為秦伐晉再戰再北喪師百萬為晉俘虜逃之囂鼓

之下可為辱矣孟明以劔師禽將冰勇也身歿
名蔑為天下笑冰智也退而與秦伯圖策沂雍
之間君臣合謀開關出兵東取王官及郊濟茅
津對殺屍還伯西戎威震天下再敗之恥一鼓
而洒之使秦伯不悟過之可使以立功誅孟明
以見法孟明不蚤見主之不畱眾引節以自裁
夫孟明髮膚與人同骨肉冰有異眾之飾徒偕
草木必糞壤死矣安得彊秦之國功並五霸名
與天壤俱去夫柎抱不測之眾冰有公輸墨翟

之智陶朱猗頓之富孟嘗賓客解難脫歿之拔
也生產貿易子無餘燼蔑父子兄弟之親寡妻
孤女棲食畦蔬紡績之間柎恐就刑之後父母
骸骨長弃暴露遠無收恤之主牧豎戲為蹋鞠
牛羊礪之角獵夫鞭其朽過者泚頰晚視曰盧
柎不肖抵法使其親陳列天地如此可哀也夫
柎誠無面目見先人地下俾夫差得專美於其
前也竊又恐隊姓隕氏絕太公之後祖宗墳墓
歲嘗伏臘無一人陳菜羹奠酒漿者不得如楚

子存若敖之祀也夫柎固有一歿特以滅奴矯
誣坐滅卻顯業廢事功口無食人之粟足無立
人之朝一旦與螻螳同斃飲恨忍恥長跪遠謝
於孟明視奈何不拊膺捶髀流涕泣盡而繼之
以血也柎伏覩執事為治大名農易其業女不
忘機杼南鄙郊墟之民父老扶杖謳歌思化是
召公之治也博物多識窮天地之文密綴理之
極是子產之智也忠信明斷民愛不忍諄無姦
伏之心是仲由之義也夫執事被三盛德柎猶

卧烈燄之中甘隳爛之禍不能極聲號嘯以速
霖雨之澤智之所不足論也柎聞古之君子聽
獄致其忠愛以盡之疑獄汜詢有赦無殺柎雖
不佞竊覬覦於君子矣夫先王觀風盡民情之
變有奏獻賦詩之體柎不揆昧死述鄙俚隨書
進聞維執事之採察焉柎頓首頓首

與陳一泉外翰書

柎聞往年執事受軾走馬來濬縣時縣主尊重
廉隅豪習高其才不輕與物接明日始乘轎邸

見執事之任既數日始戒官寮役事屬典禮進
賀踰年柎或因執事春秋祭饗會食入公門於
園牆窺視則縣主肅而入率而出周旋委蛇賓
主輕重之儀官敢墜逸與前所聞者大異竊獨
不知何為而然也既而濬士大夫有所存問於
柎者私道執事盛德恭愛仁賢道隆而思謙行
顯而體備宏外而惠中有所叩則因為之鳴以
盡其節温乎如玉縝乎如金萃乎如芙蓉澹乎
如瓠水泛於澹澄霽而無所淆濁也曩昔縣主

之所以盡禮於執事者謂非出是乎哉暨柎詣
御史臺對蒞內黃見執事選來每伏謁道左執
事忘其為囚以鞭揮之曰毋執事之聲音顏色
始得接見尤進乎園牆之所窺識者而前士大
夫所稱譽果足以得其似也當是時有能脫去
桎梏加我以冠履法服令之得為人其體使能
誣伸坐立其手足使能持行其耳目使能視聽
其禮貌使能揖遜退避其口使能道古今事變
明仁義陳帝王之迹而無已也執事馮軒而聽

之則必有可觀者今以刑僂之民為世擯斥雖
欲自進已見逐於君子門墻矣柙又焉敢振金
鐵元明刑揚其惡臭塵觸於執事之庭哉雖然
嘗聞聖人樂天而知命賢者守義以徇歿智士
不廢時以立功所謂樂天而知命者道德備於
己險夷之來非我所致凡利害并沈通塞之故
舉弗問焉則周公居東孔子圍陳其人也所謂
守義以徇歿者不幸而禍變加我者或是與雖
死以定分可也加我者或非是與雖死以順受

亦可也然則奚歿哉死於義則止爾若荀息之
死節於孫豹之守難彼誠沒乎是也所謂不廢
時以立功者略小嫌以自汙藏器以待時而用
其道於天下者也略小嫌以自汙者所失者一
節而所全者大分也藏器以待時者權也而用
其道於天下者垂大名於天地洪濟萬物而大
行斯世者也昔子犯之負戈管仲囚檻而顯齊
者非與夫柙以盲昧隨死刑誠見黜於周公孔
子者若荀息孫豹則為其君引節令柙緣雖

望誣而罹之極刑即狗彘其所守者何義哉獨
得罪章所載一見釋於御史樊公再見疑於太
守張公使有解倒懸者得沒其齒終其愚則桎
頭為伯臣執鞭夫豈無膚寸之功以謝天下哉
今特囚拘牢狴去冠飾而懸絀之其體非復能
誦伸坐立其手足非復能持行其耳目非復能
視聽其禮貌非復能揖遜退避其口非復能道
言今事變明仁義陳帝王之迹假令執事致之
堂廷賜之跪使出話言不過頽然一囚而已又

安能決胸臆開口一辭為君子應對哉夫桎淹
次數年心思輻輳每傳鐘鼓及獄卒喧呼發報
則便悸怖久之始能定日間與囚徒雜處或勉
強一咲不過亂愁苦忘兒女思爾非有所謂樂
然後咲者也使憂能傷人則吾豈可以延歲月
不歎哉比年來桎梏無晝夜或為文賦腹藁成
則請於司園氏解刑而後書已則復刑以故多
鄙倍無足觀然猶不以為恥而獻之官府亦欲
司命者知桎梏從事於斯免榜笞云爾夫帝約

惡歎君子忘其兇穢而寢之皮取其文也今柎
兇穢異於虎豹而有其文或者為君子之所寢
邪謹錄舊所為文五首賦二首雜體詩三十首
託諸生錢子萬選李子應宿敬上執事倘忘其
兇腐之質而寢其皮毛之文燭日月之光而賜
之以不死之惠俾柎士大夫所稱與親炙盛
德而叩其鴻音則夫園墻之所見內黃之所待
者愧然而失矣柎父母五年不葬而二子一女
或闔門茂也無所統繼濟之士大夫固能言之

今不敢贅唯執事垂察

上郝南峰吏部書

柎聞昔者荆軻入秦而白虹貫日白起滅趙師
而太白食昴鄒衍繫燕王之肆而五月飛霜夫
精誠變天地奸氣拂星辰此皆越等夷之幹造
盛衰之變關命運之會殆非人可與揆咎而
取徵也夫德肖朝菌形類蟪蛄生如植槁梧巨
若覆瓦灰然嚮靡延長頸極蹠呼以求託化育
之意也負擔之億夫誰有蹈赴湯火舉手投足

五五集 卷之一
拯死凶者扒柙聞荆楚連城之壁隋侯明月之
珠於越湛盧之劍屈產鬻膝之乘此四者天下
之至寶使出自齊秦吳楚大國必將狹重期之
觀崇華廐以養之累踵曳跗購千金而視矣發
跡於三家之市則人之躡景昂目而觀者纔百
之二三何則語曰犀象無位出自驕貴薺草
履無然下伍積居襲之漸也今柙本蓬澤枯槁
之士奕世編氓業不出丘壑綺縞不曳體梁肉
不適唇繩樞瓦缶長天子孫閭巷不聞金玉之

聲勲業之貴擁貂踰乘魚軒揚省潤論視猶土
梗草苴斯六士之至賤者矣爾乃負固陋之質
效矯世之志遐思遠舉立於百世之下以竊慕
於千萬世之上詩書錦小愚禮樂誘言志依附
處士乖忤權貴雕蟲綺篆於辭賦之間銜玉不
售置吾家體用不適焉於是乎上不能伏蠖穴
之側考泉石之跡以重明主之頤次不能發經
射策効納忠信以拾取緋紫之榮下不能揆卜
齷之計逐什一之利致富千金為宗族光寵夫

然後張目而劍戟森企足而梁父峙市井都遂
之中一陷窳網羅之設矣昔客有鼓瑟於齊王
之門者能使鬼神上下縣竽不合則人將掩耳
而不聽宋人資章甫適越雖端凝冕裘斷髮文
身則人將駭矚頓走反目而不觀諺有之曰衆
口鑠金重毀銷骨而柎負違俗之難抱獨任之
豐挾撮壤而障江河則人有惜狗馬之斃痛狐
狸之掩靡不愛柎一死者矣况夫潢汙瀆於鬼
神鄭聲淫於師曠社櫟弃於匠石燕樂吟於

觀誇渚崖而東面視惡知其不長咲惡於太古
也夫柎罪戾如此其大適遭傭奴之變而其家
益無賴圖致之死要既不訾之賄厚誣抵法之
刑尚賴天地日月得自明稱貫一年乃復皇網
掩其翮周綯縶其膚申索繫其足垣鼠不避嚙
其髮髭柎聞市廛之音商販歎嘆愈於鈞天之
樂薄解束縛稍置散地跼躑僂俯愈於帝庭之
美出檻域寢苦塊愈於匡牀之安藜藿之飯晨
至而晡進試以挺杖後食愈於紫馳之羹藉衣短

禱不掩脛骨略備燥濕愈於魯縞之繒吏至喜
則屈膝怒則頭搶地雖太史公詬辱蠶室王嘉
揚於法伍李固斃身蠶缺塗毒金鐵俛首垂涎
嚔天椎心而流之以血何以踰此柵聞蛟龍失
雲雨則震鱗波濤殞骨泥沙士嬰袖羅則毀身
亡名折節狗死今柵刑辱志降長謝洙泗則聖
賢之逐客覽清聖之鑒則鴟鳶之餘肉何地而
不可委乎而柵舍垢忍恥延一夕之命苟活涸
壤溺血之中不能蚤自裁決貽先祖之羞徵

里之惡者是非禍覬徼幸而利大於媮生耳竊
懷蓄恨之積固有不自瞑目之行故敢冒灰上陳
類執事憫裁聽察其至柵聞古人有言曰人固
有一死或重於泰山或輕於鴻毛用之趣舍異
也何則孝莫大於復讎統莫先於傳子士莫重
於廣業昔者尚子行仁勇之事長驅赴難不能
報伍奢之怨穆公屬國於宋殤構戚黨之禍結
怨諸侯不能定子馮之居子推汙世主之量高
不賞之節燔炙介山不能樹管仲之功也故夫

事涉過計於前駟馬不能捷之於其後矧死生之際得失之大機柝固熟思而詳議之矣唯執事推心加聽焉曩者柝寘身園土出歸謁先人於淇門救廬未幾而黃池之孽作黑山之賊舉抉垣破屋戕先人而火其室先母垂白髮號哭不逾時而逝者豈非悼痛先人不首牖之故哉夫柝孤立無兄弟大雅甫九歲即亡次子三歲亦殀死寘妻孤女孑然在室族人攘利變易不測竊恐柝舟不可為誓陳人之媵或加於我廬

處子矣柝聞墨翟棄室而說諸侯百里奚鬻妻而相甯戚飯牛以干桓公此三人者豈竊世主權利富貴取聲譽天下以要之各乘時奮智行義達道樹勲業為不朽耳夫柝自穉齒學童句長而被儒服誦法周公孔子之道思欲附會古人効駑鈍之姿蹇步鉛割麤布所建明於斯世也然瓦礫之材璞匠所棄制科之不收縉紳士大夫之弗齒中風狂癩觸昭憲之網弗出者三年矣奈何遽死而不急為煇呼於執事左右哉

由是觀之舉于推之隘者則士不宏跡宗穆之
謬者則統失緒持尚子之懿者則狗近名孝不
寬昔曹沫將魯不灰三敗之辱于柯之盟則接
匕首劫桓公歸魯之侵地以雪血師之恥令
破邑曹沫之羞以反三子者之見而後伏斧鑕
之刑尸藁街之觀款然長逝少謝造物之私款
事胡不少惡憐惜寰天下恢廓之量忘其出身
之微越於世借之惡拯袂水火雪渣滯之冤以
成憤抑之志神即白骨復生載覆盆而被日月

之光者果誰之賜哉

與陳龍泉大理書

柎聞物有異類而同情者故鬻牛齧棘猛虎負
隅麋鹿走挺柎竊以為禽獸之性怵於死不過
惡中傷血肉惜毛羽骨角而外不知事夫人則
不然特秀萬物善智慧悅親戚交遊急耳目四
肢之愛臨不諱之期陳取冠履故物羅列諸兒
女妻妾滿前執手喟吧語咕咕屬後事視禽獸
無所省而灰者遠矣夫君子則不然任天下重

器身百世之規道諱未盡下見滄於閭里而上
無王伯之遇不幸遭變則含穢誣辱嚴周身之
防以圖事未効視夫人略知省而死者亦速矣
今柩無君子之行而私有志焉自愛於其死日
者柩以傭奴故坐法御史樊公察其誣而出之
明年毅公按罷尋寘之死而柩父母在殯啣不
共天之寃絕宗祀之緒濶倫理隳民彛姓名不
著無補益於世與盜賊同斃於法伍則柩安得
不寒心酸鼻而死哉即死不過於二三禁吏之

手與羣儻鳴、相悲咽而已又安得諸兒女妻
妾滿前執手屬後事哉且犴獄幽雪之地一夫
辜死則暴之數日始出落髮髭變肌膚巨鼠如
狼噉其面目甚則羣嘯抉腹聾其腸胃脂膏相
靡於垣墻之間是不得惜毛羽骨角如禽獸矣
今柩待死何以免於是竊聞禮君子決獄有赦
重附輕之義思柩骨肉無見笑於牛虎麋鹿則
執事之賜焉唯留意幸察

上吳少槐吏部書

楚頃襄王好畋獵獒齧御人脛州侯夏侯請蒺
磔獒楚王曰已卒飼之虞人之餽莊辛見楚王
曰臣聞大王獵獒齧御人脛也有之乎王曰有
之曰王之獒孰與於王之御人王曰御人貴夫
王不賜之磔也已甚矣而復予之餽此王率獸
食人也楚王曰先生之言諄實人奉先王社稷
雖不肖豈敢比於率獸而食人日者獒將烹實
人已令處獒深宮深宮不逢不若誑虺之屬不
敢為妖祥此獒之樵塗者也它日獒在朝暴容

邪侮之徒不至持戟宿衛之士日事高寢此獒
之恭阿犀甲堅城方池者也不它日獒出郢楚
黔中過夏州還獵蒼梧之野軼熊常驅豹裂腦
血鮮于巖谷之間窮軀彊幹之獸東走齊青丘
境上此獒之瘡盧矰繳藥鍤陷穿之利也夫獒
備三能實人弗恤逆貴人之請是磔三能也實
人何靳於虞人之餽莊辛曰善王之已也存獒
三能夫楠蓄僕人之脛讎家因矯殺之厚誣之
死執政不肯深原論曰抵罪此獒之將磔也甚

矣夫負死罪待磔誠不足惜竊悲夫先人暴露
二子就亡盧氏之鬼將乞食於誰之原乎執事
誠已柵死緇名司里保副之開誓服犯教之民
如驅豺狼柵且為鄉里挑塗熬矣若不獲命願
賜後配速放焉處都會監門持戟禁呵國之奸
細柵始亦為要路恭阿犀甲堅城方池熬矣抑
亦徼惠太公之世得賜流竄荒裔乎抗旌西夏
還戍漁陽礪劍飲馬長城之窟使旃裘引弓之
民不敢南向牧馬柵將亦為國之澹盧增級藥

銛陷窵之利熬矣夫執事憫柵一死聽命以圖
事三效此豈獨楚熬被顯惠蒙福澤於頃襄王
哉

上張賊山侍御書

柵繫獄刑罪深重蹈不測之誅忘日月晦朔之
變形顏銷穢伏棘垣而待缺蹠者於茲七年矣
然猶不揣輒上書當道自明以求幸納於速化
之域是非獨愛狗馬之命故為是謀、爾誠以
事實極枉諫者因緣文致不肯平反即穠生不

能辨一日陳屍東市飽鴟鴞豕犬肉澤既化則
楠又安得以浮游魂氣往來於王公大夫之前
開口一雪其冤乎由是進退無據荒汗號呼於
鼎鑊之間以畢其餘悃而敬聞命於下執事柙
聞傳稱舜為天子臯陶為士瞽瞍殺人如之何
曰執之而已爾夫瞽瞍天子之父而臯陶執之
為能用法焉設使匹夫匹婦惟無妄之刑事可
議也情可疑也獻讞之辭不能持其平也則臯
陶將惕然弗安若已推而納諸溝中申其誣弛

其刑不亡其辭不也也則臯陶何心執母亦
曰濫者受之天者也士師者奉天之法以佐天
子者也吾執法能無天子之父而不能恤匹夫
匹婦之冤敬於大惕於細褻天之法士師之罪
為有大焉爾故其言曰天討有罪五刑五用哉
又曰與其殺不辜寧失不經是則臯陶而已矣
柙為雇工人張杲本家圖死縣官以私怨寘之
大辟暨柙奏辨下大名張公勘問仍作雇工人
大理駁章曰張杲之死似非一人一手所能致

恤刑覆勘曰本犯執稱毆死張杲係雇工偷盜
堅不輸服是誠其事可諫焉矣情可疑焉矣獻
獄之辭不能持其平焉矣設使臯陶兄而覆之
將執其法而遽殺之與抑亦申其誣弛其刑正
其辭而原之與不然何臯陶嚮昔施於匹夫匹
婦今獨薄之於柙是豈士師有二法乎哉或詰
之曰子言誠似矣然子文案連抱窮年之獄孰
肯息上下之嫌子立以枕子於柙曰不然獄文
誠無所疑在所不宜開苟有所疑雖百世之下

猶或非之况乎數年之事是非之公尚可問之
三代直道之民也邪昔者梁人有繼母殺其父
者而其子殺之有司斷以大逆孔季彥枕之而
免南康囚法不當決監司欲誅之周茂林擲板
於地將棄官歸而卒全其人是二公者浩然之
氣直塞天地故於今不衰焉近年巡按胡公按
颶諸公枕柙曰冤胡公曰此卒不可殺以待來
年察院爾柙愚雖不見明然感天地覆載之恩
者未嘗不耿耿於懷也何獨私念孔季彥周茂

叔云執事盛德遺愛流布魏郡南鄙之民被照
臨者仰如天日柵固竊處園墻恒切衷私孤子
之望父慈女之慕母不啻過也緣執事在古臯
陶之位故柵得以臯陶之說進輒復忘其臭穢
敢獻俚辭文四篇雜體詩四十七首略抒冤衷
唯執事垂察幸甚幸甚

與取忠菴進士書

孟冬十六日臺人某來揖司園氏曰汝為我語
盧柵屬者進士取公過濬訊訪而寬狀曲垂愍

痛諸所云要旨謂斯世縉紳元老諸公憐而狗
馬文辭早晚消息得原報柵愚聞此伏地叩頭
泣血下曰柵不肖弗遵師訓蹈履乖舛鬼神恫
怒橫被譴厲疾首圜門抱不測之誅為名教所
不齒者於茲八年今取公乘驛傳未遑脫鞅遽
賜問一囚抑不知柵以何因緣得見幸如此然
柵知有所感矣請敬陳之夫天地萬物交錯水
火相薄精氣感通象類流動各以名應故易曰
窅然不動感而遂通天下之故樂記曰感於物

而動故形於聲夫感通固神化之能妙用符契
之機也獨無觀於會稽之山夏后氏之穴焉爾
乎礧崕嶮岿寥乎其深虛也不知夫地氣至則
洩靈浸出雲霧變化虬繆盤旋如車蓋旗幟盡
幻恠於山谷之間嚮之靜淵者轉而劃然軼蕩
也夫夏后氏之穴其感之微者也因是知豐山
有九鐘焉邈懸曠漠偶乎其塊獨也不知夫霜
降氣凝轟闐雷觸天然自鳴於大荒之野朝遊
乎瓦礫夕諧音乎玉磬轉移之間比於師曠之

耳夫豐山之鐘其感之微者也因是知沙邱有
虬鳥焉龜溪蟄籥口向宿不知春社既臨儻然
竊杲暎入華屋少出於珍竒花木之間冷然而
乘清風飄搖乎太清雖有滄虛增綴之施弋人
將弗加乎其上矣夫沙邱虬鳥其感之微者也
因是知燕臣郈衍縲頸繫獄頽乎其刀鋸之骨
鼎鑊之歲也不知夫昭王感吁霜之事按劍解
頽尊為上客卒之推連五德談天地四海九州
之蘊吹陰谷之律使五穀繁殖夜為虜晝為賓

夫燕臣鄒衍其感之寘著然尚違遠而難言也
曰是知今日之事柙嘗受誣大辟伏金索貫三
木與盜賊妃伍惘乎自今為天下大僂也不知
夫取公方受命南還揭旌黎侯之國而威馳乎
燕趙之外觸鼻類存寬僂令柙違去塗炭存先
祖祀畢少壯之志雪一劍之恥然後什質橫兮
以身首謝士夫即柙瞑目而取公之德已塞乎
天壤矣夫柙囚居九幽之地有內死之心無外
望圖生之意蓋人云云蓋取公感之以天也而

僕長跪遠謝動之以人也夫積誠弗竭則著之
言辭言辭之不足則摠之以為文孔子曰言之
無立行之不遠謹以荒疏并舊作四賦十冊敬
上伏惟高明垂覽焉柙頓首頓首

上皇春陵內翰書

前五
月內節判馮公來署濟事之三日臨獄閱
囚出明公所示手書文采巨麗懇惻過甚皎乎
如春陽溫乎如挾纊既枯之骨勃然復興此誠
造化生育萬物之私非世俗偶然一得之效也

柙愚不勝愴恨伏念五六日抵於旬月精爽淪
喪恍恍如失東望稽顙渺無涯涘竊唯載古在
昔賢豪之士顯於側陋若侯生見願於夷門馮
諶蒙任於薛邱毛遂脫穎於趙庭薛公納春於
旅次是皆感會風雲遭際也運適見龍之時而
受知於大人者也繼茲以往世道交喪玄纁蒼
屨之義加於世曹丹書赤訓之章不出侯門陳
平之巷絕長者之車韓康之廬乏東帛之爰過
此而言取士於管庫魚鹽之間者吾未之見也

矧夫弗潔之囚三木囊頭長錮犴獄者執夫虎
豹之皮人取其文而或畏其兇犀象之骨人愛
其材而或惡其穢是非虎豹之罪皮與骨固足
以厚人之疑也柙以傭奴故致晉師三豕之疑
涉樂正夔一足之誤陷法象之地備榜楚之辱
彈周勃之金嘔條侯之血蟣蟲生於肘腋疥垢
長於肌膚縣衣如鶉結髮如繭節屆暮秋獄草
委歇仰視鴻雁噉々南翔思欲振義和之轡項
六龍之首折若華於陽渚躡倒景於崦嵫天路

永避喟言莫昇神往刑留我勞如何昔嵇康以
忤權而臨刑蔡邕以浩嘆而當僂陸機以膺譖
而致命禰衡以抗俗而膏鉞此數君子者功成
行著生則縣名於霄漢死則垂芳於竹帛長逝
瞑目夫復何恨哉若柎讀書幾三十年叨光於
禮樂之域獵芳於詞翰之林上不能効駑蹇之
力於當代下不能立清修之譽於鄉閭徒以曾
參殺人之謬與盜跖聯頸而死嗟乎人生至此
態不悲哉願念刑影寔知兇械柎竊自今當為

世所棄又安敢蓄不訾之懷望大君子收恤明
公道塞二儀光照四表奎璧之章格於上下鸞
龍之文奮乎遠邇將使徐陳奉轡應劉扶轂屈
原擁篲於前子雲擔簦於後此足以激明公天
挺之聰顯昭代人文之盛矣今上注意翰藻
明公制作實回聖眷雖漢儒白虎石渠之遇葛
以踰此夫盛德顯位魏、如彼令聞廣譽赫、
如此然猶投人夜光徼福囚虜慰冤魂於梧丘
解貳負於石室垂太息於幽垣示昭曠於天下

孟嘗平原信陵諸君號稱下士未易幾此柙感
息無地敬敷委曲臨紙抆涕痛深心骨唯不惜
帷蓋終惠犬馬孟章

與孟龍川書

龍川執事莊周稱膏以明自銷漆以用而割櫟
櫟之材以癰瘡不適用而壽竊嘗嘆此語為不
關世故隋四體偶槁木土石能言誤斯世而已
及觀夏商末主殺龍逢囚箕子剝王子比干彼
三賢者視死如逞明惟恐其不銷也用惟恐其

不割也未嘗假以癰瘡不適用而壽則信乎周
言果為過論也夫龍逢箕子王子比干樂然而
死者其道誠有所重故生而有所不用耳曩使
苟於殺身無關綱常倫理之道此與匹夫匹婦
自縊於溝壑同彼三賢者尚肯銷其明割其用
潰其癰瘡徒適用而弗壽耶然則周之言或有
可取與今有人薦高第職在司諫或監察御史
給事中官犯顏直諫膏身缺鉞與龍逢箕子王
子比干遊則亦何恨於死也若乃讀書行道身

未荷人之祿手無析人之圭徒以讎者文致矯
誣啣亮抑負明刑與一切盜賊奸宄無賴之徒
同斃柳安得不有感於莊周云僕繫獄事本未
執事悉備而我盧氏在濬世業農無公卿朝
士大夫顯貴故僕得罪後無一人肯援手者而
僕亦不敢出私怨言分定故也假若趙盾受械
狐偃當僇柳下惠城旦子臧季札充匠作子產
季良亦不豹石磔擬流竄有力者坐笑而觀之
彼數君子者能無怨乎哉夫其怨者戚之也不

怨者疏之也戚之故民無所不致其愛也疏之
故怨而有所不屑也奚若是分定故而已矣今
世大人君子有能興哀於不報之地僕得末戚
遠徙邊塞汚胡虜血刃死為國殤雖未能從龍
逢箕子王子比干遊比之徒死園牆無分毫効
力當代者不亦遠乎哉私念至是前莊周所謂
愛其明惜其用守癰瘡無用而竊壽者僕誠無
取焉執事以為何如屬者聞執事於王四府取
進士前極稱僕見誣狀又出所作四賦塵上此

造化生物之妙也銘刻銘刻持去滕王閣圖乃
正德間山東馬生手所摹者尤工縱其畫額記
中語率僕寓言執事一一詳之始見不知其肯
為僕一雪涕否也令器華平朔平俱才識高邁
恨不能相見語唯執事善教不枉其材幸甚

與王鳳洲郎中書

梅負質大馬不能操執有所自立中風狂走傾
跌豁險覺冷所積卒與禍會往年謝逸人四溟
狀梅冤誣明公哀其侗愚為梅白請上官蠲

垂死之齒既又為之詩以誌喜音節愷亮寄情
悽惋真可以偕金石感鬼神令人讀之嘔嗔心
腎派涕垂血無已也梅承此北嚮叩頭不勝愧
恨竊謂梅刑僂小人未嘗接待大君子顏範而
荷眷如此獨以注時狂狴森密無由裁報中心
愴熱忽々彌年今始脫刑網伏跡茅茨將飾固
陋之愚款則辭寒而瀆聽鉗口是尚甚非仰吞
鴻鈞播物之義故敢略陳微悃唯高叻採察柎
家世農畝無王侯卿相之貴甚霄壤薰灼之勢

繩樞瓦缶長大子孫獨棟顯蒙廁諸生講席曾
不能以此時對揚三策上輔明主又不能資藉
夙儒鑒視已之毫髮恣唯傲物獲罪上下斯已
自今投跡豺虎矣庚子歲傭奴狗盜本家排塌
巖墻撲灰時賢不察寘棟極刑囊首鉗足囚鞠
幽室惡吏好偵榜楚毒至吞齧飲血苟活於溺
溷之中者十二年焉夫棟始之以媮駁之罪繼
之以殞軀之禍濬之父兄信雖仁賢見棟如是
固已視為螻蟻之肉而棟豈望全其首領復葬

祖宗之墳墓乎明府小峰陸公蒞政之初萬察
寃抑為棟平反窮辭極力於臺憲之際然後氛
霧再廓天日迭見嗟乎時既逝矣魄既漸矣忽
焉來復此何世矣兩恨二親並暴三子同喪終
天永訣弗克臨窆出獄之日託跡閭閻偃仰穴
繆傍徨四壁臨日顧影悄然傷魂莞熒之思勞
績曷已昔楊子幼旣貶斥謂小人全軀悅以忘
罪彼特以荒淫自娛良未極夫此爾歲凶濬邑
猶甚柶妻女八口親舂糠糲拾鳧莖草根以供

者歟夫數理所不能過者雖大聖亦不克免仲尼天縱至其變也厄於陳蔡矧柵齒削之末夫復何所云竊又恬於利勢每讀烏保猗頓傳見其賤市貴販逐倍萬之利輒汗流被面貴人之門恥為曳裾蓬箔煙囪舉目言笑非唯世之喪柵柵亦喪世矣縉紳先生見柵如是哀其窮時時存恤而柵亦逡巡惶惑不敢出見諺曰焚其室曳其尾伊誰之恥斯柵之謂也抑予又將何所怨懟柵鄙穢誼不敢以此言進者仰唯明公

常出柵水火負戴之私切於夢寐其處已行事恒若慄越惟恐不能奉承德意以傷公知人之明憐人之衷冒死上聞外錄所作文詩賦共三卷隨楮呈覽乞叱入裁教幸甚幸甚

與申洹野書

伯樂適燕燕王請見曰燕雖小固冀北天下之馬藪也竄人有馬願先生相之伯樂曰諾燕王召圍人擗上乘以見馬肥而茁潤黃金白璧之光流於月題伯樂曰奴馬飾之爾明日擗中乘

以見靡鞭筴絕兩銜今晚騰躍而趨鬣左右也
伯樂曰駢馬不可御爾又明日擗下乘以見濬
溺膠其腹蒜汁液其髮骨象峻嶒進之如有疑
也退之如有思也俛而噴仰而鳴若有所言而
不能也伯樂改容變色一舉而三失走見王曰
臣相馬三日一不中法今見王之下乘夫下乘
固天下馬也而王斥之外廐母乃枯之皮毛而
不能索馬於牝牡玄黃之外乎燕王曰謹謝客
實人弗識也夫今天下之士華言善服者居上

乘奔利據要者居上乘言衷行成上微君相之
遇下見困於艸苴泥塗見惡於鄉里者居下乘
是下於貧賤之士則延之於閣賓為上客賜之
坐及之話言是下胡不枯之皮毛獨能索士於
下乘哉子相士之伯樂矣

再上李東岡書

梅聞魯使人於宋踰梁父之險捫織葛陟鴻崖
俄而力屈絕援墜大壑中三年飢茹松栢之葉
而渴飲霜露吸夜氣風雨之所激射虺蛇之所

吮齧山精魑魅之所蹂躪粹艱苦殊狀其濱於死
者數四矣然其人極聲號嘯求拯於途旅往來
者然皆聞之去而弗顧也間有顧者不過攀危
木踰滑苔側身俯首曠視嘿然駭慄輒引去不
執然卒未知其人死與否也明年魯人伐宋攻
其城公輸子載修具輶輶器械往過之而其
人猶存活力疾呼之不已公輸子垂長纆于樹下
飛梯雲梯以致之其不及崖畔而康居者尋
寸之間高然激湍中絕愈益隨其人或死

然後知命之窮豈理數之未至終自患曠至
而無所仰矣荆卿昔不遵師訓陋曠聞道曠行
徑趨傾跌頓仆沉居圍墻之中管惡糗備飲誓
毒之冰金鐵鉗其脛蟲蝨其膚冤厲嘯嘯之
鬼振於夢寐震嗥哭而望拯於世者於茲五年
晏然亦有聞之弗顧者有顧之嘿然駭慄引去
者竟未見其能披髮縛冠而逞拯之者也往年
執事自諫垣臨治大名柵竊私心喜之曰李公
位隆德盛道光而化普行獨而思淵浩然之氣

嗚乎天地執造化之契而施再育之恩者此其
人矣於是仰首長鳴極其聲而號呼之時御史
訶公行罷執事慨然與張公吳公明其寃而抗
抗之益力雖公輸之救營使不過若是恩也向
使胡公少宥察焉天隱之意出柩幽谷隰之崖
畔以行執事一夫不獲之憂抑亦何損於政而
乃藜柎淵壑踣躄彌年維興哀望至竊恐公輸
厭聞而長往弗顧令柩陳於坑谷隈野鼠鴟鴞
宗祀滅絕妻妾改醮則先人之柩誰能此類哉

視覆以一杯之土哉夫柩罪文始末執事已悉
今不敢贅但張杲實柩傭人彼家排墻撲死遍
體傷痕夫豈柩一人一手所致佐見俱悉苟訊
及之其情立見矣今刑部駁重覆勘坐此齟齬
乃張公復令濬縣勘問夫積獄既久若使下官
奉承刑部風旨羅織成獄是猶重關金墉而固
之以鑿又安知死所哉伏惟執事聞公輸之仁
哀墜壑之難接之長綆飛檣雲梯以慰柩極聲
嗚呼之望庶使墜者不死葬二親之柩全妻妾

之節長育胤嗣以成我執事興滅繼絕之惠
少長一日畢盡志願執事所賜豈有涯涘哉

蟻錄集卷之一終

蟻螿集卷之二



黎陽盧 棟次榘著

同邑孟華平明瑞校

長清張其忠伯蓋梓

啓

為濬諸生苗賢令陸侯啓

濬學生某等齋沐企悚謹奉啓大台輔侍御楊
公臺下某等頓首頓首死罪死罪某聞有虞鷹
曆而容命群救夏后宅揆而式叙九功哲懋官

方業閔天緒聖神國極茲焉託始嗣是載注雲
涌川徂若公旦報政餘魯惠於優渥尚父奏功
捷齊聲於標亮漸摩淺深之術胤祚興衰之運
世固可得言之矣昔子產蒞政訛言屢騰滋世
殆久詠歌始暢卒使楚之師望塵於溱洧平人樓
甲於西翼由斯論之屢任久輶之效不可誣已
且夫卓茂遷密境絕飛蝗牟融宰豐治存異跡
史雲葉蕪釜魚蜚唱孔奮姑臧盤蔬育馨蔡彤
偃師詔書增秩劉陶順陽童謡讚美之數公若

權僅百里之用秩非萬石之貴國時奪物錢
無由夫泰山之砥詎一朝之雷城門之執非西
馬之力聖人久適其道王者期世後仁稽古載
昔風猷弗舛爰惟有濬寔衛故墟河山相薄兩
曷豆患夏燔槁盡穰旅魚鼈杼柚藝薪鍾庾
穢國賊報征官師淆亂男女劓剝馬牛逋沒困
頽狼狽流離質遷欄宇之餘鞠為禾黍嫠婦坐
嘯野哭晨興村塢蕭條痛心在目雖賢俊繼踵
頽加損益然宣尼不著世喪道矣介石獨往皆

撰於守經者也人皆守經則天下幾於無權矣
是以結繩之政治秦則烹干羽之舞敵愾則靡
何者勢窮於不可用則用者退事適於不可禦
則禦者來若遇昧淮南隨賤之論眇孫卿百仞
之旨孰閔損仍舊之談陋董子更張之喻行類
刻舟智侔膠柱相時之器殆其不然竊惟濬縣
知縣平湖進士陸 肇自下車識量洪邁治績
兼解法由社鼠凝思風草流潤脂澤功緒雲
七紀父老故其建學興師首先風化恆暨金

縹緲廡宇浚流鉅川駢歸閭族離校驛傳蠲除
重需藉賑備荒值稔通私流競駉賄靜一奸宄
罷斥山石栽柳傳置楸俸養老分祿聘士甄表
忠貞洒雪寃獄是皆命世成務及經合權行昭
日域恩曠天波銘表大常之旌功綴羽陵之蘭
豈徒郭子賞識許公亮鑒而已哉是歲十月陸
以三載考績如京咸曰上當見留上當見留則
濬人鮮終矣濬自 孝武皇帝以來靡救不
尹是邑者若上饒工部侍郎楊公鎮以廉介太

原監察御史魏公持以公方然即政非久鴻澤
未究輒見擢公陸之前事稍集方期大效殫之
歲月乃可底績若使政訖小康功虧一篲長未
洗之瘡痍亟轉加之塗炭民命弗堪亂離斯瘼
我心慙之謂之何哉夫超絕窮壤非尺蠖之力
馳騁千里必駮耳之駟終陸之政希陸之人時
或改輒償功立見屬者公車告啓攀轅若在驥
駒戒路截鎧如存闔境髦倪傾方士庶人蓄怨
慕家懷訴書惶走交頰翼隳魏闕昔寇恂河內

信一年焦延小黃乞還舊職以今方之何有
李爾或乃製錦方純遂斷機長往割雞未竟即
解方帝顧可棠虛名伯之思緇衣勞武公之諫
甚不然矣夫萬物之所不通聖王因而不奪長
譽以顯朝著之用何如好民以樹藩籬之固夫
實哲善世民所弗能忘也黜易漸危民所弗肯
違也奪其弗忘與之弗遂是謂政輟是故朱紱
洞瑟希世之音師曠之雅好天球琬琰秘異之
珍宗廟之至寶也賢人君子民之愛也亦然某

等素荷德教樂育菁莪猥榮桃李蒨芳至公愛
而無厭輒敢進聞倘以私謬之言枉垂聽覽於
某所懇進呈 聖裁特停選擇俾以原任衙門
之事則彛章無毀治化有終遠爾不效治某以
誑諄之罪不勝丹悃屏營之情謹具陸知縣
政隨啓奉白某等死罪死罪

滕王閣圖記

柳少聞南昌當吳楚雄鎮而滕王閣則俯瞰
江延引甌越瑰琦絕偉為東南樓觀第一及讀

王韓所為賦諸所稱引益奇常自語以為當及
壯遊往視造物之妙於所謂滕王閣者庚子歲
補坐傭奴事繫獄纒九月從按監察御史樊公
曰其冤平反明年毅公追寘之大辟由是愈益
其身不得之南昌觀滕王閣矣戊申山東石
公以明進士治濬加恩囚儻補法少寬因市諸
所蓄故物得畫一卷曰滕王閣圖自閣道始傍
連房阿觀旋室榭軒離檐倚案戢香翔翥於
甯漢之上惟石幽篠危松蒼然護暎屏障俱點

綴人物山水圖書象態呈露咸極巧麗獨恨僮
僕數輩不可役使黃衣客兀然吹笛無聲焉爾
閣陰穹山嶄崑橫碧黛綠騰赴環抱流泉瀦沃
曾為洲瀆石衣萍藻委靡悠然而可賞者是誠
天作地藏以助茲閣為天下偉觀者也於是撫
卷慌忽若失縲綫栩栩乎若馭雲軒而超越江
漢飄々乎若遺浮埃之表搏扶搖而游覽於閭
闔也迺知曩昔王韓所為文賦不誣而補亦得
親所謂滕王閣者竊償其私願焉夫滕王閣棟
未之見所傳圖畫又未知真得肖其形與否今

處喜躍為慶幸如是設使棟誠得一凭覽盡江
南臨觀之美即當乘元氣遊六合灑乎長往與
世相棄豈直今日苟活為僇囚依園墻浚廁而
已耶補幽拘多感每戎卒更翻至則道故舊事
或曰某游宦業美田蠶園宅今丘墟矣或曰某
見某服輿刀鼎奇器在若州縣蓋售之也或曰
噫某死矣其子孫不能身有富貴窮且丐也嗟
乎棟待罪七載視猶瞬息斯世已有陵谷變遷

之意而滕王閣獨淹茂吾廬無聞於縉紳士夫
是不參昧於天道往來消息盈縮之理與假令
斯畫為匪人者不過資覆瓿之具抑安知是圖
清游之靈於補無啻而吾燭物之智不見晦於
滕王閣也龍川益君思才雋豪爽尤深畫理於
柎韶訖友善因持軸語之曰是宜與君即柎不
幸死君可自咏其下以慰吾滕王閣之思幸而
見原則吾與君觀天下形勝登會稽涉彭蠡沂洞
庭越衡陽臨漢水以望方城獵雲夢窺荆門下
岷江還行淮海之間鼯鼠所鄰蛇龍所居歷幽
顯崎嶇之觀以求所謂滕王閣者周章而徧覽
之柎雖駕蹇尚能為君歌詠其事舊所藏圖畫
烏足為之羨歎云因戒之曰太汝好適孟君家
待吾考訂姑作記與汝別

世義堂記

秦皇帝令烏保比封君以時與列臣朝請而已
蜀宣婦清亦以資見客為築女懷清臺夫保畜
牧長耳間以奇繒物獻遺戎玉清窮鄉之婦賄

財免浸犯俱未嘗顯德澤物益當代而乃禮抗
人主名敷四海者何哉周人都河北走汴宋汴
宋天下一都會也屬杞東賈齊魯西賈上黨高
梁楚北趙中山饒村木器用魚鹽筋角漆絲危
丹沙銅鐵連屋齒革珠璣瑋瑁農工商賈率歲
巨萬息故其民豪傑富者穀千斛釀千石帛續
紕約千鈞錦千紵薪橐千輛楫千引馬千蹄耳
覆牛羊驢彘千齧滅獲脂千船鯉石首千醵夏
屋千楹穀粟膏腴曠千萬畝則負氣俠俠巧悍

為一切不法丈夫相游戲悲歌抗慨怒即相起
距椎擊或居訕誚善罵行姦蠱是蓋不如保清
之適用財守其業自衛也獨杞巨族張公欽廷
恩氏幼岐嶷好學濶達寬緩足智好議論嘗以
忠孝大節自許可語其人曰吾治生猶伊尹呂
尚之謀孫吳白起用兵不足效也乃取之以權
斷之以勇守之以仁義久之家遂不訾弘治中
軍儲告乏廷恩以八百金往助邊天子嘉之
授昭勇將軍宣武衛指揮使是後歲屢款前後

輸粟六千石金千餘兩巡撫李公俱以事聞詔
下附國史又出遠田六千餘畝給無力夫家留
邑田三分之一供饘粥由是夫家子孫能免飢
寒者無不感廷恩德云廷恩既卒三子長希仁
次希義希仁嘗為國家捐金五百兩粟一千二
百石助賑巡撫潘公奏績詔旌其閭授指揮使
卒而希義承父兄懿德尤克自勵金能振施成
名家閭閻以故長女為周康王妃康王府屬有
以罪逮繫者或求救遂絕之曰惡去吾以禮輔

王是豈可受干謁者里人鬻女償逋責希義聞
之曰所負幾何對曰五千緡即與錢五千贖其
女人有稱貸久不償則焚其券約三千餘兩而
士大夫假藉者無算焉戊戌秋黃河決縣官卒
不知所為希義出錢五萬募夫塞其灘嗣是軍
國不給則接撫輸粟三千八百石而巡撫河南
都御史徐公魏公俱以疏上自兵馬進階指揮
使賜二品服色嘉靖丁未秋七月希義以疾終
于家子三人長曰衍祚羨儀度尤精藻鑑處事

成中肯繁談仁義樂道詩書傳載通籍諸侯擁
蓋拉轄束帛之幣屬望於陶睢陳鄭間四方文
學之士爭與交游無不欲望見風采蓋翩然
佳公子也次景祿胤祿其所著與兄伯仲孫一
人曰樞雋逸愷爽萬志力行無異於諸祿語曰
君子富好行其德又曰侯之門仁義存跡張氏
所傳累世善祥今親見其後如是彼烏實之行
何為哉夫富者人之氣勢所關匹夫得之可以
雄斷鄉曲權奪卿相力抗萬乘者也今夫百金

之家一當意則汙所有以誇閭巷飾冠劍連翩
車騎為富貴容市駿馬走狗弋射漁獵與少年
相馳逐由是天下學士大夫聞之回面裹足不
肯與之言其視張公子孫世義不亦甚可羞哉
詩曰貽厥孫謀以燕翼子易曰有子考無咎蓋
張氏之謂矣

序

贈郭增序

乙巳歲濬醫學之承群醫白之令令曰人無恒

心不可以作巫醫夫天能生民不能時其飲食
節欲於是乎授之父母父母能養民不能察其
寒暑六淫宣洩之宜於是乎授之醫夫醫固所
以寄民命驅慝癘而安吉祥也孰克膺茲命群
醫曰郭增氏可令名增問之曰卽令若掌醫其
何以供事增曰藜輿藥之材取必菁華達必性
情盧扁之所推也可以供事與令曰麤跡雖足
以衛民未可與善政增曰表裏六脈洞察虛實
穀色喘息不敢怠逸黃帝岐伯之所問對也可

以供事與令曰敬通而思惠可與善政未可與
無方增曰淵默潛通守一弗易行乎神明達之
庶績宓義氏之所以善世也可以供事與令曰
然曰此聖神之化也狹士之所以褊心若鳥得
有是夫命掌醫政於是增乃教膏醫和衷癰醫
眊標耆醫養老穉醫慈幼媪醫釐婦瘖醫資獸
鳩以空青硫黃犀象茵參勃洩之殊以辯盧扁
之用焉質以玄脈肥脊五內升沉吟思癩夷之
寓以極黃帝岐伯之旨焉顯以鴻潛淵嘿旁通

裁運之機以知宏義氏之化焉靖乎癘疾潰乎
縣疣仰乎戚施馳虜滅趾邑用康福國無昏夫
札瘥之民繇是對養於父母以合生乎天命之
曰天醫以復於令令曰善遂世掌醫學事

贈劉丞赴興州經歷序

明有天下尤謹於東北西三陲四方歲時職貢
京師馬類千萬數而太僕遴選中式者則嚴符
券飭司養以備三陲庸調或夷狄猖獗將士得
馬長技則能輔輶成大功 國初濬編駟馬幾

千五百匹春權例上太僕者十之一有司以
為重

官經用太空宜損冗負節用奏罷可由是濬徵
部馬丞者十三年歲已亥復建官守而吏部推
朔州劉侯適令任侯被命之明日冠帶入見令
工部左侍郎上饒楊公琴且辭公曰濬其舊治
邑東瀕大河故墟西連崇岡浮壤礪礪之原值
曠則亦郊無草木濼則淇衛溢溢長豐諸濼澤
泥濘滄溟禾黍壞民舍人將為魚鼈矣問馬

今君臨茲土驅羸民以供軍國之需其必有術
矣侯曰諾適治先陞任廣東道御史太原魏公
今山東益都進士石公尹於濬皆嚴明不輕可
與暨侯語悉合因竒其器而委之以政侯於是
竭慮殫材勵精博施爬壅解紛搯關要䟽排
而曲暢之搖擢而延引之間見疊略令民貧富
貸賞期約取盈唯其褒大於時故歲或甚絀而
馬無漏一之患有以嚴刑說侯者侯愀然曰某
諸貳有罪無罪惟長令在予無所用刑為遂不

易其政而民愛敬之一出於忠悃用是見揚魏
石三公為知人而侯亦不負人期望云歲丙午
月日奏報侯陞興州衛後屯經歷先是侯著聞
上下俱次第薦揚褒異極優禮及是濬士大夫
聞之皆扼腕曰屈侯於其行無歌詩以道之是
非納民大公考賢昭德之義也因著詩以餞之
曰

帝奠民基在黎之陽河水三東厥猖以狂訖今
千祀淳涵而圮禹蹟既湮金堤沙里右連積灘

左介浮沙螭盤狻啼孰藝蔬麻林有饑寫鬱有
枯黜孰克乃來蘓我怨懟帝曰冢宰選侯視良
俾侯來尸佐此大羗侯之來尸不遑寧食擢別
賢胃以蘓民盡拊之始之飲食慰之節之霖之
砭而劑之允我濬人謂侯予父侯有嚴程孰敢
侯侮草之油一載彼郊垆駮三千斲之有聲
泐溝如鳧積路如鐵礮礪連駿頤影驕蓄收
河流雲霧晦冥簸蕩龜窟蛟龍降精行天匪龍
行地匪馬即此王國以藩函夏侯之為濬載籍

有徵豈曰無穀乃有斯行驪駒在門攻車在路
誰為長綆繫此日暮日暮柰何送侯河干願侯
壽考億萬千年

贈楊生序

孟軻氏稱孟施舍之守氣以為視不勝猶勝也
豈唯兵為然雖士亦用之夫士抱經藝適有司
或不得其當雖屈抑頓路而不能奪其操力愈
攻業愈顯神凝而守固不動其心以挫其氣而
卒全其技此老師大儒之所失守者是豈幼冲

學子所能練要耶是故幅巾而方袍操觚而搗
思進有架退有度翦綵組績鱗綸煥耀而游軻
乎文苑者肩相摩踵相掛也求所謂遇屈抑頓
語力攻業顯神氣不爽而卒其技者孰足以當
之是非孟施舍之後吾獨不得其人楊氏子某
年未冠丁未歲文戰於銓衡失利歸而求之師
覃研撫割馳精於翰執之林獵英於綺藻之圃
愈益憤勵淬湛盧之劍求犀象而剗之挾軒轅
氏之瑟合律呂歆鬼神以試乎清廟也是年復

戰於開以大捷歸此夫孟施舍守氣之驗信非
幼冲學子所能練要者與夫孟明視濟河焚舟
拜晉之賜曹子手劍而盟刷魯之恥古之克復
舊物光顯社稷者皆敗衄之餘也今楊氏子若
是非兵之豪傑則文之良將耳比其選余為之
辭旣以高其材又以壯其節且令懦者聞之有
立志也

贈常翁就舉鄉飲禮序

三代養老之制唯周寔備國老由胄子著通籍

濡染之化深故其老易尊尊亦不枉所舉獨庶
老發跡鄉塾實問學之道故其老難尊尊不得
其人則隳憲典蠹風化官司有冒公之讓是故
州縣有所尊則辯於士考於社誣於閭閻非上
壽不如讌非資於故實可辯理而博物者不如
讌非夫黜凡鄙崇儼雅以極乎温恭盛德者不
如讌讌惟庶老之賢者始就舉焉嘉靖庚戌十
月朔有司遵王制行鄉飲禮於邑庠諸生其偕
鄉長老若干人舉北岡常翁如讌以狀聞濬侯

陸公是其議屆期賓分正犧罇陳昇歌清唱琴
瑟和鳴翁乃喙冠衰衣淵淳嚴翼閭：循：陟
阼階磬折之容無爽於度數夫是為盛德之徵
考軒義之跡紀時王之典錯綜乎人文之變薦
尚論以鎮雅俗夫是為博物之驗鮒其背觀其
齒贗植筋骨熊經鳥視以隣乎期頤之域夫是
為上壽之表夫上壽博物盛德庶老盖無幾也
翁兼有之於是乎遂如讌浮邱盧子曰為政之
道尊賢為上養老為要陸公治濬期年得常翁

麟集 卷之二
其人豈非賢令尹哉周迪以里閭之材與翁孫
茂才游能疏其行丐余文亦世之賢也嗚乎尚
矣辛亥歲孟春吉日盧柟序

贈李任巖遊太學序

岬巖子將遊太學濬之縉紳夙友執腆幣入賀
者幾數百人其內兄浮邱盧子獨病以宦後至
就坐岬巖子以巨觥觥盧子且懇之曰某不佞
得侍兄通籍三十年猷順友悌無遽轂無苛色
兄之待某何如也今某有筮國之行兄復憐

然亦將何以教某盧子避席感然曰僕刑僇餘
民也奚足與有言雖然抑聞之曾子有曰狎甚
則簡莊甚則不親故君子狎以勸交而莊以成
其禮吾少也於子甚狎今長且老請濟之以莊
何如夫聖人之道廓之則體夸散之則用細夸
盡而細遺雖大不行命之曰曲士其說有似於
奚仲之為車正也夸與細借乘之以慢心焉則
備行之業荒命之曰墮士秦龍氏法之故其術
衰行成業修由是君有所弗砥於治也民有所

弗潤於澤也命之曰棄士公孫僑恥之故獨著
夫夏后氏以奚仲為車正也軌軌輪軌之屬備
獨之鍵駕之使行則覆為不進尸子曰文軒六
駃無四寸之鍵而車膠者小已則大者不成也
秦龍氏好龍亦其嗜慾以飲食之未幾志怠龍
亡去鄭公孫僑者博物之君子也與子皮俱事
簡公定章服比并廬備火政應對辭命雍之楫
遜於大國之間西平晉南禦強楚卒保鄭國孔
子曰子產古之遺愛也伍噉子能以奚仲周於
無足與游已

贈陸侯擢官留都祠部序

癸丑夏南都祠部主政闕負大臣議以為是部
典秩所出宜簡授材俊以稱禮讓為國之義於
是冢宰治齊萬公列侯名以聞上可其奏即
日馳驛馬齎符使侯履任其少尹徐君夢龍段
君塘幕史初君學禮設祖帳於黎水之陽遣使
丐余文謹按侯治濬其邑西鄙馬湖長豐諸陂

澤田歲為水所沒者三萬餘畝侯治則命賢佐
鑿渠濠其水於河民始更獲踰年計得利數十
萬斛歲飢倉廩不繼侯請貸於郡守不可侯曰
縣之民非罷之民耶守語塞予之粟千石是年
穰乏種侯又權宜處麥七千石助民播殖之民
以垂亡餘得自立飽食思有所致效莫不流涕
感激相率力以奉侯命由是雖大凶歉而溝壑
無轉徙之民焉濬靡救傳置無所供上官取便
道往來侯輒不應以是皆缺望去三年蠲費數

千萬緡民不覺利而侯亦無所訾嗟若侯者為
民任怨是豈當世循吏所易及者耶虜窺京師
侯謀於士大夫察便形勢高深城池樓櫓觀望
制勝於千里之外有諫之者侯曰賢者制之不
肖者守之後蓋有知我者吾何恤其臨治首先
倫彛修葺學舍殿廡時課諸生講習然皆自
振奮丕變斐然有可觀蓋侯寬明廉仁不事苛
鍛處大節尤擊斷無所顧避故有此治效爾嚮
時鄉耆馬質魯輩不忍侯遽去率其子弟數百

人詣闕上狀留侯如漢人借寇恂事 天子
下其議至是復以侯屢被薦刺義不可久淹擢
今官吾以為禮官人必先之以論辯任爵之道
然後進之有漸別等威貴賤上下假於人神以
享乎清廟爾使治政未協遽峻之大位則其人
必喘息頓路蒙負乘弗堪之誚今侯所措立赫
赫如是而其績又已升聞于上行若所職其功
名事業又何止於治濬也且燕龍在位必將與
侯同寅偕力以光輔主上三代之英翹足可及

也侯復何所疑南都去侯鄉甚近而封君胥山方
切倚閭之思侯歸而以此獻膝下以悅其親享
億萬年無疆之休而柙誠有所望哉

送高少尹致政西歸序

嘉靖甲寅歲關右高子以濬少尹亟致政於有
司有司謂高子能賢絕弗公踰時高子益自陳
懇乞罷御史馬公以聞得制可歸爲其同寅
大同段君福山高君張祖帳南門外奉辭於令
長老坡董子曰少尹在願大夫行事大夫颺解

前高子曰嗟乎夫子奚若是之行也吾請為君
擇言高子曰唯之大夫曰竊聞之濬衛舊邑左
大岷右河黎南走梁宋北距燕趙形峻勢固河
朔之雄君佐治三年民無怨嘆之音而士夫重
儒雅之望是故行李告戒則問閭閻然脫駸服
要旌竿戴目仰首願留斯須而卒不能過屬騎
之濟塵意者君有不殫之懷與是何果於行邁
而莫之恤也高子曰然大夫曰燕雲之關京室
鬱起三事五侯貂珥之家人摩肩車掛轡紛

紘々霧麗雲綺日夕啟帷笙鍾鼎沸時序代謝
不知其逝夫聞長安之樂者西向而嘆過屠人
之門者嚼吻而注君之意既有所歎故其去者
或在是乎高子曰否某雖陋豈敢望外事大夫
曰鵬搏九萬北南溟不足以戢翼驥馳千里非
荒阪不足以捷騁故太阿之劍必斷犀象明月
之珠不照蔀屋何則治大者恥侵細窮遠者惡
施邇也君負高世之姿被下僚之慙張敞自謂
無奇東方生故設客難以今揆之殆不出此乎

高子曰吾不是為也大夫曰佻馬嘶壯越鳥巢
南橘柚不踰淮鸚鵡不過濟故夫莊舄寫東甌
之唵鍾儀服南楚之冠君雖通籍王臣鄉土之
思能無少櫻乎高子曰否男子以弧矢射四方
吾不為此也大夫曰瓊璐之寶豈池隍之毓琅
玕之樹非園林之株臂鷹垂思於解鞞豢龍逸
神於頓轡是以莊周曳尾塗中不為廟堂之龜
子真游心物外躬秉巖石之耒君久膺纏冠冕
脫屣之意迺今為之垂乎高子曰否鄙人奚足

語此也然相其貌字氣溢廣類說乎校刃大款
矣大夫竊視高子之志已得六七遂恢曠其說
以進之曰大道無跡其虛太空君子察理徵之
有刑日中則是至月盈則晦來膏之見銷明為
袖胎蘭之被藝實香為災知梳以運神執左契
以馭物恬身以退蕩放予志以自往樸吾樵漁
文吾詩書盱于瞿、煦、龔謂之宗以天
為墟故夫庚桑順化不釋於老聃之言王倪坐
亡無見乎齧缺之問君誠往宣復有他說乎於

是高子躍然而喜曰蓋大知識夫大賢要妙之辭足以破我矣因酌酒與大夫別

折衝卷後序

銅梁張公守滑之三載未幾績輒陞北京戶部主政期行王子大任侍御孟季思汝再劉子恪文昭咸詩賦以頌之而其事則輸盜繕之則折衝卷或謂之曰張公蒞政特折衝也邪張公雄雋惠裕足智量解紛無梗糜境雜軍屯田而其長又皆武夫復傷猥勢乃張公則仁覆威約之

有弗敢背畔公者故其經務剗蔽蘊利乘時推化與民偃息天下稱宥焉未幾河南賊師五亂修西城樓保障廼感嘉禾明年飢大賑民生活者萬計御史馬公廉其能疏上天子嘉之詔賜銀十兩纁一襲所在有司往勞夫張公雖不由銓考此其譽已籍、升聞奚以之奏績而後擢也由是又惡用夫折衝卷所云張大乎哉抑曰不然夫萬物對茂無可稱名迫冬則松柏獨也其色青、是尤擇夫異者邪今之大夫從政

規廟略樹奇功者無不被 召命夫張公政雖
美猶夫大夫也張公折衝不猶夫大夫也初張
公視事忽二人稱錦衣馳入挾之以七首要萬
金丞簿未入義農未見蒙鋪荷畚之夫未進公
乃子立與伍於存亡噓喻之間啜杯茗溢言笑
坦々弛々神色無變而卒以計縛二盜設使諸
大夫處此吾未遽見其得如公否也嗟乎聞震
雷者失箸突麋鹿者目瞬駭投壁者按劍志不
足以禦氣易喪焉耳矣昔曹沫手刃於柯齊侯

色懸毛遂頸血未澱楚王與之盟波二君者豈
非張公罪人哉傳曰三軍可奪帥也若張公所
謂不可奪者矣柙受知張公既久乃因茲卷繫
序其折衝之義於諸君子後然而未悉乎公爾
則亦不忘乎公爾

爲孫兩生贈張壚山擢曹郎序

太史公曰韓子稱雋以文亂法而俠以武犯禁
二者皆譏悲夫儒者顯易見俠士之不偶可勝
道哉設有忼慨奮世少有取於俠士者去之日

又不得杯酒彈劍以慰其悲歌別離之思是蓋
有數焉不可逃非苟而已也劇孟任俠吳楚反
條侯乘傳車將至河南得劇孟喜曰吳楚舉大
事而不求孟固無能為矣夫劇孟布衣耳見知
於亞夫豈易言哉今年夏濟西生孫紹芳傳芳
請予指其送子采曰是父吾先兄承芳以俠聞
游燕趙間嘗一應募塞下捕虜首功還射於漸
沙中滑侯張公過望見承芳召問力鈞石兄即
以予許之未幾疾病屬後事目辟上韃曰必以

是贈也勿令我食張公言卒僕奉其弓往張公
曰噫俠客哉翼日臨孟為之哀乃迄今張公擢
比部主政有行乞為我辭何如盧子曰游俠之
徒投分厯肝重取予然諾徑往不顧千里稱義
挾轂名雄麗縣者非承芳之謂哉昔孟嘗春中
原陵之徒皆以王者親屬籍卿相之富招天下
雋傑顯名諸侯張公以郎官之貴為匹夫下吊
方之史所稱忠信賢豪者是耶非耶諺曰蒼蠅
千里即附驥尾夫承芳所謂附驥尾者非耶然

其行必珍其誠必遂存亡死生不易其要而所
望張公者奚若今車已發軔曾不得為鉤鍵天
之厭毀斯人不已甚哉張公見徵廊寢深易思
慮俛倪以自立陳匡勲庸施之鍾鼎其榮若可
量哉是猶扼腕嗚嗚引領不數者也管昭代之
士唾手取功名歷臺省鳴珂鏘玉乘款段馬朝
夕從容出與張公遊或有人避地而處之上下
不交冠履頓絕拾草蒞節粒與雀鷺爭食卒不
得進希高暖如承芳類若何可勝算也竊甚感

之然猶以為性也有命焉又何愁詩曰緇衣之
宜兮淑子又改為兮又曰甘棠勿剪勿伐
召伯所憩鄭武公為其愛之及其衣召伯循行
南國人思之不忍斲其樹者樹厚德重愛於
人人未嘗不以德報德孔子曰以德報德於戲
卿曲武斷之士修德砥行其所攀附不如張公
者惡能德天壤哉予素知張公者於是因兩
生之請而寓之以言

善政實錄序

傳曰鸞鳳諱枳棘而百里非亨漸此言易喻而
學士多稱於世云殆夫以偽術起家立卿相羽
其主上垂勳竹帛與三代賢者顯名此亦偶
而已也古今事何可勝道哉至若朱邑召信臣
蓋閭巷人耳其為畜夫上蔡長襃大如長者廉
平不苛以愛利先物所履見稱述故其去之日
謳歌見思而二子卒以太司農少府九卿著若
是百里信易籍枳棘何負於鸞鳳哉今人玩習
耳目即有良二千石若長令不合於時久而弗

調者遂指爲口實此即虎豹在園應龍盤泥沙
昧者謂其絕文威終不能登天澤雲霧而而四
海者是不可大哀也邪嗟乎難言哉難言哉
子於賢者之不遇亦可諒矣愚觀董大夫蒞政
行事未嘗不扼腕而嘆也初大夫嗾上命尹
濬而其俗好氣任俠射機利一切獨僑不均則
諍嘯而訟之丈夫相聚不得則瞋視怒詈相毆
擊休即六博樗蒲作機巧行娼優女子則彈鳴
絃跣履其謠俗猶有衛之風也大夫曰百姓之

行清在上者汨其源爾於是先學宮建青雲樓
勤博士弟子負職業日省更定殿前覈名實邑
中婦人賢而有節者不時問遺米鹽衾褐征戍
丁壯分翻武呵於鄉里者輒實之法不敢復誰
何民間先是徭法倚重民多逋負大夫料民產
率平易使自占亦無所隱而復增益數千口
白寺長豐諸陂多積潦沒民田大夫循行澤間
賦地洩水執築金隄防之歲飢粟石千餘錢吏
懇不敢白則大夫即上還報開倉賑給以紓其

敝田中官馬羸多水草不任乃下令禁馳負畜
益貢內必得賢屬吏柱計上之其敝獄必悉情
稱法必及典章民自不冤以報大夫大夫亦樂
民之弗冤也時益自勸所部鍾寺野多蝗隧
師未及捕有異鳥群萬自天下食之殲頽以後
沃其禾弗災衣冠之士重廉恥黜奔競持重而
矜節閭閻之間休息安堵相忘於耕鑿澆貫之
習一變殆盡嚮非大夫德化深至又曷能歆動
上下若是也今年冬大夫將報政於天子夫

以大夫治行宜擢之以不次然猶俟夫三載考
庸者其旨甚未易明也大夫宜自信而已即入
天子問君何以治濬大夫對如王生告龔遂者
曰皆聖主之德非小臣之力也則 天子數其
績悅其讓尊顯大夫必有渤海者矣舍人佞裝
行將祖道北門外大夫誼不得自敘其績乃縣
官弟子某等若干人傷大夫之賢不早大用於
世也遂撰其跡為善政實錄以自附於太史氏
若為大夫立祠歲時祀享則問之父老或亦有

取於斯錄也大夫姓董名某字某癸丑進士河
南鈞州人

碑

濬邑石侯碑

皇帝即位乙巳冬十月山東益都石侯茂華字
君采以進士來尹濬御史按是邑者考侯政異
跡屢薦章報越三歲己酉吏部尚書萬公疏侯
治能以聞 天子嘉之授侯戶部貴州司主事
比去父老咸扶杖流涕爭取擢輶幃牽裾凝視

侯面目遮道請曰侯何往我等得侯如父母育
字腹毅是賴奈何忘我怛痛遽舍去侯何往侯
何往是時上方嚴命促侯不可留遂去後人
益謳歌思侯王子歲邑耆老某偕鄉民若干輩
議為侯立碑以永厥思乃盧橋氏從徵子文竊
惟濬地北沙東鹵西薄長豐泊白寺諸岡絲絡
塹嶮燠即焚如或時淫潦洳漸潭溼艱於藝樹
賦煩政擾訛謠繼煽民將轉徙維侯下車省視
方略磔制汰度警夷帖險日融春煦薰蒸既至

衆乃大固先是太原魏侯鈞賦已久媮偽滋
侯將事預請監司受牒之日出宿佗館飭部吏
諸不得有所關白羸精劍思推誠萬夫鄉胥吏
保罔肯誑悖丁口息養輸不下萬計明制十年
覆籍民緣為奸債賂交至侯多方裁革老吏咸
咽媚白手無一錢御河水漲省淇門東下汨
走百里沒民田舍侯曰防以制水猶墉以禦盜
墉可乘奚盜之禦於是築隄距丈廣如之命監
者曰明年隄潰罰若役以償由是隄完固無漏

處河南賊王經率徒幾千人劫掠于延鄆曹濮
之間涉侯境侯密出奇畫掩捕禽殺之侯為治
務大體不拘小節人有過即不問再則決責之
無少貸外峻內仁在邑三年無苛或之行是以
民有恒業公鮮逋負閭閻之間生長繁息日益
蕃殖今濟或載有稱舉輒曰某事侯所建明某
事侯所罷斥其治行類為人所愛慕如是嗟夫
中世縉紳以官為己私挾聲勢蠹民往々見惡
於世人唯恐其不速去故尹子心治長安惡少

卑爾史氏已不少假藉其次何有可愛者即令
他吏能善又皆見愛於臨去時獨不知其後果
愛與否今石侯去濟已四歲而邑人思之為刻
碑是豈西漢循吏所多見者哉因為之贊鏡諸
石以紀其事辭曰

維康侯建國于衛德愛弗匱享祀永歎嗚呼邈
哉詩稱蔽芾甘棠勿事翦伐召公之德懋著于
南土石侯以山東名族割雞茲邑翼翼畏黨敏寅
亮天工斯民懷賢勒石頌德其沒世不忘之意

乎使侯後時乘風厲響享高官魏爵致身台鼎
輔聖主流治化垂聲名於千萬世者顧不在是
哉顧不在是哉

滑令張侯碑

蜀之先黃帝之裔其孫揮好弓矢主祀弧星因
以張氏故張錐子孫遍天下獨銅梁之張為近
始云侯繼其胄名佳胤字肖甫以嘉靖庚戌進
士來尹於滑先是霸寶彭公蒞政治效循良侯
紹前烈克勤克慎飾化竟務大明地德光照四

野甲寅歲乃感嘉不數十伯本侯為起樓濟人
盧補作賦以紀其事臺史持節察其才能遂繫
薦刻乙卯夏四月召拜戶部福建司主事於是
老弱隨號創悼崩痛攀轅持轂橫當車軻遂強
喻聞去次於黎水之陽百姓鬱邑思侯其父老
秦綸等將表生祠如桐鄉故事列狀先請勒碑
傳置予好其款為辭以慰之曰鬱伊氓播徹遠
開陽鯨湮禹導大陸昌傷山嶽降靈精氣旁魄
掃鬱灑擾鍾之於侯膺碩敏之姿懋大人之萃

以蹤跡於魚鳧之里北遊京師灑然釋褐帝
心簡在授以是邑稅鞅弗違折節皇術撫循耆
舊問民所虐痛水火質算衡石輕重扶別蔓纏
敷憲龐固靡不究極但邑故洪河之軌西塹白
馬東侵瓠子沙灘墳薄萑蘆橫翳高下鉅湮民
用蛟蠃大歎未竭癘疫踵至殄殤札瘥之厄家
累巷哭遠邇交望侯閉閣深自刻引奉職無狀
傷為流涕地延庶富哀列差等以相助藉然又
命岐黃家寄以生丸選開方藥洒濯樵爨憂思

勞瘁達諸面目由是民生活者蓋不下數百千
計巡撫艾公特章以聞上異其績賜之纁一
襲白金十兩邑境軍民湫處闕囂詐牒雲擁山
峙兩詞俱造龍蛇隐形聽之人無不扼腕者侯
不事鉤鉅片言析理應機立斷訟者悅服侯為
國家均徭恐櫻夙弊乃內設方略外示疏遠舉
事之日霆發鷲擊里書錯愕不易畧而占丁口
幾巨萬明年旱虐甚侯徒步禱而出二十里外
比返甘雨隨澍歲即大穰侯取邑乘湮滅治政

不著則綜核史載章具典明成一家言以凌轢
遷固先是燕人有任敬高章者詐密旨挾匕首
以千金劫侯侯刑志晏如神生智長不渝刺蹶
二盜于罇俎之間遠近聞之靡不頓首濬尹平
湖陸公平政愛民嘗城濬民戴之如父母侯謂
陸公曰滑與君邑實為聲援而其城睥睨禿壞
不韋有變若臨以衝車誰吾與守於是易之以
甌基殼廩緻與濬城等時北虜猖獗河北諸鎮
大城小邑為之惴慄獨滑屹々峙以無恐若侯

者將不謂為今之長城哉侯白面少髯温恭懿
塞遇大事則雲蒸雷奮果敢不避辭之青萍干
將隨用轉利無施不可翠黃汗血之馬翹陸歷
塊不崇朝而致千里矣侯之休光令聞垂之竹
帛夫豈有旣詩曰蒹葭甘棠勿翦勿拜召伯所
說邦人思侯何以異是我因為之刊石稱伐以
畫銘贊之義其辭曰

梁益之墟粵惟坤維金精麗天哲人與期豹變
龍升千載來遊於皇景運寔命於斯作帝股肱

慰民雲霓興伏頗峨發亂殊耽智攄神殫紛自
化裁人妄物阜厥惟侯哉悠々白雲似侯之旆
我欲從旃闔海增波海波不增侯舟沛嘉青翰
素羽載游載開導我滑土以紓我思福祿自天
維侯克配

滑縣東城門見山樓碑

滑古顓頊之墟隆安中范陽王德據之名爲南
燕天造鴻紛雄圖割有或登或叛此維反復世
代不絕故漢酈食其說沛公守白馬之津以示

諸侯形勝之執曹操亦遣關羽刺顏良於邑北
魚池里河城有事爭城以戰議者必以滑爲首
乙卯歲上無孫侯以新淦令起服來蒞茲土明
年丙辰島夷入寇瀕海諸郡汀漳延邵乘勢偷
攘腥風虐焰煽動江淮土著之賊潛發肘腋揭
竿斬草誰何於延衛之郊侯行邑至東門城闔
傾軋飛蝶危觀寢廢弗治廼喟嘆曰易稱王公
設險以守其國周官掌固修城廓溝池樹渠之
阻今滑如是卒有兵變其誰爲干城耶特部行

事官師人卒鳩工建謀隱略基址函授財用斲
斲板榦材漆緇堊瓦甃之屬靡不纖備乃肇窮
臺爰始磐石連絡磚甃闔扉落時槩以金錢旗
牙劍辟虎豹雄踞轍之嶮之巖如山嶽上建樓
四楹輪廣高下法制應圖浮柱連櫺雲征鳥逝
雜還復疊若元氣構天方地承輿乘墉敵愾萬
夫奪氣丁巳三月旦落成侯暨僚佐酒酣登覽
前引鄒嶧後擁太行左大岨右石丘四山環繞
雲霞映紫侯頌諸從事曰美哉茲樓之觀名曰

見山何如哀謂之曰諾凡此役不干時而績已
懋著帑藏不啓民享遐福帝心克厭嘉祉攸傳
風雨時至品物滋潤士女商賈載歌載詠鼓舞
忭咲充湍路衢非侯盛德何以極是縣丞王錡
王文輝主簿黃甲典史謝鎮等遂剡隆石銘勒
功伐垂彌永久以風來哲其辭曰

鬱伊殷墟奧區蘊隆白馬作鎮黃汙瀆停四隩
匪宅三民告愴戈矛橫驚若騫若烹哲侯來臨
溫恭爾雅緇衣透蛇有斐君子行城循隍東門

告圮啓閉之畜孰不覲我侯曰噫嘻斯誰之尤
匱篋見毀龜玉以偷爰召耆艾爰諏爰謀敬爾
挿畚鄂爾有家京臺既起飛薨既會積石鏘々
威儀隆唱過此羯鼓建彼雲旆百城之特萬里
無外康衢井々乘夫嘽々飲酒謔笑樂此喬關
孰能為是介帝雄藩孫公泰宇億萬斯年

檄

大名太守移州郡讓農檄

歲壬寅月日大名太守某檄州郡諸父老曰某

不佞膺 天子寵命來守茲土作爾邦長牧爾
唯雍熙寔守之休爾之弗克若化若育唯守之
憂天命民急上下寅畏予豈惟夙夜遑々哉先
是予踰河徂蒲抵陳留界道遇流餓控訴屢極
俾予心有戚々焉夫為民父母行政令其子弟
老弱轉徙溝壑而莫之省息惡在其為民父母
也曩者涉冬燠温陰陽奸忤使其民大無麥禾
后茲雨雪有濡澤渥后土陽瘳溢溢黃膏流懋
然而農事未講也方是仲春檄爾諸父老其悉

心聽之曰繫唯古昔聖王踐大寶垂鴻猷馭天
立極匪唯弓矢戈矛既威定遠足以示武也匪
唯城廓溝池飛堞楩柵足以固險也匪唯法象
圖數足以應天也匪唯典章足以約民也匪唯
黼袞圭冕兕虎鯨鯢彌龍豸貅足以章制也易
稱耒耜書載璿璣玉衡齊七政詩詠豳風春秋
書六月兩周官太史順時視土贊王耕撥庶人
終畝凡此靡不以農事為首務爾諸父老附山
澤依阡陌道暄曝肯頌弗躬率子弟深耕力耨

遂令腴脂封壤境墉弗易榛蕪延蔓使水火之
化不行夫然後上違徵科之令下凍餒其妻孥
貫貸不足則弃鄉里背墳墓散而之四方使其
廬狐狸為穴鼯鼠趾梁蓬藿橫翳過者指為丘
墟不亦悲虐且夫恒產所以養恒心也以故子
弟多孝悌使無恒產爾欲使子事父弟事兄天
豈無犯者得乎哉夫天不秘其寶地不藏其利
盡天地之能而利用厚生者存乎人爾父老播
其四體五穀不分蠶之流離困苦而後憤怨天

地吐吮民物是感也夫麒麟鳳凰苞彩翩翾不
足以充飾琳瑯碧珠琅玕不足以供炊沙
崇柱檣揭車之菁江蓠之英芳香酷烈不足以
給饗爾父老淫習奇異急於耳目之所難繼顧
不近取諸舉手投足之至易者何邪夫考玄索
急探性命之曠談天人之蘊者士正行也面方
眡勢制器尚象極勸工之能者工緻考也積貯
市廛行居貿販以供征權者商通經也而農蕪
其疆皇舍其縛耒耨洋山境河兩事于且予聞

庖羲樹藝五穀肇始也唐堯平秩東作重務也
有虞敬授民時勤政也夏后成賦中絕則壤也
夫聖王崇高富貴方且畜之樹之翼之播之不
恤胼胝慙々乞々如是爾父老恫惻顛蒙頑而
居約企視聖王萬々不逮而願求所以過聖王
者是耶非耶予又聞周制九年耕餘三年之食
一穀不熟曰饑二穀不熟曰饑三穀不熟則國
非其國書有之曰民非后罔戴夫民以衛國也
國而非國誰之咎與曩昔吉囊窺夏大入薄侵

太原之墟積粟殷陳卒老其師以挫其鋒仍致
大俘向使投鞭河山以東之國農務既弛杼軸
其空爾之子弟化為羗羶爾之妻孥披髮左袵
豈惟餓死溝壑委骨函夏而已哉方今春氣融
酥爾父老其親率子弟躬耕畝晦者故喻

對

對衛太夫問

衛大夫問於盧柎曰聞滑令張君肖育以才量
儗二虜先生越境遠言謂非馳辯以詭世與何

偃蹇諂刺之已甚也盧柎筦爾而笑曰然誠有
之大夫固以此誚僕僕亦誚大夫之未盡善也
請復以所聞楚王好康瓠委積如山三年不收
而化為鮫好黃支車渠幣之以網縞好周之彝
商之鼎夏后氏之龜玄纁十襲藏之秘府玃旦
有事必齋戒沐浴而後敢見其物益珍愛之益
貴非獨人為然鬼神亦自有之也是故黃帝張
臯洞庭之野享山川洽群神臯搖手層霄之外
夫瓦缶之音奚足與之感天地哉歐冶子鑄干

將之器泰乙鑿壇飛廉鼓索雲霧晦冥升降乎
上下夫鉛錐之末豈能與之動造化哉非獨鬼
神為然士亦有之也夫君子鍾山嶽神秀崛起
俛世將銘功山石雖少膺險難而神明已禱其
賊夫草苴之智抑安知天之所為哉大夫退曰
先生行予小人也誠不能知若事

傳

申氏傳

周道微而棠棣之詠興晉室衰而楊水之賦作

先王立教始之義詳著於飲食慎密於閭泉非
苟而已也將謂親比之道足以昭遠邇而縣疎
梗也敷天誼齊民情比之以里閭同之以鄉塾
締之以姻好交之以社臘連之以溝洫會之以
井牧視患難疾病而差相吊慰鄰有喪春不相
里有殯不巷歌先王之教民淳風懿倍亦甚厚
矣哉及其既衰離父而居背母而炊違宗黨而
贅富室竊娣姒之資而充婦屋喋血裂眚於鉏
耨井臼之間官長歲敎於庭里胥日鉗於市由

是廉恥之道喪禮樂刑政之典缺矣澹鄉鄙民
申銳弟遂嘉靖初俱析爨以處役力阡陌給食
耒耜備養各適其力以樽節恭儉教子弟畜雞
犬黍釀待賓客儲粟帛以供繇賦渾樸同塵偃
仰村舍雖太古之民日與草木禽獸疑々相處
者何以過是哉銳卒戊申歲距前異業時約二
十餘載銳子文選遂子之進各以材給為府縣
掾屬言動法於宗族行能飾於鄉里聲譽昭於
士夫不謀於私室不讓於朋友二子各奉其母

還合前業庶無異焉用無定器衣無常體奴婢
無卒主歲時雜拜堂除飲酒稱壽愉啣權款以
娛其母鄉人貶刺則笑甚則拱而退故當時聞
者始則斥中則疑終則賢之槩與處民間子孫
負貪嗜財產者率直之以鍾寺申氏而先王設
里閭鄉塾姻好社臘溝洫井牧之教其義於是
著焉淳丘子曰孔子有言禮失而求之野先王
典禮草茅所未習若鄭莊魯桓諸侯之貴獨於
兄弟不少假焉者何哉有能繼聖統紹易傳法

春秋游志詩書禮樂之際而既得其意者予何
敢誣焉申氏先入循民俗異土託處亦古人裂
封之義至其子孫能忘叮咛合室廬絕無忿悖
爭爭之意其視尋常不亦倍萬也哉詩曰刑于
實妻至于兄弟以御于家邦申氏殆庶幾矣

讚

張公讚

夫聖人明時而變化賢者承運以立義故象緯
之數物理之化造性命之微極情文之益有非

洞玄源發真闇者不足與議也唯至人者約天
地於毛髮摠天地於肢體通之為川塞之為淵
升之致雲而下之澤膏土是故傳說版築卒相
高宗尚父漁澤濟顯牧野此蓋乘風以振響與
期而流福澤所以神變化也子胥浮於江大夫
種滅於伯屈原沉於汨羅賈誼沮於長沙馮都
尉老於郎署此蓋明世偕否各適其適不亂行
以溢志不徼欲以叛道所以梟命運立義制也
安陵張公為濟三年治政廉平百姓謹誦未幾

以病三致政於有司得歸嗟夫此非激於變化
篤於立義者與吾聞張公有言曰榮行不如適
性兼任不如守約夫進則仕職得聖人變化之
權也退則棄行得賢者立義之真也易曰君子
見幾而作不俟終日張公以之矣苟曰上下易
方台衡有司易聽張公陸沉宜君不相及然蓋
不知黃鵠一舉千里斥鷃翱翔蓬蒿松菌同斃
彭殤齊年此皆達天地之化忘物我之觀者也
且夫李斯嘆黃犬邵平匿東門張湯載以牛車

長孺沒於淮陽董賢赫於成室楊雄隱於太玄
何得於彼何失於此哉張公非台衡之任則有
古傑士之行其陟泰山踰梁父跨溟渤尋務光
揖涓子御六氣之辨而遊造化之外也余何言
辭

故濬尉靜菴蔣公哀辭

公諱某字朝用世為登州棲霞人自公以上至
曾祖大王父皆以端慤直方見重閭里然亦不
大顯公生年十六以明經補邑諸生遂籍有

聲公年少負盛氣遠矚魁絕援賸經史諸子百
家之學浸貫瀉潤深入閭閻人有測之者森涵
濔泓渺然無滓埃可窺至其為文則洪放博衍
糾指搯擢描寫古今人物治亂日月列星水火
雷電山嶽河海鳥獸龍魚苗祥事誼變態無不
纖備一時朋輩咸貼然推公稱首嘉靖初有司
以公名貢京師天子廷試中式例即教公慨
然太息曰某讀書當拾取甲乙科第益自奮拔
樹功名見用於世即不遇則已又安得遠名流

齋：與鯉魚蠹簡冊中平因拂衣去遂病
家居十餘年丁未歲或勸之仕辭以疾既而
官無半俸以畫職為能孔子不羞乘田香之
為行道爾始發軔詣吏部補濬縣簿時山東毅
蒼石公以進士率邑事政精明吏無私交上下
新：端僚警服公與之言咸中委以政公迺觸
激洞女推堅疏瘼治具張弛民咸懌悅未幾公
疾發大寢潛自縉紳大夫下至園墓司養之士
偕之文致醫藥朝夕唁吊無懈明年春三月癸

卯公卒年五十二嗚呼登州距海數里海中多
山穹竒儼碧而貽貝玉玳珠蜃之屬注之依附
興吐雲霧變化城廓樓障船車旌纛旗幟其霏
異之所窮盛之不踰則鍾而為人必有忠正文
彩琦瓌之士生其間若公者殆非所謂其人耶
或者疑公之事業不集早見厭棄謂其霽異所
感神恠虛幻以為華而不實之驗若伯夷魯
連晏嬰田橫雋不疑薛宣匡衡公孫弘廷誦皆
海濱賢豪是何清淋之氣特盛於昔所謂神

虛幻萃且不實者獨留於公耶識者必為公辯
云因作辭以哀之曰

夫何東方之大人兮矯烟霏而翱翔軼游鑣於
扶桑兮搯若華之朝光被雲霓之錦裾兮倚閭
闔而延佇顧余心之侘傺兮歸弭節於海渚茲
幽蘭之芬蕤兮悵惛鬱其誰語永修嫗而匪遁
兮曰予埃時而輕舉擬南昌之仙尉兮躡衛上
之清塵視康侯之先軌兮霈洪澤於蒸民翼岡
陵之弗墜兮願徼福於鮑荀何造物之膠戾兮

俾梁木之先朽歲湜灘之吉辰兮楊翩々之素
旄駢馬哀鳴以四顧兮悲風起而長號指青交
之脩阪兮君於此乎道遙送予懷之恨々兮擬
江南之大招

誄

滑尹張壚山祖妣哀誄

嘉靖三十三年三月十七日滑明府張公祖妣
大封人訃報至濬盧柎素衣縞馬聯詞越境就
其室再拜哭且為之奠禮也義月羅彩哀雲結

觴庭瘁續柯池凋素芳痛泉室之永隔悼蕙帳
之如存想殯位而軫念撫靈衣而沾中國蘊閨
膏之思家隨母儀之泣輒興辭於下陳翼旌德
於罔極其辭曰渾厥既創象緯殫形式維綸錫
肖以儼營緬彼岷梁閔閔締初蘭光啓度金魄
降精鍾茲美媛於蠶之里奇馨苾蒨豐霽迤瀾
幼而嚴疑長則斐亶棲景昭華應圖女史待年
既至比跡乘龍玉笋載珈璫掃有容如山如河
象服是崇懿此昌軌惠我王風鵲巢既居泉水

斯賦孝先願繫敬推保傳陳詩把藻獲禮思裕
展如之燉緝其永祚北運冢嗣發祥元孫岐函
蔚鳳冥海飛銀影磚方典殷茂崑崙芳猷殫著
義訓聿敦閭閻風清簪禡霜厲春融宗燭秋駁
臧獲弋緝在御紛華匪悅壺政淵宣陰英之瘳
造化沕穆幹流變遷氛翳晝晦雲散宵指瑤簪
既毀瑤龜無還隨音虛漠佇綵室烟嗚呼哀哉
閨扉晨啓素幃夙開盪融微陳繁殮採頽帶銷
殷沃稔組髮慧遑、有札莫之能陔嗚呼哀哉

鴉鳩嗚兮黛草殘秋風起兮變羅紉畜容靄兮
長夜暮金膏滅兮華篔寒雲仍擗其號咷私倩
痛而汎瀾顧視天之夢夢雖蹈地其何攀嗚呼
哀哉大漸斯臨四顧彷徨執手啜吧神色沮喪
願遺言於白馬杳萬里之莫將卒飲恨而長逝
寄永愛於琳琅壚山之岳巴水之鄉壘馬鬣兮
啓玄臺綏靄寢兮壽黃腸諒佳城之不可渝兮
享千萬世之休光嗚呼哀哉

祭文

祭李復參郎中文

維嘉靖三十二年歲次癸丑十二月癸酉朔越
二十日同邑布衣盧柎謹以少宰庶品之儀敬
奠於故河東督轉運鹽使司副使前工部營繕
司郎中李公之墓再拜哭且告之曰嗚呼士有
慷慨悲歌杯酒彈劍意氣相傾者少罹馮患即
為之決胸臆剗心膺痛哭流涕無已者則其心
為何如邪若迺掣鎖裂垣澤及枯骨權奪造化
之私惠洽茂育之德公其視慷慨悲歌杯酒彈

劍意氣相傾者有間矣一旦天隕玉棺世喪游
龍逝川莫及大夜長扃琴軫雍門之調歌傷蒿
里之音其罹禍患顧謂之少邪即令僕不為之
決胸臆剗心膺痛哭流涕無已者是不可得也
已昔公首宰咸陽繼佐大郡導河治民何若風
采官曹擅兩部之英王命獲三錫之顯古稱良
吏君趙中大夫白公魏西門豹公豈處出其下
哉既而權奸扇件詔獄逮加公獨處之晏如謫
判寧國人固以此高公矣讎者哂公誣以他事

公公官公之來歸一無愠色教子課農容心澹
漠此豈愁憾嬰心汲汲於功利要勢者所易及
邪始僕被囚在獄公於當路曲為解原當是時
僕貫三木負明刑蓋不知公果能出僕公亦不
知僕之有今日也今僕既出乃公之墓木已拱
把思為公陳視形魄伸展衷曲極平生冤頸頓
踣之苦者而今不可得矣且公之蓋棺幾時也
長掩泉壙幾日也未已者尚不知公之已矧公
之既已又安知已已者今復不已邪公邪我邪

乃大變耶抑亦恍惚不可為辯耶或謂禮喪者
之墓有夙草則不哭公之葬也久而子哭之感
失之緩審如是僕前所云又為何耶夫哭之
及時者物理之精不可哭而哭之者吾道達
公之靈馬曰月騎星辰御六氣之辯以浮游於
兩間者其必有鑒於斯他復何論哉

余是次山翰林文

維嘉靖三十四年歲次乙卯三月丙申朔
有二十日丁未濟布衣盧柟謹以牲果致奠於故

翰林庶吉士次山臯君之靈再拜哭且告之曰
嗚呼次山君少年起甲科登翰苑聲名籍於
京師方二載未幾棄世長往天之奪君亦何速
耶次山鍾毓奇秀風思俊朗讀書涉濶瀚無所
不至肆之詞翰僑侏瑰琦若周之鼎商之彝陳
列左右颯乎如朱紘洞瑟升歌於清廟也識
次山者謂其材鴻氣固為福壽之徵乃一病殆
歲體孱、而憊心憊、而疾脉理不治卒肯立
以疾者謂之何哉昔次山以事入州治余時在

論貫三木金鐵匍匐道左君晚之曰去余竊望
次山額角骨隆出點髮豐頤奇步遠視夫人貌
六佞象侵薄者弗壽惟而橫感者弗壽殆回聞
謗神不隳括者弗壽次山形宇超曠宜濟遐齡
而頤不永年者吾蓋不得而知之矣說者謂麒
麟鳳凰不久畜於家御雲不崇朝而散希世之
寶造物者所愛夫次山固天之至寶也既生之
而復取之則亦何恠耶夫不可怪而怪之者吾
又深痛惜乎次山美嗟乎次山余刑僇囚僇也

以君父子再觀日月是死者復生生者反歟將
謂天道為不爽耶就令余侍下風聞續論又安
可得耶注歲次山訃至即欲拊棺一哭而阨於
貧賤羈於官府萬有不可道者每輒東望愴
汗交作余固知次山將原之弗疑而又幸亮其
不黑於負德也次山乘元氣上下宇宙其必有
歆吾之享者矣

錢謙益集卷之二終

蟻螿集卷之三



黎陽盧 補次 擬著

同邑孟華平明瑞校

長清張其忠伯蓋梓

賦

幽鞠賦 并序

盧梅旣用事遠繫濟獄與幽囚伍替憤迷惑目
無日月不知晦朔仰天太息曰嗟乎聖人修身
善道立命不貳賢者推運循理以定所天願梅

徵眇離茲憲網問諸造物而已因位賦以自廣
其辭曰

帝顓頊之輝煖兮皇波淮乎姬姜儻海岱蜿蜒
於北阨兮霽宗嘉蝶於范陽暹雲雷之靈靈兮
躑躅改此南服淋漓土佐甘美兮躡康侯之芳
躡皇傑梧董道以迪惠兮母氏靜約而告育曰
余夢文杏籬翫於霄漢兮芙蓉暉而尚粹溘焮
焮儵而進兮應龍齎而下駟偵鉤虬以甜談
兮頷乞攫而速端億錯指以群號兮明駟而

決昔倏恍恍以隕虛兮覺懷妊而因甚此有娠

謬余降於衛許兮幼好姱而岐嶷爰青雲之偉

冠兮揆長劔之陸離朝晞余髮於崑崙兮莫濯

足於咸池擘招搖以為袪兮履彗星以為綦余

長暉其歷之未現兮勗修余之菲芳裁薜荔以為

衣兮衷芙蓉之翠裳集菌漚以為藉兮糝杜蘅

以為糧揭旌於蘭皋兮稅駕乎芳之塘余迅滅

鞞以高舉兮汨鏃翮而顛隕謂魯參之殺人兮

談市虎而成損蒼蠅習々其貝錦兮魚目敘明

月之璀璨媼母慈以媵媵兮擯西施之頰婉而
自啣蝮虺仇於几筵兮戈鋌森々以割余目
既阨余之庠廡兮又謨之以鈇拳低曼睩彼狂
狂兮桀血斷而封囑宵闐怒以躡踞兮視將躩
踞而矯鵠檻膠蠹以黜軋兮棟偃蝮而隳翳線
纏々於伏棧以苦余兮仍反接而窮辟耳嘈々
若有關兮何逆迴而拂惘目惘々以或見兮佇
鏗勿而復贖神軼氣習々以涸漑兮精憧々而
泮來覺塊然滯此一方兮心猓々而增哀駭鼠

淫喔以啗余髮兮龜魁含眇而羸想係器々相
喃以對泣兮與糾々而呵護般逮余兮紛厖繫
鴟鳥之巢蚊睫兮烏能戢此軀也枕雕帶以燕
憇兮又誰知不我虞也悲時畧之逆邁兮懼雷
忽其西藏激霜淪而下降兮恐璫草之不芳高
馳志乎雲中兮棄精氣而相佯王喬衛々而弗
頤兮赤松告余又荒唐行偶々獨日莫兮安放
乎不歿之鄉橫衝波而激舟楫兮天吳搖首而
張怒歷泰山之坎軻兮廻廻齧眇以當路後狹

意以在神兮雖輕旋其焉去鳳凰之羅罽羅兮
爰之華羽抱鬱軫以顛處兮呼蒼天以為
直戒五嶽與嚮服兮裨河海使聰殛咎繇遠以
不聞兮玄武遠而莫測何羣神之豐兮霧炳
而周恤夫余既不能蟬蛻於茲蕪穢兮眇
而長驚心結思於大荒兮魂荒兮而上度激
音雲之霏兮飄風出而霖霖載玉女於後乘
兮飭豐霑以先路義和儼以驟藥兮望舒翥而
倣御征輕輶之闐兮八鸞銜以迥步承雲

霓之氛霽兮靈旂續紛縹虬手翠羽挹朝霞以
為浪兮吸沆瀣之精英漱華池之飛泉兮聆鈞
天於帝庭素女涕泣以淋浪兮間絃瑟而唧嚶
處妃歎歎以結軫兮潛咨語而沉情余凌軫虛
而佚蕩兮將擘結乎三光撰余轡而馳騁兮問
元化於勾芒採三秀兮眺瀛洲之微茫弭余節
兮聊解珮乎扶桑睇南州以凌厲兮嘉桂樹之
叢、召風伯以驅煥兮謁炎帝於清宮何蒼梧
之翳霽兮重華穆以揚靈湘密鱗而覩瀼兮二

如胡為而弗從，白門以西望兮，覲蓐收於金
樞氣滄々，以蒼曠兮，薄崦嵫而誰須，觴王母之
仙妹兮，挾瑤池之芳都，指玉勝以為約兮，歌白
雲以相愉，荃既締余以好艾兮，絕弱水而進路，
齊王轂之礮々兮，指寒門而並驚，軼鍾山之幽
巖兮，令照之以燭龍，召玄武為備禦兮，句辰翼
乎紫宮，託鸞鳥為之先後兮，問太乙之繚垣，
刻々以黜約兮，鳳凰承旂而飛軒，雷師環擊以
璫以震盪兮，烈缺偏爍而施鞭，護扇肩以憇

兮，闐咤噫而俾還，卒攬涕反此舊都兮，潔筵簞
從卜乎巫咸曰，天地無隘兮，物無終始，變化互
淪兮，幹流遷造，形氣轉薄兮，或浮而沉，造化沕
穆兮，禍福無門，幸性命之難言兮，誰知其極，為
物糾以霧盪兮，又安所止息，惟大人齊物我兮，
以天地為廬舍，總山川於毛髮兮，騎日月以為
馬，夫有虞之潛歷阪兮，當曆數之在躬，夏后聃
祗而陟大寶兮，季有充於黃熊，震龍漿而夏積
兮，顧駕禍於周庭，白魚躍以膺大命兮，劉氏顯

而有功奚五羊以自鬻兮由余振於西戎尚鼓
刀於海濱兮仲父射鈞而桓禁仲連談笑以郊
羸兮胥重蘭而存楚條相后而餓死兮贊瑤筆
以光輔墨不黔以衛道兮孔轍旋而微伍光猶
介以自湛兮夷顛頤而振古夫道固無涯溪兮
行焉知其所知惟恬澹與寂寞兮斯貞人之攸
居從委命而槩流兮遊寥廓之鄉忽喪我而無
是兮觀太初之茫々余託心與遊兮曾日月
之徜徉忽歸魄於玄壤兮又何足傷勉修余之

傲服兮珮芳澤之幽蘭紉揭車之落英兮裝江
蘿與射干飾翡翠而綴珠被兮爛的樂而半眠
組綺高而飄颻兮下結之以雙璠余嬋羨而自
鑑兮何媒灼之可攀大君眩而弗御兮亦余心
之嬾媿系曰天地緼綸何時明我欲見之心傍
皇輟轉懷憂秬自傷超軼絕世竊太荒帝極洪
洞不可量絨悲歸來卜巫陽勵志肥遯含大章
獲我所思樂無疆

放招賦

盧柟繫獄三年形容枯槁智慮殫憊若就死已
太卜巫彭往見之曰聖人慮事遠而識見明夫
子懷志惓懃魂魄清異寔之弗招迨就之替恐
不能渡諸技焉盧柟曰楨榦彊固則魂凝精氣
專一則神澄余無所用招為巫彭曰夫子孰與
屈原嗒々斤々慙々揚々而懷沙湘流窮招弗
返止殫思於師陽夫生不用招奄者既避而後
偃衣長嗥宜乎長逝遠暝與終古而寂寥焉遂
大招曰魂兮歸來歸來何為兮舍君之修幹散

而之四方且捐君之先故獨無所徬徨且歸來
歸來揚氣雜糅恐君之罹傷且魂兮無東東在
巨壑且天吳八首壺鬣血斷且封狐九尾談笑
昂矜且羿孤狼矢羽日絲淪且熈兮歸來不可
為鄰且魂兮無南南有乘珉鑿齒袒擦拔釘射
賊是食且俊妻甘淵十日峴嶷且號貓交踵儵
忽千里齧人齒々以談其隳且魂兮歸來離此
不可測且魂兮無西西方之氣白濔莽曠不可
識且吳姬晻昧日月所翳且黑水淵濔渺茫淠

滴且女丑之尸蒙面奇恠且開明人面瞪視鼻
肩且蝮蛇仇々雖豹是植且蝮犬狺々送首得
噬且招拒是司注恐見癘且魂兮歸來無為遠
邁且魂兮無北北方不可言且燭龍長暝玄豹
躡且貳負反縛石室園且竅窅龍首甘人吞且
建木九櫺葉續緜且五穀弗育斲冰殮且魂兮
歸來何逡巡且魂兮歸來歸來君無上此穹窿
且帝神威眈馳使豐霤且豺身烏喙被髮々々
且巨靈淵目其音若鐘且擦啖青蛇蚘繆絜躬

且獲僂通人不輟且魂兮歸來魂兮歸來君無下此

黃墟且羶羊類類類類負婪若舖且印鼻血吻九頭

殊軀且驅々猗逐甘啣顛顛且八桂森樾齧若

槁梧且魂兮歸來君何取恂且魂兮歸來越華

夏且義和倣御望舒逆且四時軌運交受謝且

玉燭均調昭大夜且昌光第鬱八風華且象緯

諧度道光化且魂兮歸來梟無射且凶岳盤礴

五丘延且隤樞寫宵汎流泉且巉翠連猗兢秀

先且偃佺隱淪注來間且瓊英玉津碧蘆苗且

遊探掄採茹延年且琦環呈露俟喜悵且魂兮
歸來都便聞且神州華城瀾宇宙且伏后妣姓
歷帝胄且朝市勛面宮殿湊且冕旒黼辰恭會
秀且紘統藻綵文數有且杠高九仞旒羽參且
態虎翬畫擁先厚且三圭徹侯威神構且獻法
惟寬流澤懋且天德離照多善宥且魂兮歸來
美休邁且豕韋東壁康侯神且浚宮有嚴次醜
鱗且戶牖閒靜燭嶙峋且魂兮歸來暱親臣且
夏屋阿閣抗山梁且旋室嫺娟飾壁璫且三階

昇城黜聖章且方連采鳧繚金網且玉女牽牛
闕紉窻且偃仰儼雅交佩纓且蘭風靡離浥蕙
充且曲屏雕疏被芬香且朱綵飾畫長廊且
圖繪譎佞矯飄揚且磬熏珠箔鴉翠翹且碧璫
縉縣熠琳瑯且金缸銜璧懷蜂蛸且象姐玉樓
翫組繡且綺縞續紛羅幃高且珠被的皜綴瓊
瑤且隋侯夜充蘭燭華且烟開洞房徵女娃且
兮曹代御靚婉娥且周鄭豔女繁芬葩且長若
落英艾髮鬢且織紉綺縠雩以娉且調中易心

都其可嘉且肌理膩靡柔惠婉且靨輔貝齒宜
笑嫣且蛾眉照娉目充爛且長袖善翳惠音歎
且曼睽微波流視盼且精彩神授志彌變且琦
姿艷逸殊瑰變且揚詩約禮靖不亂且離宮別
館侍君之宴且桂區蘭畹密以闡且縹簷闥窈
盤雲螭且穹臺倚榭鑿方池且碕礧小山危溶
涯且芳若射干施葳蕤且毗卬芙蓉綠波湄且
文鯨赤鯉泛塘陂且瓊簪珠級連姝麗且桀茵
步輦極游嬉且魂兮歸來無久違且庖廩肆事

殺饌盈且黍稷粦麥刈香稷且秦薤蜀葵吳鹽
蒸且越橘甘酸香榛菱且若醢鹹酸八物豐且
載脯靡鑿膾彌精且馳峰熊蹯薑芷馨且肺臍
炮麝桂椒行且鯉鮪鱧瞻鳩鷓且鮮鸛鴨鼈
膳釧羹且五齊三鸞羞豆腥且酪澤蘓臠歆脂
莖且疊樽刺鏤雲氣縈且玉酒漱滌九醞清且
靄和希液夏凝冰且瑤酌芳潔娛協情且歸來
故塾媮臬有寧且西清東序列巨虛且應棘搏
拊考鏞鼓且僂鍾句聲埴篴敵且雲門五莖蹈

大武且大雅既希鄭衛陳且女臬駢進簇巾綸
 且新聲絕妙窮激音且激楚結風陽阿繁且羨
 人半醉色靡激且明眸皓齒揚朱脣且目略激
 眄遺精神且奇服交璫望之若雲且二八鴈次
 舉趙舞且颯指鵠驚鷓鴣下且凌厲赴節動媚
 嫵且竽瑟闌奏抱鳴鼓且羽綸鱗田絙雙廡且
 吳歛宋音遞絲縷且危筵離徹藉氈氍且促觴
 交膝隨簪孺且沈酒繼夜勞珍厨且醪醑解醒
 戲侏儒且欺德鵠眈詭覲覲且鞮鞞韋韎儀林

胡且躡鋗躡躡緣都盧且娛酒既終步欄灑且
 周覽岐視聊踟躇且攄翰撰思文璠璣且同抒
 賦歌畢歡娛且魂兮歸來恣所圖且瓊轂翠衡
 駟六駟且旌旂承雲建格澤且貔貅擁趨桓輝
 赫且孤旌枉矢載鷹獨且采置道被綢遠獵且
 一陵十藪虞羽骼且麒麟驕趨伏園柵且鉞連
 駒駝蹂躪且鳳凰鷲鷓鴻鵠且鷓鴣鷓鴣鳴
 悒悒媼且憂搜撫逐彌平陌且血輪割鮮多躡
 躡且游戲倦覩言旋宮且較施創刃招友朋且

重觥錯几張華燈且伐鼓闐鞀石鍾且絕夜
連曙嘯歌棕且樗蒲角巧有瑤枰且象枰犀齒
五木行且一呼十盧射先名且剝柏蹕謔白日
窮且懷思長鑠壽岡陵且魂兮歸來永安貞且
淫佚縱度賢聖嫌且周穆八駿康遊畋且有窮
不執諛隕顛且肉林酒池商辛殲且愍鑑不遠
魂匪湛且三后五帝憲章廉且盛德昭屆四海
園且馨香至道徹九天且丘索墳典載籍醜且
禮樂苑囿文治淵且魂兮歸來端視瞻且亂曰

音陽攬音兮萬物發生桃李灼華兮芳杜蘅懷

君之故兮趨慌惚游覽高舉兮窮淹未蒼鳴曰

駕兮扛虹旗風注迎兮君不來颺颺嘯兮從後先被服藉藉兮

飲石泉松篁叢霜兮香不見天清行誘驟兮馳

堂隍周游上下兮歸故鄉若木敷華兮翳陽靈

白露灑浩兮臬蘭辭榮時不可再兮日嗟蛇鳴

鴈唳兮水揚波崇期恢曠兮芳草茵方軌結

驚兮車轡衛之澣兮岷之函雲溶兮發澄

潭霧駕兮步晴嵐魂兮歸來肩盤桓

茂

惜毀賦

太陰為室兮叢棧昏玄雲黩對兮殺氣淪發

眴天兮鬼歎：鼯鼠呻吟兮虺蛇繆織風鱗

兮：根髮鬢稍淫恍惚兮軼上蒼聖澤霽兮豐

周道砥兮有枰狡童兮輕佻馳阪陲兮道途長

兮趨志驕：意越荒唐兮萃澳汎洞兮：齟齬有音

鵬鴛鴦兮：以之嬉攀網且繞被：去矧機給捆綴纏

窈觸兮：歎臣反結軫禍延考妣兮童稚離墮室家

丘墟兮：蕪靈茂隱真身：圍牆兮玄夜長紅霓為

孽兮日無光痛哭曼曼兮結惛招帝閭兮眇沫

般自列兮莫聞痛際天兮我柏往者逝兮匪道

淋將來兮安宅檻虎豹兮熊羆文威絕兮孰所

為憲：網兮冤頸反舊鄉兮何期山巖遂兮綠

桂枝禽獸號兮猿狖啼羈縻兮離憂羗長苦兮

物類我思

秋賦

楚襄王與宋玉游於雲夢之臺舍蘭臺之館浮

漢沔略江潭射楊林眺蒙山游旌蜿螭法象緯

歲象集

卷之三

嬋輝蔭三湘氣彌七澤倚蘭幽以承珮芳桂遠
而延輓輦瑤華之續紛翔翠羽之翩翻於時涼
月懸珪白露凝輝寒風鳴條微霜沾衣宵霧霏
兮遠山峯暮煙橫兮長河濱王迺抽牘檢翰以
命宗玉曰疇昔雲夢之遊子大夫為宣人賦高
唐未及蘭臺之駕子大夫為宣人賦雄風方今
日馳虞淵鷗鴻先鳴汗漫淒瀟無以攄情子大
夫亦有說乎願為宣人賦之宗玉於是逡巡
釋位離次跪而稱賦曰臣聞天地無闕

斤衍剛柔沓分時序交禪春華發榮秋實振晏
其為體也博確鴻固專翕廉凝收斂像類參伍
元英乾健不息弼成罔極上備天道下全王德
穠之時義大矣哉夫其朱明既退招拒斯昂蓐
枚弭蓋少臯弛裝闢白門肅金方韜炎颯激清
商焦溪涸而不流沸潭潛而弗揚爾其為氣也
氤氳膠戾漫翻頽墮翳綸菌掣蹠薄霈翕
撞搪磕礫若迺觸土囊汗汚之口噉大木
圜枅之竅標厲叱高迴戲突嘯聒勃礪駭臨

攢號倏拂改節和喁稍嘈碎兮若促絃柱而擣
箏秦迪兮若逸擠攜而鳴埴囂細緼窳圖橫酸
鬱陶爾其為容也澹淡晻晻皓暘曠擘斤塊
湧廓落鴻敞荒裔凌厲上下窳窳黠雷轉薄游
氛軼蕩紛態橫出蘊懷悵惘蕭瑟寂寥惘悵
悽孤臣孽子遷客棄婦莫不感心傷氣流涕增
歎爾其童濯嶮嶮分披品壘疏離案衍宣回藪
壑泐岍岍嶒羣山蕭索劉厲彌平寐寥空唧於
是清玄海落長江抑鳥澤熒扶桑潛溥濤瀾密

鱗崩灤霜疑龍窟霰落鼉房鮫人泣珠海童滅
充陽侯馮夷天吳偶像魂銷魄揚率悉愴恍若
迺蔓縻森蔚沁寥林塘隰葩格樛伐萌沙棠繫
精於松檜之林獵芳於桂林之圃被杜若委庭
蘭蒙江薤夷射干翠葉紫莖朱萼秀花隨風振
綺應日傾葩於是鴈遊江浦雀流海濱燕歸玄
穴蟬寐窮林蟋蟀宵征鷓鴣夜吟陰凝氣積萬
物凋瘵倘有后斂後時削跡未逮披零電衝東
灑折豉裂吻而歿者不可稱計若夫志士坎壈

中人薄寒寒產淹留感時增歎惻愴迹節念蒼
悃恩撩慄於邑絳結弗變此夫閉藏萬有樽備
造化忌盛憂滿唯繼之謝王迺采戎輅載素旂
服白玉駟雲螭居明堂命將帥誅暴悖明好惡
嚴斷刑修法制繕囹圄決訟獄感氣順化應時
承治所以張弛乎仁義之道彌縫乎禮樂之文
於是東漸西被恩殫無垠修髀鑿齒之邦結胸
驩頭之民懷鳳凰和麒麟繫猛獸龍文會薦上
國充不肆於昭聿皇萬々歲

天目山賦為孝豐封君南山吳公作

吳王夫差畋於具區之野王孫彌庸驟乘大夫
申袞儀御王望見天目之觀截薛嶂塘會凌雲
橈第鬱輪囷薄乎中霄王命彌庸眡之對曰茲
所謂靈祲也王曰靈祲何如彌庸曰昔禹封九
山含精畜雲觸石吐氣淡湯龍鱗蜿兮獨上矧
兮阨崦紛々紘々莫知所以爾迺滋草木旅禽
獸窳備恠填珍爍駢田隱燠萬物弼蒼疇昔之
見無迺近是於時申袞儀進曰大王察彌庸所

稱纖機參離巨體塌戾可謂軒造化之渣滓而
普於盛德之符契者矣且夫維揚之澳碩人森
起翩兮若威鳳苞彩翔秋旻矯兮若游龍凌倒
景昇河津曉兮如日渥兮如雲變化無方孰者
為鄰伯啓毓於奇石傳說騎乎箕尾茲山所以
發精於詰耄作鎮於江汜若夫撫草菹之見禱
頰舌之談臣雖似陋荒翹所不敢聞也王曰願
為宣人賦之林儀曰唯
惟吳后嚮茲夏壤兮頽女繁其岑隈疎捩隋之

陵嶽兮遼寬妙乎叩崑陟翠微以盤媪兮德造
天之嶠地踞滄豹而聯眇兮純熙山之巖嶮
嶠催之跟跡兮垣矍而掩襲馭沉以轆
轆兮巨石斬之簡翻南嶼岷嶮橫山嶢之靈
岩玉華鬱律峯第嶮差波被揮援猿獲岩洞嶰
澮究豁峪繆豁牙洑霸劫梧危脆傾崎嶇覆
碣磷巖雕岩瞰躡譚曠墮靡橫暹蹠韞不于拉
柁睢淺躡鳴噓霍山下還眺層巒憾何煙煙雲
霞濛瀟瀟晴峇天霄膠瀉宋廖甄澹澹乘風瀟

騰倚岸捷蒙茸懸絕澗羣獐狡健燦兮若浮雲
曾不可稱算周覽堂密隰隩瀾陸芳艸靡施秋
蘭蕪蕪唐蒙留夷鳶尾胡繩楚蕪江雒裕綯
絢焮々萋々肝嚮闇愛琴馥勃披鷓鴨羣遊鱗
揚軀翼擘視朝咋毡毳藻臆鷓子鷲黃鸝諸鷓
鳩戴鷲石鳥鸞斯蒼鷓翬散陸雉戲游山岳若
夫琛希之賂金鑲涵朴雲精燭允瓊支昭華璇
英白珩藍田縹碧赤瑕流黃喂醜山谷衍溢陂
塘碕岸不枯林藪輝潤滋液灑滴光彩磷煜於

是乎嶽靈擁峙川后聯蜃石神焱集儼々輝々
泰乙薦鴻祇御蜚廉翔蚩尤鷲靡覲旌馳翠輅
颺旋電掣陽嘘陰沍煜奕傑僂萃於豐處鵬秀
灑高亶流顯老瓌琦偉長雙顴日表方瞳星爛
鮎姿雲裊宏懿儼雅侏儻要蘊佃翔於道德之
林獵弋乎神明之園覽觀九族之有亡與閭閻
之變態錫羨餘恤不逮繕橋梁虞婚配裕後昆
揚昭代金紫驛耀冠蓋雲屯擬跡萬石越彩八
閭然後肆志乎游覽履巍々步湯々坐穹石揮

五絃舞白鶴泣玄猿曳綠叩之杖踐赤玉之馬
浩々乎寫天氏之唱偃佺負局羨門安期或命
石髓或翳紫芝相伴於洪崖之涯洪河清昌光
鬱麒麟游鳳凰至黃英生黃龍戲泰華砥礪衡
霍增醜風雲交通鼓舞拊會信壯乎天目之大
享靈長於億萬歲

慕德賦

昔謝宣城作慕德賦以報沈侯彼特腴風雅之
賞詒國士之眷爾袖自庚子歲被誣繫獄十年

餘自分朽骸永絕人世趙王殿下憫然鑿枿四
賦灑以睿藻用雪梧臺之寃王子冬栢既以
上命平反迺如趙朝謝王哀其窮錫之珍饌肉
藁寵龍渙瀚天日疊耀方之宣城所感為德何
如然神以理超情以文遣匪辭之麗斯焉取酬
於是因謝名篇聊著鄙賦其辭曰
唯岷岑之培塿兮黎水清而停秋淋氣殫以滯
隸兮諒非胤之多尤玃璉之微姿兮願厲響
而長浮爾迺歲既暮時將竭寒蟄鳴流芳歇搖

落洲渚沉巖丘樊千里直視黯然銷魂情感鷄
鷄愁淒斷猿悵氛濁之褊狹馳清想於天澗慨
夸父之鄧林吊燭龍於崑崙緹余馬兮扶桑枝
涉余轆兮桂水湍拾江妃之明璫跨湘靈之翠
鑿於是崑嶽互起江河橫變封豕卧啼雄虺坐
眄夙露傷足晨風瘁肝汨海濟以傾檝欵凌風
而鍛翰豈蒼蠅之點玉實萋菲之交煽囚園土
兮戈長纓僥寬頸兮泣吞聲仰飛鳥兮不可攀
思日月兮何時明嘉虞卿之撰籍希黃霸之授

經蘭一閱而三嘆魂竟夕以九升志沉緬以鬱
陶氣於邑而填膺揮思彤管裂袁竹素魏澁就
章風謠託賦信陰陽之迭運肆虧盈之無愆將
長號於帝閭賴造始於英藩偉神聖之授彩播
天人之名篇泝瀝液以滌離紛藻潤而芳妍振
金碧之琳琅炤丹牖之瑋爛羗雲涌以霞駁修
龍變而鳥蹇皎若凌天河窺織女雲漢之章鏘
若升清廟聆師涓洞瑟之絃墜未伎於何李籍
隆譽於謝田翼二京之可紹埒三都之並翺警

司命之烟旨款士師之酸言爾迺聲流臣工華
照八表市虎解讒亭姬雪慘返景嶮嶮合劍龍
治起灰融兮發夜臺披雲霧兮天門開攬衣帶
兮非疇昔聊躑躅兮心魂哀於是緩貳負之虐
械啓華表之靈思雖城廓其如故已人民之半
非陟北堂以傍徨痛考妣之先違二稚逝以如
往一女殞而方歸彼蓬婦之苟活亦老醜而堪
悲涉園亭以凝眸見蕪葭之蒼々橋偃寒以斷
石壁墜地而橫牕雲幽咽於剗岫葉蕭瑟於銀

牀瑤艸委兮菸堊桂枝凋兮垂墻望佳人兮不
還歲將抄兮怨良於是季冬嚴寒北風騷屑江
雲結凍海煙飛雪蒼隼凌颼代馬警節邁世懷
賢啣忍赴國仰攀嶺岓俯涉清冽揭閭闔以延
佇導玉階而屏營辟連錢以啣缸牖疏鏤而瑣
青爛昭華於東序裊翠葆於西清擬承明之彤
廬或鈞天之帝庭罔乳顏之萃渥冠日表之奇
葵侍竊頭以嗽辭撫龍翼而若驚爾迺玉音綸
族神裏縈灑天風四敷春陽疊暢八珍馨流三

壽於方處馳羨已靈鳳矣再貺醴酒陳兮泛翠瀾
醉起舞兮嬌朱顏願君王兮惠一見壽千秋兮
歌瑤壇精髮鬢其如思情色鬱而弗安步從倚
以外陞涕淋漓謂流泉將振翮以邀舉忽掩臆
而長嘆玄雲鬱以凝時悲風颭而無端昔園門
之多險嬰金鐵之拘縣效魑魅之激軀望豺虎
之一餐敢謬想於煙闕譬元清輝於鳳鸞德裕命
而匪測恩潤身於無垠幸濡翰於執園對一羽
而塞乎巨川迺為之謠曰若有人兮滄海湄吸

允景兮馭雲螭時寒產兮隳淵涯宛將逝兮長
離思大人造兮叅南離恢冤枉兮超塗泥惠芳
腆兮恩不訾誠旣感兮我心悲抒丹悃兮愿賦
詩彌億萬兮英聲垂

壽成臯王賦

梁孝王讌賓兔園相如在位王授簡於相如曰
寬人壽願為我賦之相如避席再拜曰唯々夫
壽天地之希齡太王知壽然未聞王之壽大庶
人之壽小也王曰庶人之壽何如對曰庶人凡

夥品類各異若夫奇商巨賈征戍之客劇工浮
游田父跼蹐黃冠玄牝緇衣閑適每遇誕期佳
思聿興殺酒矜設招致友生縟藻匪施活碧無
傾帷幔起兮露色寒琴調急兮霜華凝曾為歡
之幾何旋紛擾而啣嚶若大王之壽元辰未屆
百司豫啓瓊珠之宮金華之里象樓龜屏鸞茵
犀几窮奇恠獸含香上馨雲氣四散化為儻靈
綺麗恍忽奪人目精於是石渠金馬之士逖坐
駢至充盈後庭炮翠麟脯霜鯨宴素日張金燈

攘皓腕之駕袖暎綳柱之鴻筭調採菱之詭譜
教遏雲之新聲歌曰帝子降兮金井寒集瑤池
兮驂白鸞躋遐齡兮千萬歲與佳人兮長盤桓
爾迺分曹投博飛觥舉白促席交脉箚珥狼籍
玉衡斜漢金虬水滸然後飲儀肅容悄然言別
揚旌離館迴轡東關此所謂大王之壽非夫凡
氓所得擬也王已擇位就相如坐以河海相如
曰賓人之壽若是其大徵子之言賓人亦知也
是後益親幸以相如為上大夫

懷隱賦

懷隱賦者明處士盧楠之所作也紫泉山人周子棲隱東山岩亭亭峙森邃峻石離樹望之蒼然蟬蛻之士嘗託心於此焉楠久嬰疴痼沉思泉石於是因山人雅尚漆為斯賦是之貽笑向平云爾辭曰

大岷輪囷兮窳東郭嶮嶮峻岵岵兮深林薄山岑嶺嶺兮石爭虺谿谷谿谿兮水濛迴雷雲霏霧兮觸河陰渺茫橫被兮張夕岑招恨無侶兮發

嘯音杳然絕響兮肅心魂構元氣兮為壇草朝

霞兮絳垣翫旬始兮結綺跡揉列缺兮紫欄瑤

草兮堂下若華續紛兮照予天潢兮搖波鸞鳥

習進兮日歌以舞山中兮攀桂枝狎文豹兮

旅熊羆踐石梁兮貽所思懸藤千仞兮邀不可

期憶兮瑟山北岫洞嘈々兮魂髣髴兮廓張

兮聲禽翼軋榛林泐嶼兮超汗作嶒嶸嶸鳴兮

魄礪礪困晴斷猶危兮崑翕羣隱樹沓雜幼兮

榘榘榘軫軫葛蘿施檇兮礪草囊蘊晨風鶴鳩兮

怒啼血暉矍父猿狖兮驚透健隕鼻涕森兮
鵠之風兮敗之糜鹿兮豺狼睜顧兮以行歲
暮洋之兮嗟無聊霜霰下兮北風颺蛟龍逝兮
騰蛇遊山中兮奈何羗長徃兮攀桂樹以淹
留

泰宇賦為孫滑作

有東海大人先生北遊於空同之野返駕於
廣陽之丘憇泰龍之館戲靈昌之洲馭輕飈以
尚羊芳曳卿雲之煙翮將高舉以猥鷲兮游放

志乎天外致明神之澄爽兮乃精一景優鏡吾
之無纖翳兮闕霸穿穿咸萬寐之涸會日月瞰
眵列宿透行垂景岑黃荒勿無疆天歎礪之混
漚渺阮沕以塊北緬積清之邵亢廓峭隳以旁
魄倅翊鱗以杳淖捺蹄髯以道爽奄靈恠之昆
臙旅沼場以泡燁爾迺前引壽華後燔燭陰左
蔭肝榆右儼鄧林邈劍曠以宥官離龍馭以穰
闕揭昌闔而毗曜靈間聲蝦上營室而憚夜光慧
倍譎而歌苦訝飛廉鈿列缺而歲豐隆沛詡詡

以封費倏煙音公切煙以彰芒闕崑崙而拳古萬切

符禺蹶泰戲而掌空桑跪夸父而縮邛崃頸帝

困而俘大逢訝育遺而流幼海罅嫁切鯤壑而

欲流黃碎五嶽以允釜灑淵波乎九阡珥明月

以為縣挺赤霄以為裾沓纁翹而曳虹暈帶貝

葉而攝雲濤冠斬魏而乾虛臨徑不周以少留

浮氣車而逸神馬表乘黃而服駉驢使鉤辰按

轡頰女為之御青龍銜光以燭衛白虎擁鉞而

先趨熒惑司法以警道太白斬關而建旗蚩尤

倫瑛編煥耀以吐煙掠雄戟而荷垂雲抱雷

鼓而震天際檻環抱而從羣圍翫天恩而轆泰

鴻齒歛鴟而隄畧攬處山鼓而宿計蒙時巷澹

而撻據止挫陸吾而馳騶轟扶英招而帝列賄

鐵耕羶而殊奇眩激匹切六合之鴻稜鴻九域

之紛淪聆金鐸之磅銀聲口計切赤鳥之委蛇黨

難交而繼折髯偕高密而問靈華祖伊祁而援

蕭陽將極跡乎黃帝之遙優我游哉嗟吾泰宇

不為世而誰何

東坡集

水亭賦

太原王公好水亭客有表而賦之者曰伊彼翼
 野參井休兮旁啟漫疆呼島嶼困繫泰清浮三
 淵氣溫靈律霞駁綺紛對隸雜雷含陰土陽若
 鬼若神迴毓岑靈挺佳哲耀方英考隱澗石披
 幽泉野爰構水亭沙堤之下傍引淡瀾上蔭苑
 柳濤泓波瀾綠幄密偶石戶壤文此鳥託處若
 迎春陽告射朱夏馳金交馳飲列堪鳩露霞翳
 初蓋鳴翠騶祥鸞鸞為翔乃先聖爾其珍性秀

美沓其阿瑶草翕絕蒙其巔麟角馴擾遊其後
 龍鯉出沒涌其前於是召鴻生延鮪叟陳桑方
 命罇酒錢鏗辟穀以蟬蛻羨門服氣以蚰虬玄
 鶴二八降乃天隅延頸長鳴飛翻迭擾雲光殊
 覆緞綵四興紛々輪々合選杳冥於是為鳴鶴
 之歌曰曳僊衣兮何翩颺來廣漠兮集層軒壽
 天老兮歷萬年少歌曰涉沆漭兮緝荷亭覽日
 月兮東西生鳴鶴且舞兮希泰齡嘉至德之昭
 曠應皇運以來臻奠珍璧於清壇薦馨香以據

誠介茲景福如岡陵

崑崙山人賦

粵惟崑崙之墟跨乾樞兮幹不周崒厲萬仞為
帝下都羣神旅遊爾其磅礴唐顛顛峴岈峭彌鬱
紆膠泡槩泰清摩赤霄吻昧靄颯或黯或寥鬼
神髣髴莫之能要赤淵繞其南黑水流其西汨
濬虺潰觸於窮石放乎海湄廼有星宿之野濫
泉之渚渾臍爛煥雷响雲擁一瀉萬里驟蒼巖
縣龍門齒底柱寢名藩波汰膠盭迴泆滌滌

充四塞郁々紛々霧胥走水蟲唱龍伯翔鮫人
竄於是穆王之子感而生焉侏儻綽懿崛竒雲
峨目如電光氣若虹霓靜則淵停行即風披孤
立長嘯天門洞開迺竦岷雲之冠佩飛景之劍
御翠黃之乘詣玄英之館命玄武以開關兮剡
大行伯使當兵輾卷澹之屈矯兮碾礫而扑
攬搶踐蛩嬉嬉奮獵々之雲旗兮熏池訶虓撼
雷鼓而撞鴻鐘梁弱水之溺々兮搯離朱之榮
攀玉檻以窺九井兮下無地而峭嵒涉跡僊圃

游目靈岑封巒詭赴離石斜躡塌疊天顏倏斷
雲崩巽則開明人面殊形九首狡青尻吠豹文
純擾烏則白鶴鳴鸞鳳凰翬鸞蒙綵戴殿雖
媚々瑤碧之草玕琪之樹呈葩露色燦彰罔阜
凌倒景飡赤霞濯彙池戲玄洲吾順風以速取
蹇將遊乎汜林誘畢方使先驅弓走狗犬之狷
信略窮竒以逶迤弓問據比之尸爾胡為乎作
神姦夫然後背帝囿緇離命歷沙棠臺玉山於
是西王母出而見之觴於瑤池之上獻錦組百

純黃玉二轂毳光散亂奪人心目乃為之謠曰
君王八駿馳翠幄白雲在天岡陵出今子千穰
尚復來何以贈之黃竹曲穆王之子奮曰嗟予
悠遠在東夏山川間之石磊砢吹笙鼓簧心苦
悲何以報之復而野王母再拜謝穆王之子遂
驅升崦嵫山乃紀迹於其石

壚昆山賦 并序

壚昆山即古巴嶽也為梁蜀雄鎮俯臨巴江而
其上多名觀產僊茅長慶中有服之者輒仙去

銅梁張公愛其崑岫陵嶠遂自稱為壚山云夫
山川淋氣蜿蟺奮鬱窮極弗勝則鍾之而為人
詩曰維嶽降神生甫及申大雅所著於是乎足
徵矣公瑰偉魁梧賦任簿書才兼菀翰神理清
暢妙絕羣倫意若壚山之秀萬授之公天或動
之朕地默令公所以自謂哉僕不肖猥侍公顏
範仰締思聊五斯賦下里之音諒見誦於郢

正正

粵唯壚山之不可隱獲兮旅億類之鳴紛軼岷

漢覆其無儀兮翠浮歎而粼岫道紆回之鬱壘
兮踐危石之岵岵偁蟬喧而下關兮三江兮流
漉瀉而並入巴沱泥澶以回薄兮竟纒山之縞
帶汨漫滅其隱鱗兮石與聲之瀨、寧淵、而
長注兮消泡、而橫厲沫、以曾沸兮填轟雷
之磕、勢觸隩而互踰兮欵澗澗而引會颼噉
响而澎溲兮擱抗激於天外碇嶮濤、之漱潭
兮波瀾、而淪瀾谷會渾之盤渦兮洪濤悠起
而挑山氣滂渤以磅礪兮象霽霽之構天藏靈

異之有無兮何變化之可詮
傍睽遠視肆於無際
下自山岬上干絕巘
巖集坡蛇峭嶮岷盤
石磳磔錯悟還會岩巒
選峭岵嶷崖隕嶧岬離
隳迤邐相追狀若禽翺
或象鬯舞賦一斲一拉
蹠倭麋傲池碩泐增復
絡繹崆峒尊猊岷嶠石
龜逡巡蒼野出乎其下
欽嶺崆嶒郁一萃一截
如雄虹歛壑飲川俯瞰
澗底宵冥點泐長風中
號颺颯蕭瑟虧岸澆一
休徧鳥秩屏營超忽標
魄爽魂令人煩懣不可
具論庸寸之間雲氣歛

起變態橫生輒張徒倚紛々輪々
若降於天若麗於人視為旌旗
焯即麒麟兮怪百出伊孰與
鄰爰有崑崙靈室豁澗屈蛄洞
天勿密涓滴成響燥熱生慄
蒼玉礫砢儻茅葱蒨駢闐翳
靄委乎厓畔雨其山陽湯羨
廣衍芳艸碧滋秋蘭杜蘅鬱
金江離鳥蓮艾網香菹離破
酷烈四暢馥醇芬沛風流雲
蒸黠藹轉會若迺陰崕瓌木
羅生燿焮爛兔爍若天星久
視不玄盲人目精楓香窳歷
滋液沍醞盧橘垂房連卷
魄礪雜華紛

糝隨風靡。疊矮會。惘散揮。澹澹紆。踰婀娜。殊
態異觀。杖牙嚶吟聲。似笙竽。蹶赴詭變。愴神銷
精。蛩拱失術。逐臣銜玦。放子被訕。勞積曷已。技
血增歎。於是春氣潮。洩羣鳥飛。還便翾。剝羽雍
雍。噉雄鳴求雌。注來其間。鳴鳩負雀。鷓子桑
飛。雋周竊脂。天鷄聯翩。暈彩綉。遨遊乎山顛。
主若宛。隆中絕。崑崙斜赴。樵採不通。猛獸騰蒼
緇。縹豺兕。猓猓。猓猓。猓猓。猓猓。猓猓。猓猓。猓猓。
獨注。逸莫與期。傍惶孤嘯。使人心悲。憐。

廣成赤松羨門。若土吞石。住根御風。凌蟻。雲
旂翳翠。蓋葉倒景。上下霑。恍忽汗湯。周游無滯。
於是歎感。川迴天門。洞開期應。五百精微。上台
降大人。於避取。於森颯。起而神駭。泰乙禺嶷。紅
烟以仿。佯兮青龍。蟠離。繼而髮鬢。霽熒。以
翁霞。兮焚鬱。律而渾。肝沓爾陰。歛豁然。陽烟雷
停雲。聳鸞。翥麟。披岐嶷。倣儻。淵璇。韓思。冠皇。漣
瀚。崛略。渺瀟。飭太陰。與搖光。兮揉旬。始以為旌
赤標。怒之。賦屬。兮戩。焚惑而輾。撓槍。蚩尤。瞳。

以警御弓伯僑之倫
藜闕樹喙而迅征
遵不區涉玄冥
排閭闔遊廣庭
眼威鳳於東廂
此翠虬於西清
於是天子迺命太卜
擇日請見大輅
法象建太常綏鳥羽
鏗石鐘枹雷鼓
紹介之士一日之間
蠹屯魚麗陟金馬
登石渠虞清問待
公車紆國瘁察廢滯
規憲章資輔世
夔龍揖讓璋交輝
以臻乎至治嚮冰
茲山之靈發毓奇秀
德得有是哉

嵩陽賦 為汝南劉嵩陽作

楚王北遊登崇嵩之觀
嵩陽大夫侍王迺涉蒙
茸復蒐歸長御遠臻
記濫無際顧謂大夫曰
壯哉山矣寬人於茲
殆將脫屣邪嵩陽大夫
曰大王之言誤若臣者
始足與懋焉爾王曰夫
山畜洩雲氣萬物所祖
無貴賤遠邇皆好焉子
大夫私之已有是何厚
於自待薄於寬人邪嵩
陽大夫曰臣聞之傳記
鷦鷯搏雲鴨鷓悅群物
各有適故其所託者殊
焉王曰夫寬人舍此將
復有說乎嵩陽大夫曰
唯也夫嵩維巨嶽極於
圓祗

之中橫帶汝頽崒附於氛霄之上緣藉霜之薄
盛乎翠虹之嶂爾其三十六峰二室嵯峽靈巖
浮歎落豐岷岷巖轉互分嶠陪傍迂蘧篠偃蹠
行者中于久之物息汗脅增愍若夫嘗阮欲徑
虧澗無底窳廖宵冥長風飈飈北軋呶呶流離
轉散髣髴私聲天雨新霽萬壑灌瀨瀾濤涵以
辟頽雲噦矐矐響歛歡鬼恠於是雉鳩掩羽
豺虎驚感慌忽誤公悚息川谷此誠山精魑魅
之所穴處竊思大王不違託跡於此也王曰敬

聞命夫大夫惡得獨憇乎哉嵩陽大夫曰臣少
遊上都親侍諫垣陪列公孤尊三王貶五霸揖
讓於魏闕之下爾迺南箕揚舌青蠅點白即墨
膺讒寺人灑血解圭組脫鳴璫辭金墉凌風翔
飄然遐逝迺昇乎嵩高之陽故其怡神育靈
則攀緣欽峯傍眺瑤城陟乎泰清盡足力而後
返於青炎之圃徘徊於松桂之林激嘯於沂水
之澗將折若華之英蕤江蘼襲幽蘭帶楚蘅揅
獲媒於左麋鹿擾於右逍遙容與精神益壽然

後檢搜巖穴探飲玉漿躡壇鳳笙銅鈿石牀希
 瑞呈露娛臯無方去迺王喬控鶴於林闢密公
 失路於霧外少君捧節浮雲中劉根抗絕於人
 世莫不偃仰群笑馮虛軒輕臣雖傭駑與通紹
 亦故夫龍門三臺緱氏之嶺皆臣往來遨遊者
 也夫大王擁千乘之器妃嬪珍玩之御不輟於
 前焉能避世長往哉王避席曰宣人不能也子
 誠為嵩陽大夫

梁苑僊人賦有序

趙主客李九河同王岷泉飲周孔閣園亭時余
 在坐酒酣談兔園事感慨悲恨有加焉於是飛
 思泉涌藻筆雲緞興之所至遂成短賦辭曰
 仲鸞之翔顛氣既夕激風頽波微霜淨百凌九
 河揚岷泉周子臬葉浮丘垂竿於是梁苑僊人
 感焉被炎洲之翔羽兮綴丹浦之明璫翳青霞
 之第霽兮乍有無而離光褰裳已以濯之鴈浦
 燦若昇霄翻如振羽風流雲傳放手泰宇爾迺
 步虛躡於冥壑跼躅立之翠屐歌青葱之玉樹

風參差之鳳笙，散輕矯以傍駮。泉窈泐而小聲，於是螺璋盤舞，龍嶠斜帶。百仞嵯峨，殊絕異繪。採珠濱之紫鏡，具水之朱華。冠天螭之雄紅，蹴合沓之龜龜。戲赤岸，騰洪波。弄反景，揚清歌。乘僊颺以如往，澹孤嘯而却在。騁逸思於天墟，寄冥心於大海。雖炎光之已絕，乃江山之未改。帝子逝兮，驚風遊。簫鼓寂兮，埋中洲。鴻鴈飛兮，自來。左城角起兮，增暮愁。感滄桑之浸變，痛園林之愠休。心一唉而如喪，魂九折而夷猶。慨人

代之款，留若靈雨之墜。天卒長驚，而不返。何華表之千年，予既不能。蟬蛻於茲，溷濁聊將。該駕乎海上之僊山，亂曰：已矣哉！江河日下，兮勢不可與為防。非夫馮虛御風，以獨暢於九陔兮，又安訪乎吾於泰鴻之堂。

滄溟賦 有序

嘉靖時，歷下李公以進士補秋部郎中，白號滄溟。蓋緣公家近東海，云博物志言海中有三山，濤波險壯，侏儻為怪，不可紀極。是非王喬飛

儻之倫惡能排氛乘虛注憇之是泚女偶朝徹
之客惡能忘形坐馳存想之公抱魄守寐超然
神遊於物象之表遂擅乎是世之人知礙于玄
適名絕於靈紀方且因拘形有溘然與草木同逝
不亦悲哉僕受知於公既久使無壞美中之賦
頌人將謂予為不知言於是作滄溟賦其辭曰
唯帝嘗之胤臣若傳說兮精徹絳漢上騎列星
的隕闕以昭彰兮豐苞虛而效靈哩天雲俾翼
蓋兮後柱矢而韉犁醜逝兮泚還權兮泚倚儻

神變化莫究終始光氛翳固天人崛起聳鳳質
之苞彩兮撫龍翼而騰驤吾綴函山使衝牙兮
萼不任以為璫既濯足於明湖兮又晞髮於鵲
陽爾其挾蒼虬窺海日歌雲謠薦泰乙遊覽乎
昊天之臺徜徉乎招拒之館建素商之旃書青
女之簡上秋之末塊然自失恍惚滌漠神氣四
暢迺觀乎滄溟之壑左東極右青丘帶以鞠陵
之阻浸以鼎臚之洲東南一陂西北一淵在甄
九河活泐江漢百川湧赴頽洞灑濺長浮乎天

畔雨其始至也
澗灑灑鳥漠灑灑鳥
泮灑灑鳥
矯若素軌縞馬羽
蓋之沅翔兮又如白鵠之將
翔沫溘溘之高揭兮互喻追而往
躡壁壘重軋不可撐兮忽乎選
沓似軍行渾沌沌淘泡
泡拉々珍々雷礮雲响砒砒响
憑凌觀其淪演之所蓄
涵飛滂之所激射魚不得游
鳥不得下湍濤灑雪萬里騰
瀉夫然後凌波谷捎滴山偃
轡蹉丘弭節甘淵便旋
豎夾之浦清冽晏龍之川
爾迺靈胥色戈冰夷澄鏡
颶風不颶五雨不

競靈煙清郭漪虛四映碧山
嶮嶮螺兮象海水浮碣石霞
爛雲綺苔錦雜駁勢煨蟬以
相襲兮層層冥而送潮汐於
是尾間岐分訂於傍處存
杯淡浹灌漑沮齧潭澹演澗
涵瀉嶼斜葵藿之澹浪兮綸
組瑛而鯁卷紛海蘿以被離
兮石髮纒然而縈瀾何萍實
之遼廓兮偃頰磊砢焜暎乎
窮地菟奚江籬葭蘆水松雲
蔓陽厓風披陰叢彩理豔燦
擢華敷茸若迺羸蜂揚焰蛭
麤翕絕紫鸚合光號輸偃息
紫坑曝沙以如渠泛

蛇乘流而覆笠武羅屏首以鯁身帝江誠之而
斂翼高蠶沈屐於曾泓潛蜈吻以削血海童
掄袂於枉渚鮫人織杼乎泉室於是橫海之鱗
偃雲敷薄天津翕鬢甲戲激深林鮪鯢鮓歸
魴魴叢貫龍次璨錯璘璠喁沫噴藻噓噏連淪
捷鬣掉尾隨波泗沉或躍脊而濺珠或嚼鯉而
哈雲畔漉湯於天光託亡是而為鄰爾其羽族
則有鷓鴣鷓鴣鵠鷓鵠虞鶴鷓鷓綵縹鸞羣精煥
曳飛迤鳴浮天溢岸搏風揮霍或如裂漢轟訇

成響恢詭殊觀若廼厖之隈窮怪異異貉殺
驢鷹獵、獬、獠、狗、麋子力負麝父捷稱
山獬投人以頤笑諸犍啣尾而遐征迅蛙躡巧
於遠枝狂虜摘石乎山陁爾迺背宰桑維風帆
擢飛雲涉廣淵跨渚昆弄少海汰波澄川后待
天吳呬歛馮遲甍躑躅喘澗沐揚靈渤澥閭闔
輕舉泃泃陰頽凌混縱柁棹溟絕碕沿洄潢洋
滄溘渺瀰惘慌芻豁略無端倪鴻鴈不及翔蜚
黃不及駭脩呻電邁不崇朝而逝者億萬餘里

於是蟻煙幘被羽裘觀乎倚天之關踐乎相繇
之區行乎泱泱之壑陟乎招搖之丘瀛海為池
碧津為洲炎橫澣之慘竟垂雲之浮裊橈槍之
偉竿綰明月之鴻鈎靡雄虹之巨餌連六鼇於
天陬窺景温源齒霞員嶠拂衣石林振彩雲岫
優游湯羨乘風獨往以臻夫蓬萊方丈瀛洲之
奧焉爾其遠望離處峻增岷岷紫清近登山趾
及在水底山岫嶢巖螺黛煒繪鬱々煙々金闕
璇室紫府洞門瓊琬不成之芝瑤岩返魂之樹

駢田羅列錯落乎其間若夫倥儻羽父之倫翳
鳳凰驂麒麟戲奢比游無垠乃邀余於秦皇之
阪以觀乎窮奇之民略玄股魚離耳延周題覽
黑齒登巫咸歷無聲飲帝臺之漿擊蚩尤之旗
玩美乎夏后啓之儼是雖山川隔限於絕域靡
不玉帛朝宗於天府然後乃知主上威德之
兩留誠有得於滄溟之偉觀也

余未作此賦時夢至東海上遠望山出海隅
相去百里或五六十里皆霄綺離駁金根雲

牙照耀上下海水振蕩若三韓朝鮮日本穿
胸等國遠近環繞魚鳥雲物不能盡述以故
余作賦時即以夢中所見聯絡篇什雖外加
鏤刻然大約十得七八也豈余留心此賦而
有是夢耶抑亦形解神遊真如斯境耶八月
十七日作此賦至紫蜃云々倦睡夢一人青
衣長身以刀剖余腹抽腸出尺五許然其半
未盡尚聯絡脊膂而兩出腸彼以手握之盤
結如孟瑩潔脂肪中微有紅黃肋膜然其人
稍挽之覺痛余以手摸腹曰汝手乾滑當潤
之以水若油使滑澤可入腹而其人曰若即
以水洗濯之置腹中遂醒夫是二夢前後雖
不得其朕然亦大奇矣姑記之

嘉禾樓賦有序

嘉禾樓者明府銅梁張公之所作也樓在滑之
西門上瑋備巨殿為邑偉觀落成時有獻嘉禾
同莖而珠穎筮數十伯本云是樓西晦所產異
者夫符瑞應德斯至故昔之治化隆者芝生庭

才連理黃龍翔於洛鳳凰巢於閣麒麟遊於園
張公宰邑三稔政和民裕道路以歌樓成而嘉
禾至亦何恠與三國時吳會稽嘉禾生改年嘉
禾夫是樓以嘉禾名蓋亦古人造物託始之義
云爾乃援筆鏤思作嘉禾樓賦其辭曰

粵若稽古維明蜀有大人先生崛起命世撫厖
鴻而凌厲兮結曠延之奇芬擊清飈以遠游兮
啗滄澣而搏崑崙借劍關揖崆峒絕輶轅指燕
京振羽天衢馳聲中夏儻旌滌陽遊刃白馬

舜廟略規九野履塊隍雷駁而風行緬天險之
莫階兮悼西門之墜營觀櫓叨淋之湟物兮萬
夫仇關魯何足以當兵吾恐公翰之捷巧兮豈
弛帶之易効於是羣僚闡議小史獻謀髦倪逐
縈勗茲吮喙以相與成虜神明之樓據厚坤以
特峙奇象雲氣之構天揉參旗以繚垣兮緡東
壁而軼三淵埒帝神之奧區兮泡燭煖而璿瑯
偈夫歔首帶干將而跋四維兮闐轟嘒而頽嶺
屹馮驛以魂以其相奮被兮欵凌雲步融以

駢田離樓第鬱紛沓逕兮礪豸天驕鳳曉而龍
翻旁唐堀岫嵒嶷礧礧兮畔漉炤爛矣而便環
狀若碣石之蔣、兮又似乎巨螯載員嶠履迴
川於是屬輿乃躋夫城隍兮而印華棖帥爾層
觀兮離虐蜃蟹濯瀟晶軒起星流以電燧兮觸
巽瑣而排金扉檐窳窳以陰處兮洞鑿豁之離
竒嗒砰礧其雷殷兮颺凌兢而增颺魄脅閱以
冥眴兮眴北南之軋挾後觀、之恣、兮精憶
憧而涸淥晃軫軒以流覽兮紛譎僂而殊狀爾

迺萬楹攢濕磔礧連扔飛杲虹繞浮柱雲征芝
栢碇磊穹櫺際僂拉韞偃倮枝掌糾會窺天窓
而結綺疏兮翠玉樹之千尋垂藻井之芙蓉兮
涵綠房而曳連淪鏤太萼之嶽、兮巖巖鬱嶮
哈嶭而嶙嶙流水滹沱湫澠於其下兮汨汨
乎龍鱗虎豹狻狷以陸梁兮熊羆舐舐而血斷
螭龍躡踞於碧巖兮騰蛇蝟斗於枳板爰有玉
喬飛易赤松餌玉若士鳶肩羨門乘鹿據重桴
以危處兮倚蜚柳而曼睽凌虛險以相佯兮若

鬼神之髣髴錯祭珍怪品類奇英千變萬化窮
極海宇隨色賦形爾迺表以通天之觀突以凌
雲之臺建以靈夔之鼓杠以熊虎之旗賁育之
倫仗鉞幟楯陳視乎左右騰躡乎上下者不可
殫計蓋王公設險以守國足以藩主上於億兆
載也於是天地煙々煜々紛々渾々儲精洩靈
肆乎無垠戒義和以警御兮飭青龍而走太陰
激復氣之灑々兮蒸朝霞之燉々流青雲之靄
靄兮灑玉露之泫々焚輪轆轉於豕韋之檉兮

沕泱滲纏於河之濬岨乎鮒鯁之畝離乎天臺
之欒被天衍之溝塍兮挺嘉禾之秀穰茂一莖
而兩穗兮緹葱蒨之奇芳苞金粟以岐翹兮勅
偏反其光半散粼瀾蹶仞邈以長鶩兮却偃起
而回翔婉若神女之照灼兮施豔彩之章又如
綠雪之靡漫兮薄翠岫裊陂塘若迺霖而新霽
原阪始漑承以朱明滋以沆瀣琅玕青瑩翡翠
翳檟翬雉朝鳩以往來兮擣錦翼之陪鯁蟲蝨
負螯誥々殷々其振羽兮跽冷響而煩哀田畷

鼓儻於棗中兮遊女採蘋忽乎鳥舉而雲迴
蘇墳薄之累邇兮繫困匣之岷嶷魯城瑤柯何慌
惚兮杏王榮之莫見碧珠貝葉不足與炊兮珊
瑚什離吾文奚取之而為爨歸承詠赤舄之姬
公兮濟陽開禎洲夫萬乘孰應期而紹漢夏千
祀之夸羨兮緣茲樓使再醇賢君子之孔良兮
輔陰陽而規判巨靈紛總々以傳々其來翔兮
相柳偃頤顛員而承闥踏挾斯之靈譙兮揚白
雀而釗羽林揆夏后山川之嶮巖兮崒二嶠隘

益門二嶠徒西阻於鶉首兮益門曾不得扞乎
靈津曷若神宇之揭愕兮拱魏闕而嶙峋雨迺
鑿天槍殪旄頭挫蜚廉摺蚩尤廟貌之所歆動
威稜之所昭留東漸滄海西被太蒙南麗丹穴
北馭空桐披髮左衽之民縶白雉縻駟虞縶印
印綺駟驢縣車裹馬出於遼逝之域享獻乎明
光之廬天子乃乘鸞路騫雲螭綴明月橋虹霓
紫園丘燎泰虛招帝閭兮天門開跨不周兮騎
轟雷風颭々兮神靈致御馥芬兮醑玄觶福穰

穰兮橫岱嶠天人歡兮衆聲既祥風吹兮雲霧
霽垂鴻聲兮彌萬世

雲濱賦并序

鬻熊之墟雲濱父居焉棲身巖戶放志滄浪超
曠之度方之瞿矧子真之流莫能尚已近時諸
大夫各有篇什僕辱在草莽承風搯翰聊為古
賦以紹公孫嘉遁之製云

楚山碧巘倚嶮嶮兮象圓海浮蜃闕朝暎夕灑
兮滋翠竦竦窮石北垞頽洞兮邈不可越嶙嶭

峴嶂泐翁危囀蔽日而干霄降逮山坂礧礧
砢庶角傾碕顛浦緘撚於其垠兮彭蠡東注而
雲沓溢鱗長逝澠澤渺鼻泝泝涖涖涸涸吐吸
踰岸互會斜沙渾之滋徑莎灘之隩如此者幾
伯干處焉爾迺翠幄嵐搆蘿壁風褰芝宦林塗
錯落煙雲碧津離樹青輝玉葉丹葢承霞素房
垂月黎煦輪囷隨風歛鬣九臯之曲虞蓼都良
芳若萸荆靡蕪蒸草蒼蔚羅生苔錢離駁綴若
華星郁蒂蕊烈隰淵陂平外則峽沱湯漾淩瀟蒲

續斷蒼翠浥雲杳無圻畔至若白沙如龍碧磯
如馬黠屈蜿蜒在波之下水鳥駕鶩瀉鷓鷯鷓
鷓鷯鷓鷯搏流飛灑弄景泮陽延鳴鉅野蓋將
指瀚海以為池望廣原而解羽也殆夫莫秋沈
寥霜洞溪清槎江晚兮雲葉淨螺湖夜兮月華
明坐盤石調紫笙吸鳳曲舞潛鯨猿啼北華霍
唳西平鳧客流思鮫人吞殼少焉蕭瑟風駛水
涌漶潏磅礴澗濟麟觸萬籟俱動仿佯慌慙令
人心恐是誠龍盤於冥陬蛭蛭乎煙隴爰有東

郭谿工之倫貌沛天虛靈含素真扶筇被羽嬉
遊絳津垂竿魴鱖加弋鴻雁腫鼈淪脾孺鷓鷯
膳斟雉芳羹彫胡碧粲蔗漿縹清玉醴紺淡集
讌於昭霞之宮披酣於苑風之圃浩唱乎倚天
之臺張臯於洞庭之澣乃左覽清極右睨范林
初石封嶼翕葉藏珍超然神往永此抽簪將遺
珠於丹水遂埋劍於崑崙豈徒逐二女於湘浦
抑將窺禹化乎海濱於是江妃感焉見於碧渚
凌波媿笑逍遙容與冰煙冰霞若雲若雨奇色

麗質瑰偉曠世順激風以翱翔向江皋而解珮
為之謠曰白玉鏤盤瓊為漿飲啄沅水靈駕鸞
冰夷賡歌曰蓬萊欲渡海水深麻姑千載絕華
音雲濱父報歌曰協儂霧兮遊汗漫日將杪兮
倚增嘆駕予舸兮凌赤岬胥鳳德兮垂素翰

送虛賦

姜次渠鄭之良規貳為要路所忌徵人部士民
傷之因有斯賦詞曰

丙辰莫春壯游鄴都趨反隩履平蕪羊腸走險

鹿角通澗蕩陰開其南邯鄲掎其北左引衡漳
之浦右據太行之塞誠京邑之藩屏霸王之區
域於是鴻風昌慶雲蔚大人起神龍會決閭闔
兮叙長雲瀾四海兮歷河瀆朝韓陵兮俯洹野
戢曹甲兮紹前聞若迺承流三輔翊哉王室目
牛無全害馬迸跡春秋郊行生物蕃息士女謳
歌鳥翬翔舞式乎四國爾其優游暇豫退食在
公瓦雀行案山鳥下聽青苔繞戶綠樹垂榮窺
明月兮虛堂仰浮雲兮太空佐卧治於淮陽資

芳猷乎廣平誠希世之哲匠乃邁古之化工爾
迺梁父鬱興二塗並起靜無寧波動即覆軌蒼
蠅鳴白黑溷市虎張真偽眩巾征車之闐々兮
去東陽之舊疆歷鸕鷀之荒陂兮越爛石之崦
岡虎澗罷嘯龍山茂光瑤草就歇玉畹橫傷風
淒其而啓塗雲翥鬱而飄揚玄猿綠狎睢洩鞞
踏排林蹶石羣呼狂驤於是賓北門張祖宴諸
侯來方岳餞征馬鳴雲旗亂茄鼓兢起金石交
作絲簧迭奏細緼僚悵圍軋護護發言為酸

衣為喟左右淚落莫敢仰視豺狼嗥兮路垂鴟
梟鳴兮林間欲往返兮不可將獨處兮懷愆爾
乃君門萬里一視無際天閣攬人闐噫鼎鼐虎
豹環繞鉤蛇傷衛自冰飛仙捷徑而介入又孰
能柳紫宮而謁上帝於是燕國大夫退而嘆曰
僕本澹人游心大空涇渭潭漚出入濛鴻等天
地兮山川猶毛髮兮在躬我無物而不得物無
我而弗通總唐許於瞬息齊茵桂於一終乃令
神遊於太玄遂吾虛於無窮為之亂曰若有人

兮棄紫煙入大化兮超躋筌佩冠劍兮上下昭
日月兮回沿何蚊睫之少虞又奚之為吾莽焉

廣和隱賦

碣石隗索兮築桂宮隱磻磯兮遶雕墉明月
瑤琨兮充陸離犀象躡視兮瑱文輝長裾結劍
兮曳雲霓刻燭遊戲兮尚夜來孔旂兮翠羽撞
琴鍾兮抱鼓廣額兮繡褱駢進舞兮說豈色氤
氲兮曷昧送琬液兮瑤觴君胡為兮山間踞盤
石兮飲泉空谷兮無人羗蔽霄兮蔚翳香瞑繆

兮瑟兮鬱岨吻兮精懂々兮神罔壹兮深林險
阻兮甯豹往來鬼太息兮君焉處此甘蠹蝕兮
鬱岨嶂壘兀礚礚礚叢萑輒弟隨風婀娜蘿薜
網墜兮紛々魑魍怒嘯兮愁人綠羆兮玄狔攀
援長驚兮邈不可親君何為兮不歸徒竚想兮
浮雲重曰王孫逝兮碧草幽明月嶼兮珊瑚洲
搴朝霞兮不可見窮四海兮焉求翼神龍兮未
過鳴鳳凰兮庭柯桂樹兮又何為兮淹留聊出
隱兮與堯舜而賡歌

龍池賦并序

魏罷少方伯太原王公雅好龍池竊考括地志
圖稱龍池山四方隆表窪中多水有龍出入食
五花樹公以此自况其玄德獨尚良可知已然
負瑤琰之器者必屬遏雲之響柎叨居南鄙濡
公德化苟非闡之以辭後將何玩焉於是聊著
斯賦以暢公美其詞曰

黃帝莽漢之野龍池之山彌襟帶而沓籓兮左
禺隤右崑崙北繞三桑赤澤南馳九疑緡源鴻

紛未歇蟹溇沸鬱玄津在焉若夫論其為狀也
究其多怪也爾其區域也則雄嶽磅礪方七百
里增嶺嶭嶂屹岷岷以翔陸蔽虛連峰負關滔
日隱輝藏精畜洩熠虹飲雲木馳嘯月鬼神恍
惚若存若沒乃有碧樹抽烟錦草結綬五花爛
煬九芝並秀瀑轟以紉放乎川藪鳳鳥之所嘯
歌神獸之所遊遨於茲託處者什殊八尤焉於
是泰洪擘其厓康回絕其紘天吳貢其波江喬
湧其靈神濤泣溱翠浪連濼疊如紋羅澹若空

龍池賦

青澗瀆波湲淵還激泓挾輕颺以長逝折穹碧
而延觸矯駭天之羣龍脩决雲之霍鵠少鳥安
翔寂寥徐迴如解軍裝泣、渾、澗、灑、乎、砥、礪
若迺水藻披紛於陰崖石髮梢鬚於陽渚綠蘋
承流以委猗紫波隨月而容與莫不呈華露色
或浮或沉鬚鬚江浦至有紫紺珠蚌頰螢文鮫
鱗鱗魚鯉噉嚼冰滑優游澄深儵注忽來逮夫
朱義既明精淫上漢散為朝霞靡離爛煥圖靈
學僂翔麟狀、鴈變化嶮崎測之無畔故其神映

遠田潤建木之東葉影扶桑之西枝飲夸父於
浚澁浴昆吾於前涯嗟太浪兮黃鵠散驚華林
兮連蕊稀愁積草兮珊瑚晚吊疏圍兮明月低
爾其層渾之淵洞冥之府有蜿若龍柳、候、
赤帶翠鱗鏤髯豐輔搖藻繪文章采、
璘、璣、鵠、奕、外、朗、青、熒、內、兮、鱣、鯢、輝、瓊、連、蝸、蚌、
不可盡論若夫騰池表溘清埃馮太虛驅轟雷
霖四野徧九垓貫影河津掣電海嶠煙煜灼爆
沌混郊照遠而視之似神女遊朝陽迫而察之

卷之三
三

如若華流景光蔚兮銜燭耀鍾山之野隳兮
黎涌夏后之堂於是豐隆警轡虹蜺衛趨蜚廉
清驛列缺候塗兩師舉水族戾神輪挂虎蛟嘒
玉珧沉鈎虵械雷電殞蠱雕鏃授軒轅之符構
女媧之精效有虞之璽負神禹之艦豈乏躍劍
於延平委杖乎葛陂雖飛聲於僊館終見誚於
龍池也迺感穆天子之事起而賦臯池之歌
曰軼八駿兮黃竹西奏廣臯兮臨玄池水粼
兮失龍璫誠荒淫兮何所為又續而為飛龍之

謠謠曰濯滄海兮欵翠翰錯金碧兮絕紅蘭游
淶池兮戲層巖乘九五之嘉運吐赤文於瑤壇
佐哲夔以典臯為聖后之納言君宣批徑天之
逆鱗願燦耀於瓊編

夢洲賦

趙王遣使幣聘盧柟注就見之王命坐諸客上
曰慕爾小國屈先生以言竊聞先生存邀大器
薦紳之士注構先生賦有之乎對曰然有之
王曰奚賦耶柟曰鄙人質朴蒙侍君子於羅大

公為雲濱賦王別駕龍池賦董封君邃養賦李
麗伯滄溟賦張戶部壚山賦陸大人作夢洲賦
既成大夫極有所稱賞而王未見焉王曰可得
聞乎曰歲重亢赤奮若之夕中州大夫晞嵩喜
俯河陰坐述玄之堂感牛女之故精神恍惚如
將飄舉青揚微婉黃氣四湊乍若有喜不可究
據少焉就寢夢見二客造焉褒衣偉冠紫目貝
齒進退尺度貌甚閑雅翦刈藉草坐棗樹下履
素手弄瑤芳藥饒碧飲寒漿極妙思樂無方爾

迺乘鳴鶴之舟遊赤岸之浦超凌虛之樓翹飛
雲之檣髣髴杳冥若幽神怪修容長髮見一道
士迺予升堂體貌備至言笑甚驩殆味平生詢
之氏姓疆曰伯靈舍舟而途槩三百步石壁巨
閣輝搖光燭扁稱瀛洲寔多仙駕爾其為勢也
擬其為大也磅礴鞞鞞砥研千仞嶽列峽嶺皆
施遷倚緼隆豐崇岫巖嶽負遠而視之渾人焉
胚之焉盪之焉沾巖之焉崇岳之焉煙溫涿頰
浮乎漢表迫而察之峽峽離纏反在水底蓬萊

峙其左方文峭其右員塢陸乎水涯方壺靈而不收其陽則朱羲清華盛夏凱鳥其陰則玄靈溫風隆冬煥鳥是以山峪魍魎之所水府龜鼈之磧夏后方貢之糸專大章神慶之尚沫爰有瓊璣赤瑕藍田江珠琪珣琅玕之寶綠碧瓊璣蔭乎玄濤草則石蘭木芝荃蒨江蘺蒲荷葭蕩鷲綬綠沙木則楨木若華栲櫨豫樟梓神音梭櫚沙棠扶疎櫛椈被乎西東於是珍異之禽神怪之畧則有鳳凰鸞鷲鸚鵡明鸕鷀鷓鴣箭鷓鷩

飛鳴翱翔戶豹咆黃龍驚麋麇群蛙獾頤其水濱則有獺獺水豹蛟蛇石鱗龜鼉蜺麤魷魚鱗鯉莫不噍喁淫溶哂嘵菱藕閼汜幼靡或左或右於是徑掛猿之岩涉通靈之澗踈文石之橋謁玉虛之府長髯舉方師會命童子設饌具乃有苦醢之羹勺藥之醬滌蒜肥脂九醞鬱咤炮鼈寒蟪燠雞酸雉山麇豨豹之胎水韋鱗鱸之腴腥菜錯異豐融苾饜干態萬殊凡所以滋神晷養血肓者充乎四隅乃使師沕鄒子之徒截

孤竹制鳳尾控素頸流纖指吸朱唇離皓齒玉
器散龍吟起激清商靡流徵泣娶婦慕放子開
九陰除積匯大音未希列絃舊調拍挽逸響小
大互比武毅揚比音滯蜚廉馳泰一嘒聲盤姍
以隱約執迅突而爭鍛嘆壯士之不返信猛厲
之可喝招屈原於江潭起隋武於湮隧雖抗慨
而莫覲其人徒心神為之搖旆忽東方之旣白
覺精鬼之未沫一歎而晤華之載記趙王曰善
賜之絹百疋王二鼓文馬一乘盧柎携之歸

上

九騷并序

九騷者潛人盧柎之所作也柎襁誣抵法逮
繫詔獄十年餘上官考驗率避嫌弗肯原庚
戌平湖陸公宰邑治政廉明為法不苛察其
寬平反之今年秋以不事權乃遷南京祠部
主事柎痛失所天不勝其悲哭別離之思於
是作九騷以摠其志云

嗟夫山川之鬱瑛也徧秀芳揭日月而載充稿

節兮若出浮雲凌厲橫處兮起未央發軔兮聊
將與行決轡兮徑度乎紫宮翱翔容與兮園視
之無垠踰踰攘袂兮抉蟻而輔新釀化兮士女
要頰而流誦聲歎逝兮物愛之不可懲悃愾兮
而私自淪雉漸々以飛維兮蟬噫々而搖鳴鷺
翻々以窺窠兮蟋蟀哀響於戶庭悼犬馬之餘
齒兮荷君子之明馨仰消渙之無報兮徒嘔裂
乎血衷獨竭思而忘寢兮若羈旅之無雉隣望
南雲以慨嘆兮心搖々於旆旌

右一

痛世之熾嶮以詭製兮倂微纏而枉度謂驥裏
之奇驟兮戰羈之使遵此陋路夫驟裏諒不有
於羊腸兮鞞馬騶以復驚嘒造父之不若是兮
或今之人善御黃鵠一息千里兮夫豈爭食於
鷓鴣聊濯羽於枉渚兮終翻々以遠去碩黍醜
之捷巧兮視神物如犬羊儵奮雷失所處兮悵
牙立而催躑苟大人非可乘兮胡為是之渙泥
臨池水以凝睇兮又何軫此軒冕吾奉堯舜以

為君兮忽不知其嚙嗟表獨行之耿介兮歷九
折而不及伊擎負鼎以康后兮甯戚飯牛而商
歌儻斯民之翼喬兮聊折節以委蛇驪裹逝兮
玄闈黃鵠翔兮紫氛觀者浩歎兮如煙跼馬睠
顧兮河瀕夫神龍幽蚪以行天兮非儵蟪之匹
倫固將視之澤此而后土兮終迅往符吾所云思
江海以為竭兮涕淋浪而橫集願附君之車塵
兮身窘束其未得俟結草以抒忠兮何枯骨之
足惜恐年歲之超智兮旅糞壤而無益

右二

吳艤發沃兮懼翠翰秋風嫋兮吹河干鴻雁

嘹唳兮絕羣難徘徊翔視兮血汎瀾涉蘅皋兮

辭遠客魂荒兮將焉薄捐珮兮洎許結長想

兮江之嶼顛畱斯須兮惠我語君不顧我兮苦

復苦遽羽逝兮沒長雲望不見兮涕橫紛攬滄

颺兮不可襲立沆漭兮長太息超旣邈兮中莫

血精搖兮增惶惑落日恐兮絕響歸來兮申

三昧之未極

竊獨感此鳳凰色彩之九章兮揭重冥而離
 覽冀州之有無兮舞德輝而下之顧斤鷄之
 笑兮彼亦奚知夫鳳凰之所嘗將無量於
 殺詬兮森振羽而高翔心隱憐之惋愴兮
 固無俟於君子之見明特滑鬱而絨處兮
 中憇惘而無傍余陟岵以望君兮君之行
 已云邁眊白雲之髣髴兮儵幻擾於江
 介山嶺岼以橫厲兮水深淼而縈帶羗
 神徃而形留兮極勞心於天外諒覆

盆之曠蕩兮繫日月之大明
 蒼垂照之無已兮永萬恩於夏蟲

關白門以周覽兮迨秋氣之潢洋
 悲梧楸之委約兮葉菸邑而有霜
 撤朱夏之恢蕩兮然惴悵而不平
 六龍杳不可頓兮王喬遠又奚足
 與存日曉獵以下春兮月載魄而
 上營歲崢嶸以不處兮老舟而相
 循奉不肖之賤軀兮曆四十年而
 有七載功名之不建兮幾隨身於
 鬼魅枉浮

生於斯世兮終佯狂以自適繹大命之所由兮
託深衷於罔極擘清醴以寄悃兮飛廉誑而莫
將因贈言於黃鵠兮喟余又不能高翔羗媒絕
而路遠兮志經鬱而弗彰立蒼莽以竚望兮後
結想於微茫顛假跡於楓葉兮流洞庭之煙渚
常宛轉於舟楫兮得見君之容與寒儻佃而弗
進兮張疾心而齟齬

右五

繫余幼感慨而好嘆兮矧他離之多故款賓廷

之動俗兮懷征人之徃路日淹暮兮風颼颼吾
登長隰以騁望兮君始沛乎方舟貽貝璐兮掬
明月吾與君期遊兮江之沙思溟濘兮旅櫓瑤
吾欲自遂而趨佳兮徑絕欲寬頸而愁處兮無
鄰然中道而瞽瞍兮忽不知其所泛羗疾心而
反視兮歷肝腋而抽誦顧愚款之難變兮信常
揣乎丰顛竊仰北郭騷之抗行兮盡一飯之奇
郭媿駕蹇之弗違兮恐斯名之未紹夫梁父之
非所棄兮東海余莫能蹈馮鬢邑其害已兮乃

相衷而自幼食草澁以為飽兮御毛褐以為溫
朝臨礦於清流兮夜託宿於孟門遵市南之先
執弓揖伯夷之清芬將要之以沒齒兮奉君子
之玉音愁靈之而無端兮思嬋媛而不解魂髣
髴於江漢兮願朝宗而赴海

右六

慨羨一人兮豎遠遊翱翔凌厲兮臨河洲四棹
碗暎兮心夷猶鞅足無暇兮若失好仇沙棠舟
兮青雲帳朝黎陽兮暮淮漢決層冥兮送蜚塵

蹇誰慕兮疾如霰黃余背兮山之左雲英兮
而來下瞭千眠兮塞原野挑飄颻兮君奚舍采
芳杜兮礪石林霜雪兮雪紛兮婉孌憚兮倚
莫贈君懷我兮思不任滄波之臣兮渺煙檝媵
魚龍兮食海月我思君兮阻天關虎豹咬兮熊
羆咆鶯鶯鵬鴉兮夜怒號風颭兮山木寒思
公子兮增離嘆

右七

偉終南之松檜兮挺直幹乎千尋託奇根於陵

嶽兮掩枝葉於玄津妙蕙華之競敷兮望風雨
而先零君獨服此勁質兮諒冰衆芳之所羣奮
薦喏於槃護兮願當君之夏屋頤杓鑿之橫施
兮乃終惟此怨讟心閔々之隱軫兮哀斯世之
蹇齟指南土以翩翾兮汨滋邁乎芳躅託鳳鳥
之先容兮藉鷦明為浚乘謁重華之離宮兮奏
雲門舞六經鄭聲曼靡離遠去兮麤穢除而虛
清憲衷嫺儀以沕宓兮夔龍軒翥而並迎夫賢
臣作忠固無遠近兮量自信其所長堅白支離

吾弗與辯兮雖頷頷其何傷竊余離慙以永思
兮俟一見之何時痛江河之愈下兮恐青雲之
後期登宛丘以望君兮君之門萬里沂江潭以
直上兮零余又畏乎龍鯉仰浮雲之互逾兮杳
鴻雁之難攀心佢佃以怛恹兮積遙夜而永歎

右八

皇天之不逞於一物兮褫余魄使有行乘熾燠
以集憇兮被倨傲之頑名苟視履之無憇度兮
身焉取此純纒唯神理之降罰兮假豎奴兮用

殛銜窓鬱於夏臺兮欲一鳴之匪得惜既往之
莫咎兮想將來吾不可測迤馮々而無終兮怡
懽々而因極紆慌恸以孔點兮精煙々而速襲
揆堯禹以為像兮揖仲熊與為伍余孜孜日夜
以呻誦兮尚欲奮聲於天下然傷惶而絕術兮
衆噂喑而認予歲困敦之罹綱兮至今十四年
而始原微大人之鯁介兮余又焉能使常存吞
犬馬之無恙兮歡既至而沾巾慟嗟嘔之曷已
兮信感泣乎路人昔越石之當華兮晏子聞而

解之苟鮑跡之少忍兮仲孰與乎宥之感國士
之奇遇兮彌千載而仰之思鬱悠之甚暢兮判
淹離而晟之送佳人之媵々兮擁千騎之嘽々
載雲旗之旒々兮疊鉦鼓之驚々左蒼龍之婉
婉兮右白虎之奕々屬雷師之轟々兮御豐露
之翾々飭帝江使混々兮戒陽侯之貅々叱龜
鼉以為梁兮靜蛟涎之泗々二女飄々而來翼
兮馮夷僂僂於滄洲兮江水無波兮檉九河使
安流渺長浮之瀨澹兮還期君之舊鄉嘆處昔

之莫從兮徒億心之惶々冀不忘茲厚德兮將
坐見於羹牆忽乎君之高蹈兮顯光烈於虞唐

右九

蟻塚集卷之三終

錢蒙集卷之四



黎陽盧 柎次楸著
同邑孟華平明瑞校
長清張其忠伯蓋梓

詩

懲咎詩并啓一首上大名張太守鄧西吳

吏部少槐杰 翰林東崗

柎頓首啓拘幽五歲二靈未墜兩稚繼死宗祧
有對食之憂日夜悲號煩懣經鬱播為不仁啓

偏枯之漸蓋志塞則神瞽氣秘則形緩可以宣
蘇神氣滌蕩邪穢遭遁世而無悶者取要虜音
聲焉是故言之不足則發之以詠嘆詠嘆之不
足則殫之以詩賦然楚恭寤言隆以美謚子服
補過濟為上大夫古之君子過如日月之食更
也人皆仰之詩賦之作宜莫近於自訟也已鄉
昔柟引見御史臺時諸公神明察柟寃誣力挽
之不出夫並物茂育者天地之化也燭微垂光
者日月之明也矜愚兼養者慈父之仁也潤物

無跡者元老之器也聖澤汪濊時雨灌沃枯槁
之民蒙被滋潤勵結草之思懷刻骨之銘晝夜
寢食一夕匪懈第以天網難於頻解人心可以
道固沉緬垢頽退思臯戾跣足嶮嶇游志坦夷
文之禮樂以從事虜春秋大改過之訓望風承
顏馳精羽麾傾聽鐘鼓刀鋸之警歛若遺失作
懲咎詩一首走獻下里淫哇無足採擇祗據下
情云爾柟不勝悚懼頓首頓首其詩曰

於皇 明祖曆數在躬龍翔淮甸鳳跼金陵

哲后繼啓寔為太宗滌宇沙漠定鼎北平
鳥肇跡篤生我皇文思欽明武烈威揚九壤
流化八葉載光越商軼周方軌於唐赫々明聖
臨下土閱茲藩魏在漳之滸政狎民逸不克時
叙咨汝宰臣孰寧予處天官曰都張公臣隣懿
思淵塞邁德種勳三揖緇衣五馬白昏錫汝淮
陽以優王賓曰若李公維帝喉舌逆鱗補袞持
稷糾契執憲匪回萬夫之特投章出郊藩此南
國曰維吳公環拱紫微縣衡泰垣曳履龍墀三

台中於駭標天維懷玦之屏絕景超輝象服有
韓式讌嘉會劔履雲行徽章霧麗丹霞扶軒流
飈承珮相協天人調和鼎鬲振舉顏綱綜登群
紀肅肅公徒綏綏俊士有懷克綏無頗不岐神
人胥悅黃耆稱美繫余小子髫髻載年園彼橋
門執經陳虔虞磬玉鬯琴瑟洞絃官師傲甚我
彌我愆嗟余小子般樂肆射禽色交荒曾匪日
夜日居月諸忽焉代謝長老有言固而弗化履
霜堅冰積雪維霰福始禍基致毀匪慢滅獲跋

卷之四
三
扈鑿牛之漸駕言鉏挺搆茲竒怨誰其為梗職
此屬階行人牽牛邑人之菑匪曰狡狂孰為斯
媒沉思窳圍遐不愴懷蹇蹇王臣侯來於京雲
馳四表雷動八紘霜飛天鉞秋冠烈纓如追放
豚寘余典刑群公穹燭察我寃隱灑以甘露潤
此槁軫爍燖燎原撲滅可近三宥弗張六極迭
敲犴狴勿密纏牽永殛卧無曲肱行有顛踣日
星安施違此昏墨維繼之儼與余偃息大夜何
長佇視虛照魑魅傲僣既顛亦笑招之不来迤

運入廟非予作孽斯烏耶造瞻彼衛澳有蘋有
蘩祁祁士女大珮瓊璫以嬉以游俯仰如神豈
不爾懷畏此棘垣麋鹿榛榛虎豹徑徑蹠走曠
野齧肉茹靡夫我無食不如爾怡歆往同群騶
虞在達伊禽之介黃鵠其羽千里一息不違寧
處蕩蕩玄霄儔克與伍有泚厚頽莫不能舉噫
嗚鴻鴈啞喋江湘弋人何慕實汝瑤觴汝之匪
覲亦自云已罪豈補盧俾我悲傷何我人斯不
如獄草晨光朝晞零露夜灑草之油々孤秀斯

寶嗟予小子胡不自好嚴父辭堂慈母去闔二
靈並暴風雨中摧圜幽五稔誰掩葛藟心督慘
傷髮膚當垂兩雅失怙咨命不永厥緒斬孽誰
繼余繞馬牛風埏牧監登隴萬歲千秋涕下如
綆妻孥牽裙將柰若何我有嚴刑遑恤其他生
當來歸死當長嗟茲其余辜怨豈在遐謬三公
奕世夔龍投分紹運駢翊帝衷力侔造化志與
神通何惜覆盆照此微躬蠢爾黠虜窺我華闕
願投有昇親冒矢石搴旗瀚海奮劔沙磧雷鼓

鴈門雷掃張掖指軀國難解頤龍鱗血化為碧
膏塗缺斤薄劣既弛少謝陶鈞死雖一轍肝膽
殊分天未悔禍憂心煩勞懷賢如渴德音式昭夢
寐赤鳥仰止嵩高王澤弗竭鑿我詩髦

雜興五首

輕車載脂良馬且閒于盤于游之覽山川綠蘿
高林鳥鳴關之神逸志悅踞石飲泉劃然長嘯
鳴谷振烟青雲何意翱翔我前欲擊以登倏然
上天整巾頓纓薄暮言還

魏之蒼山湯之洪河鳥集于林魚游于波飛潛
攸揚物謂爾何遵彼修陵顧景高歌手弄賜照
神渝天和日月迅邁胡為蹉跎
採之石琴薄言江汜婉義者誰中州之士日金
有成惠若桃李遺我九垓倏忽千里澹然遐思
俱茲流駛

月生蘭園雲流華軒微風扇閨曲池有瀾昔酒
既清嘉散且瞻爰銜琴瑟一鼓再彈申此微音
懷我所歡永言莫晤云何吁嘆

五言古詩

家隱五首

仙槎隔溟渤天漢嗟無梁桂樹含丹葩瑶草吸
平芳我生無門翰翮飛不能翔攬衣步霄月撫
劍臨秋霜欲問嚴君平此事何渺茫
伯陽柱下史曷倩金馬門大隱在朝市何勞避

世喧和璧與隋珠，慢藏盜斯存。投售一失所，按劍足已指。徒為側丹心，悲來胡能言。

鳳鳴千仞岡，苞綵麗天雲。高士有竒姿，光華揚紫氛。蘭蕙樹百畹，琅玕植千尋。託跡在巖阿，悲嘯有餘音。歌終忽不見，杖策為郢林。

逸翮奮霄漢，高步躡天關。寒衣在樹塗，長風吹海瀾。瓊樹繫游鑣，瑤華代朝餐。恣情戲靈景，靜嘯皆鳴鳶。浮世信洧濁，烏能濡余翰。

幽人何髮鬢，乘化游丹谿。雲裾佩瓊璫，夜鼓驅蒼螭。探弄綠蘿煙，蹠蹠趾紫霞。輝薄言佇山，樹際齒修羽。儀高舉謝塵，寰長揖荅夷齊。

雜詩七首

迴陰翳朝日，薄寒屆仄微。霜綠池潛游，鱗飛鳥歸林。朔北風吹蕙，帷馨香發我堂攬。衣下塔除履，履獨徬徨。豈無芳草思，欲寄愁春陽。夏來人莫知，悲憤結衷腸。山韞玉，含輝川沉珠。媚光所願，崇明德，別離何足傷。

皎皎明月光，照見東大樓。天風吹綺疏，樞軒一

何幽上有憂思婦顏顏懷良儔中夜鬱長嘆悲
嘯含清秋借問怨阿誰不語彈箏篴清商激中
曲音響何淒湫大絃回陽春小絃咽泉流精誠
逾金石烈思揚清謳蟋蟀鳴金閨霜霰披梧楸
日月迅推轂鉛華安久留願為梁間塵隨風入
君憐

丘中有隱士枯槁不可識渴飲潁川流饑餐首
陽栢辟荔為衣裳蘭湯沐芳憤靡靡戲左右獲
狄相牽媒朝引洪崖公暮延浮丘伯揚袂涉中

州落英蕩桂檝我願從之游飄忽眇無跡佇望
立澧浦颺風起我側攬轡回故鄉白日忽西匿

感彼空冥鴻翻飛振六翮

谿谷饒冰霜幽澤多芳艸朝煙滋綠輝夕露發
青藻芬香披原塗弱葉亦俊好佳人殊未來繁
華易枯槁悲哉君子心綿綿在遠道歲寒身松
栢可以喻終老

高樓有佳婦窈窕青雲端左蔭綠桂枝右紉芳
澤蘭臨流戲珠浦拾翠游芝田蛾眉衆所妬時

錦囊集 卷之四
俗尚無鹽捐棄蓬蒿中誰來希令顏徘徊歲云
暮拂衣聊長嘆

驅車秦山阿梁父何崔嵬狹路阻且難車輪不
能回磊落百丈巖空冥千仞谿悲風從中來樹
木鬱森竒鳴鴉號我前能巖舐路垂四顧絕人
煙零露沾裳衣遠行多軼軻傷哉心獨違四思
駕方舟川廣帆檣危徘徊在中途執鞭思沈迷
僕夫疲以痛我馬復虺隤日暮隴阪長行行將
安歸始知阮步兵痛哭各有為

征夫嚴風駕負羽即長衢天山白霧滿瀚海愁
雲紆日暮向何處疆藩為我虞前年雲中塞三
帥血漉滿胡騎從北來鳴笳聞於旂今年遼陽
騫干城為獷狙桀騫我皇使髮奴縶長組險阻
掣重關氣蓋連東夷欲揮天馬槌指顧之邊陲
惜無晨風翼阻此風雲期奮身臨飛觀遐規還
四區長城衰萬里上與浮歎齋耳虛聽刁斗目
竭迴旌旗安得楚雄劍揚鐔震天威塞門背捲
甲沙郡面渠魁緝安西鄙民扶持四海危掃清

黃池塵放馬華山歸喪元在溝壑馬革裹屍回

贈盧潭城二首

六龍椎駘輪四運無停軌日春薄虞淵月朏昇
玉壘飛瑩流雕甍微禽變玄海寒露被陵苕繁
霜瘁江蒲缺隙馳白駒人命易頽改赤松既渺
茫安期亦誕晦苟非青雲身焉能施後代鳳鳴
振綺輝龍飛薄霧靄步趾須芳林揚聲欲珍彩
豈維工雕蟲立心貴鼎鼐君懷璠璣姿輝光茂
真宰昂我勤令圖雲衢會相待

涼風越秋海吹我東階樹柔條歇芳輝容葉
豐露玉殿鑿疑霜金閨疊紈素念于居無衣薄
寒隱天霧芰荷凌晨宵雨雪恨遲暮嚴黍沐晚
澤青松挺陰沍尚父釣河濱甯戚飯牛寤天造
時康屯雄嶽霽霖雨貞觀詩書場母為悲世
我希吳延陵寶劍非所顧啟義篤情親千里共
奇步

奉和王大伾侍御賦雞冠花有命輒和一言
東方有神鳥高棲紫霞山赤雲生羽儀列缺飛

雙翰據身蟠桃枝長鳴開天闕青都閃玉樞白
日照幽玄帝怒振威譴摧落頭上冠墮地餘仙
姿化為百花觀繁曲何逶迤茂彩亦螭蛇峭葉
滋碧輝墨粟含珠丹軒叢若揚音壓樸迅德潤
窮寔信幽遐翩翩誠足謹歲暮歷凜秋霜華浣
其顏愧與卉草伍豈惟松柏堅金谷乞嘉靈梅
庭薦高賢左右娛樂意圖書生清妍無為長毛
簪飛去終難攀

贈道士

雲靜玉虛敞霞明金闕深鬱羅樓祥煙中有長
生人饑餐瓊玉英渴飲華池津不笑亦不言綽
約含天真為問此阿誰渾沌即與隣元始覲幽
光鴻蒙捐清氛瞑坐合運會揚眉倏千春寄言
下世士尋茲入無垠

太子洗馬童公內方扈蹕謁陵有命輒作

春日曜陽景榮華何郁々崢嶸繁卉菲葳蕤紫

微簇禁光信清遐蘭棹親直宿我君感雨露禮

薦信非瀆龍章翔玉璽鳳儀戒黃屋流雲滿靈

發

旂焱風夾飛轂鳴鑾坐春渚迴旌陟山麓白日
麗蘭皋晨光清滙澳極目眺神京祥煙紛四臺
皇心亦陽澤

聖孝

七陵崇秀毓人神愜歡情海嶽拱清穆

燁重光薰蒸浹九服豈云藐姑射盤游餌蓋而
微臣諒薄劣揄揚慙尺牘願陳駕馬姿清感侍
坤軸

孟龍川許送芸香不至走索兼以詩寄

管鮑古名士聲譽何輝燭夙期貴相親感激良
有託我亦慷慨人卜居恥離索岵嶺望龍川颯
沓煙霧廓之子住翠微影響見灼灼作賦凌清
霄愛飲臨大壑翕張龍鳳姿偃仰猿獠矍東園
吟嘯壘幌如青天落憑覽望八極寰宇真空擴
仰矜明玉霞俯拾金光藥調嘯宛孫登清風振
山閣攬懷腐草質潛身在菘藿深夜撫長劍以
海環其鐔安得說楚王一揮萬人爍功成長揖
去與君尋滇漠冥坐焚芸香高名辭衛霍回看

九關門湫隘如大索勗哉重然喏毋與世相攬
王大伾草堂五首并序

嘉靖己亥歲王大伾侍御築城南草堂成朱
明既麗時雨方歇兩山擁翠雙岫迴繞高臺
騰吹以承雲木客唱舞而赴節賓客樽坐羅
衣從風非有琦瓌之詞曷申厥美因著詩五
章

三五已淪替霸王氣不全末流信頽奔至道中
復難賢哲叅時中奮志摩羽翰棲身柱下史

興擬周眇道遠身即殉棄世復來旋

來旋自廣庭希世濯塵纓草玄合太始茗飲通
神靈物化在握紀周章游無窮漢儀委蕝草魏
闕寄鴻真心閒理自得志澹物俱輕

物輕亦徜徉塵廓非我鄉誅茅遠城市結廬近
山陽前沼含雲澤後臺凌穹蒼萋、礪谿草春
秋生輝光日暮會佳賓嘉樂陳中堂

中堂嘉樂陳紛華羅錦茵巴僮儼清徵越女流
商音一奏驚回颺再奏生陽春中人莫云悟歌

者徒勞心所以重考槃永懷嘉樹林

嘉樹清且圓蔭彼城南田層枝棲孤鳳奕葉鳴
寒蟬幽人懷澹泊日夕獨盤桓桃李雖容艷早
落春風前何如主人樹茂育長千年

繫獄敬呈王大伾侍御李復齋工部丈六

十韻

乾坤日羴羶蚩尤薄雲際哲后振淮海應期拯
頽世金陵王氣鍾石頭雲影麗風收效威靈夔
龍掃氛翳奕葉三百年皇風紹帝系天子坐明

堂南面稱王制冕旒垂天光玉劔通霄霽太微
廓織塵萬里見毛毳元默籍儒術恢紘資聖獻
宣室訪鬼神茂陵求俊藝大伾起伏龍南溟恣
淋漓行空作霖雨少答聖明惠辰趨紫微桓暮
拽青雲履抗効無中閹糾彈懾戚第上方斬馬
劍入目決雙背清戎大梁郊按轡于越汭律身
一鷲鳥霄漢獨凌厲迴登黃鶴樓笑謁蒼梧帝
赫々江湖間高風捷虹霓東家李北海個儻執
英袂仙官浮江湘芳聲播燕薊詔為滄水使寬

此漕會計䟽鑿九河空導流百川細三吳十萬
艘朝宗轉迢遞雍絳各一時泛舟同康濟至尊
假顏色徵入承明砌御屏䟽姓名金馬晚留憇
紫宸揚清氛飄飄借蘭蕙詭疑動明主懷玦各
長遊悵念平子詩頻流賈生涕懷沙一傷心採
蔽聊卒歲僕本澹蕩人林壑憐松桂嘯棲巖岫
間疾與煙霞誓仰窺雲漢章自覺衆星暗不羞
鄰女顰竊效西施媿招隱小山樹聞經泗水溢
侯巴顧何人太玄得深詣揚日覩青天白日忽

西閉山海東南傾風波無停勢曾參却殺人蒼
蠅點錦幣改服南冠囚越吟從逮繫淳于當嚴
刑緹縈杳難繼痛哭父母柩那憐兒女斃一門
如枯蓬超忽無根蒂寒予何述遭遭此鯨鯢噬
鸞鳳掩雲羅騏驥苦淹滯豈不思天衢誰能徹
悒菽發矢石飲羽揮戈日反焚精神苟不戒天
網終見貫用茲曠達心優游在塗泥閱書窮九
關灑墨橫岱嶠衡嶽疲夢想瀟湘見噴溟有時
仙人來攜我游荒裔倒景不可攀倏然墜煙墜

復爾清濁中詎能聞鶴唳慨彼魯連子調笑寡
儔儂能解聊城紛永鼓滄浪柁何辭涉中洲蹇
衣救淪替輾轉不得親徒為眈睥睨憂來復何
言書向南山筮

贈胡公入覲

天王大一統四海皆朝宗胡公躡仙飈籍政聞
九重鏘々青瑣墀蕭々雲從龍才力當代見儒
雅汲彌縫螭頭玉皇茶落花何濛溶近時三輔
賢獎擢此登庸願君勤明德早晚薦璧琮

贈故大同府節判魏張公祝入祠七十韻

魏博富才藪儲英斷幽顯金璞無留精虜豹澄
視眄文章兩漢際墨跡蒼頡篆多賢信足徵特
秀殊異誕張公真天人弱冠負婉孌鳳毛何翩翩
孤嘯絕峽嶂矯然雲空翮似共扶搖搏遠器詎
可識棲栖但蒼畎腹存五經笥身與六藝卷耕
孫禮猶尊毛公詩放竹樵李垂映春蕪穢屢推
榆庭草有餘姿園葵復開展李膺縣龍門侯巴
激繩勉有母老且貧負耒不憚緹北堂或寢憂

視食暇必法夜坐寧解衣晨興忘屏幪仲由晚
 升堂曾參力親勸豈不懷曠逸所愧斯道伴操
 觚赴風箬論議浮雲捲天地量毫末萬物皆覬
 龜揮霍斷鵠劍絡繹如瓊蕊九河一奔決筆力
 與深淺賈誼魁大庭却生逼眾選春雨濕荷衣
 秋風醉華宴領教即同州文旆辭玉輦凄其燕
 坐擅寂寞公堂鯨盤中長首霜衣上生苔蘚整
 飭文字宗手足成宿聯乙科連佳士芳聲捷銀
 匱銓曹籍哲行聖意親眷繼制可決宸衷御命

理東究淮南多賓客河間討墳典統中鴻寶書
 禮經得細聞其王似太宗英睿天潢演亂髮頃如蕭
 灑席步遺芳躑設醴延穆生駢羅出禁齋謹介
 控豪俠揮金潔筐篋王賜金字牌旌忠古所鮮
 為擢雲州判饋運百里轉甬道達交河軍聲赫
 桓彌落日單于營秋風胡馬現漠之黃沙噴
 蕭大旗蹇頗似蕭相賢關中息餘喘武宗踐
 祚初逆瑾恣驕蹇泰阿失金柄寶鼎竊玉鉉關
 奴事私謁日請太倉廩公氣時益振那避禍橫

胃按劍雄四視意欲鏝壘歎奸回沮顏色諒直
非顧遣董卓卒燃臍李斯嘆黃犬乾坤掃氛翳
社稷清沈酒解綬賦歸田衡門遠游軀王公枉
駕過俛視若蝮蛇驕驕宜垂耳鳶鶴易摧殄
沒漳水涯沉絕廟堂種鳳雛翔長雲玉樹落蕭
荒佳壻李光祿乘龍駕嫵婉後代乃賢豪森々
盡碧瑛道盛人難忘有司累交薦縣室列神靈
雕楹虛壇墀窈窕映丹青煒煌雜黝堦春秋
駿奔陟降立有觀玉貌維匪殊德音能戲門

墻歎分席飽聞弟子善夙期儻相親何必同笑
噴哀贈起北風遠懷淚若洗長吟薤露篇少謝
蒿里饑久稽尋陽囚號泣思徒跣伏枕纏湘拳
挺身畏戈戢江海苟不竭筆削太史編

酬謝逸人四溟五首并序

山東謝榛茂秦嘉靖中以能詩為趙王客居
鄴邸嘗游跡燕趙梁宋間與余相知辛丑歲
余坐誣繫濬獄則杳然莫知出處近有人自
宋中來傳四溟詩集讀之乃茂秦所為者中

二絕句矜予極寬擬之禰衡李白之倫夫禰
李詩賦縣日月被雖死斯文猶存於世若予
數跡既隱又懼重法有說如山誰肯為余傳
哉因作詩三首用荅其意若茂秦之得見與
否無容心焉

曹思美文翰歌詠鄴中詩北游七才子俱好相
如詞君隨鳧鴈圃應教鳳凰池聊拂清霞賞尉
茲瓊樹枝胡為泛滄海令我長相思

謝客恣霞想揮手絕人群朝思北燕里暮宿大

梁雲海月照舞席澄江瀉清瀆遠游憇靈境奇

節冠秋霞黃鵠思煙侶長鳴向夕曛

李白謫仙才禰衡賦鸚鵡絨愁投夜郎掩淚赴

黃祖殺身揚綺芬高名播千古天摧白龍鱗雲

斷黃鶴羽感此遠謝君沉吟望梁父

讀謝明濱明水寺詩慨然有契奉寄二首

謝公躡石壁捫蘿入紫氛逸興滿吳會健筆凌

千軍英風逸誰傳明濱千載群憇游明水作臭

比芝蘭分海樹建霞標鷺鷥浮江瀆恍然瀟湘

思掛此鄒魯雲我夢忽見之重襲若玄纁長路
阻會面作詩識前聞愧無雲錦字持此慰殷勤
吳門菽白馬皎如一匹練賢無萬里明馬能坐
相見君懷鳶鳳女羽毛何翩絢朝游丹水涯只
赴崑崙宴黃鵠遭雲羅戈人待珍膳三年不盡
鳴寬頸羞絛錠忽聞雲空音仰首矚流電翻飛
無長風結思緬州縣悠悠復何言長歌泪如霰
重贈李子理

麒麟出魯郊商鉏為不祥向非孔仲尼何異夫
與羊所以路傍人按劍嘿夜光近時青雲士豈
無魯連子氣節苟不申甘蹈東海死世人聞此
言棄之如敝屣投君勿復道北風吹易水
送華從化省謁還章丘兼呈東魯諸公二
首

華大如小阮開罇衛水東金鞭揮夜月玉袖並
春風偃仰青天笑歌吟芳桂叢持余湘水賦留
寄與群公

南山綠桂樹春來發絕枝葳蕤持滿袖千里寄

相思月落清泉浦
風吹沙麓支
晶爾加餐飯
徘徊別路岐

奉懷謝少谿侍御遷浙江憲副

洪海無凡鯉尺璧價連城
孤騫少谿子謁帝登承明
長劔倚窳踰步履蹋檣至今霄漢上浮雲掛高名何年辭魏闕
翩々獨南征五峰雄天壁三江接滄瀛
日夕兢秀綵紛輝迓霜旌
海嶠擬新作石門尋舊盟
戲弄浙江濤壯觀天地情
雖紆金紫貴常濯滄浪纓
遠宦兼隱逸而不塵

垢嬰聖代無遺豪
夔龍皆公卿
東山起安石
宣室延賈生
為茲江漢客
彈冠及時清
我身在羅網
想見昇天行
懷賢一嘯歌
明月落前楹

贈友人歸別墅

綠楊漫垂舞擺動春風情
吏役甘作苦瓜期
思田榮尋溪觀游鱗出谷聽流鶯
別有漆園客長歌懷友生

奉寄河東苟侍御小川三首

金陵驄馬發旌麾
遠石頭霜風推鯨鯢
明月漾

中流軼蕩六朝賢，
簸揚崔李舟。佳興滿吳雲，
輝光耿千秋。我昔聞此時，
交際增百憂。欲往一見之，
天路窮阻脩。瞻望邈不及，
涕泗長河流。孤鳳棲椅桐，
應龍游重淵。神物固有託，
變化胡能詮。為是討幽客，
解組歸山田。石徑掃行跡，
蘿衣拂紫煙。目送羅浮雲，
手揮龍門絃。道腴物固小，
閒居心悠然。茫茫下世士，
大笑奚足賢。

屈原傳宋玉子雲鑄侯巴哲人多啓迪講道臨
河涯至今江漢輝烟々凌朝霞風期託深恩千
載著名家媿非桃李姿焉能敷菁華俄然柳生
肘物化終歎斜何由重升堂大造裁淫哇

秋日寄上晁春陵內翰五首

扈聖陟秘閣，整轡游文林。
揚輝比密玉，許身偕兼金。
神風駭八維，靈雨潤四民。
濟々登龍客，闐闐灑耀朱。
輪承顏接玄談，浩氣如浮雲。
回視阡陌中，涸轍多凡鱗。
楊髻鼓泥滓，而與螻蟻隣。
不惜及雲霧，提攜入無垠。

白門涼氣發，蟋蟀鳴庭闈。
念此感物化，中心愴

已摧掩淚歸幽房含情當訴誰微風扇羅幄明月耀雲崖良辰亮在茲容華難久持佳人隔城闈永嘆徒爾為

嘉樹何鬱々南山桐與梓柯葉苟不強樵爨從茲始天道良苦艱甲第遺空壘棄置勿復道鉛淚徒瀾々一身當輶軻誰能慕鄉里毒痛結我腸願君察識此

瞻望大行嶺還視長河陰峻節何局促變化孰能尋大火流坤維繁霜霑衣襟澤積沉水湄松

蘿罷長林號獸走曠野鷓鴣嗷哀吟志士悲凜秋惋嘆傷明神矧茲鞠幽客懷惻固難任

夙昔游帝京雅志好絃歌師曠調清徵湘靈鼓雲和一唱再三嘆游魚躍雙波調高和彌寡返駕涉潭池還顧望五原殺氣鎖嵯峨我勢欲掃龍庭長驅出交河壯心忽不借白日空蹉跎歸來觸羅網傷哉可柰何

孟龍川自京師旋為余言秋部李滄溟聞
冤慨然有脫囚之志因作詩四首寄上

滄海何淼茫廓然含太清餘波漫九壤萬象已
崢嶸化機詎可測聊觀天地情乘風凌空言安
得越蓬瀛

太華長松樹顛顛伐為薪東風恨來過枝葉暗
知春女蘿拽碧帶玄鶴窺丹津危顏倚窮石猶
恐剝蒼鱗

綠驥驕龍媒嘶雲啞蒼昊誰令眼盪箱西上太
行道伯樂一見之脫鞅恐不早回頭語紫燕報
恩期瑶草

晨起坐嘯嘆永懷在簪纓託風將情素吹落鳳
凰城聞鶴感陸機顧影憐秘生願垂清鑑姿持
照萬古情

聞張鸞山侍御巡按甘肅比歲當還教以
此寄上

漢葉奕千載中興氣益振離照撫萬方天狼避
紫宸泰階無纖埃青雲翊縉紳昊穹挺神秀應
期誕絕倫翩如鳳峙嶽矯若龍翔津鉄冠指嚴
威白豸行嶙嶙投章失衛霍抗劾無齊秦犯顏

一折檻奮世獨埋輪有時趨螭頭雙履躡星辰
風采動萬乘何言折大臣持斧出王郊揮策回
西巡將帥謁馬首武士騎鯨鱗亭邀菴嶺騎幕
遮輪臺賓羽檄夜交馳旌麾畫紛綸龍庭間白
日天塞生陽春萬古斥鹵地能令風俗淳命駕
旋直廬行瞻帝城闈黃華反使節東山傷我裋
繡簪白筆再覩漢儀新竊從文翰場氣節凌秋
昊許身報明主圖畫驚麒麟此志邈難嗣傷哉
難重陳市虎遂構患曾參乃殺人冤頸在囹圄

日與囚僂親風雲凋壯志衰謝誰當掄明公主
天衢卓然持大鈞宴桓遇苗公脫難誠有因鮑
隸救伊吾曠世孰為隣天地妙化育寧辭芻狗
仁傾誠望舟楫千載收沉淪

獄夜書愁敬呈吳少槐吏部

天帝一震怒貳負縛暝間石室桎兩足仰無日
月攀我稽潯陽囚迢迢如玉關妻女阻會面何
時復生還衛水東北流日夜恣瀟灑如何來糶
上化作萬行泪申包哭秦庭七夜救楚地捲面

今三年猶為萬里質天命安可知長吟慰顛顛
書柳川弟壁二首

春風昨夜來吹此庭樹綠好鳥皆芳鳴紛飛繞
茅屋乘興坐花傍一飲傾萬斛日暮倒玉山歸
來卧幽獨如何東隣兒冶游矜華轂

衛川狹春游翩翩佳公子衣劍何照耀馳逐矜
鄉里我非楊子雲草玄常晏起坐觀桃李花秋
風亦云已

送張壚山明府轉戶部五首

銅梁張仲子割雞河水濱一朝荷聖眷白璧

照玄纁鸞鳳孤嘯翻飛北天雲昭王親灑掃

遲爾勒功勳

慷慨國士遇投分知己恩一語已肝膽刎頸即

奚門何云明月珠吐之隋侯軒顧茲千里去輟

轉悲心魂

靈之太行雲離之衛川樹啾之玄猿啼颯之驚

鴻顧五月搏長飈將之千里路努力黃金臺相

共天步

公有神劍飛入延平津
雄去唯空留灑血滿
龍鱗天路既云濶
變化胡可親
所以道傍子
嗚咽雙風輪

詔出彤龍樓
官辭白馬縣
落花飄雲游
英風緬
京甸欲射聊
城書解此閩
海戰去之復
何言悲
歌振林霞

書懷投李篁臺外博

昔余江海思
凌風恣天游
回覽鳳凰臺
薄行鷗
鷗洲玩弄穎
水月吟嘯
箕山秋
緬想古人風

然不可求
梓劍造燕雲
裂縐游皇州
昭王去不
還金臺
長秋草樂毅
徒空談
劇辛亦枯槁
痛哭
九陌中
颯起火石
吳六噫
辭漢京
三山事
幽討
結廬大匠
簾蒔化黎水
陽饒殮赤城
霞渴飲華
池漿舉杯
酬阮籍
彈琴招稽
康放浪期
九垓
訪榆安足
翔天造
誠寥廓
一夕生
槐槍
光芒動
圓象浩蕩
亂天常
南箕乃長
舌牽牛
遂服箱
冥身在
昭憲
風夜守
園土剝
膚成
陞蛇刺
心皆劍
擗陰卧
魂迢迢
激視鬼
偃僕
日月將
焉施
胡不照

聾瞽父母荒殯階見女死秋堵嘔血徒傷心斬
 衣事終古悠之九原思歷亂攢肺腑篁臺百世
 士瀟灑落風塵談經施絳帳講道開河濱有時
 瀉瓊珠萬斛光磷幽鎔鑄能幾時席上羅佳珍
 貶道理凡材褰衣訊幽谷煙雲忽一開婉如熙
 春屋蹟面行嘆息力疾對芳牘覽聽殊未已猶
 獲玉雙鼓強成啓口笑無復論羞慙感此忘形
 驥片言通鈞軸願爾垂神光乘時慰蹙縮龍荒
 如有詩萬里騎驪驕

秋江奉別王元美比部詳冊還京四首

送君沙麓野延望漳水清爾登黃金臺我棲青
 桂林雙鴈送前浦雄飛北復沉北一何速顧
 今隔長雲遠北砥石宮北紫霄岑千里益相
 思北傷我魂願言策高步圖畫終北麒麟

燥：天上星皎，巖際月懸，蟀感夜吟，涼颼
 晨發山木既云蒼，江楓亦已脫，遙望百里間，茫
 茫但寥濶，鷓鴣鳴園陬，虎豹步庭闕，臨路別所
 親，悵然增華髮，思北獨徬徨，誰能為解結，安得

芳枝慰我常饒

清夜張宴會蓬李晉衆芳微辭吐梅蘭穆如清
風揚東序理瑤瑟幽清美雕簧長教過流雲四
座無高倡離思動顏色杯酒空激昂悵望登高
量痛毒我肝腸

白飛鳥刷羽長河滴有如客游子辭家遠
霜濤衣裳濕秋風飄遙青雲履仰視霄漢聞京
塵何處塵瑤光忽若遺棄我即遠逝低頭空復
憐白髮纒衰替生君報明主僮寒卧松桂

奉贈李于鱗憲副之陝西三首

曠莽龍首野巒嶂九峻岑應龍駕翔颺上下乘
隄陰靈威施鞶紫五采絢相尋駘蕩誠足樂悵
念詎能任願希晨風羽招搖出平林凌厲赤霄
間翻翎待嘯音神物固超忽棄我長河潯

崑崙萬里高海水萬里流感此慷慨士飄飄順
風游明珠多按劍久玩知自孚蕭艾豈不芳蘭
莖良見羞得志信須更展旆西石樓念彼席上
珍珞累行當收還節汾晉間冠蓋前雲浮

鴻儒富華實履道固其常顏笑破秋日罄折如
春陽有時發幽微珠璣盡輝光室中列俎豆堂
上羅圭璋鳴琴一再彈清風惠時芳玄沉亮高
節變化信無方瞻望濶璇儀悲嘯愁我腸

贈子青三首

燕客懷白壁別余長河洲杳若蒼梧雲飄落南
天陬三楚彌芳甸九江接春流唱言游此地孤
嘯誰能儔

贈別無婁顏臨風發長思劍解雙芙蓉上刻延

平字然喏輕一言縱橫託深意勿作羊腸悲且

馳千田纏

衛川發白馬散下綠楊堤醉別關山月歌傷白
守詞松江猿掛影皖嶺桂橫枝定有登臨興題
詩慰我思

送顧聖少游楚時余將往金陵三首

春山送行子春艸惜離觴不盡孤雲意徘徊古
道傍望々荆門曉悠々郢樹蒼此中滿高詠遲
爾寄江鄉

迢遙巫山陽曾佇神女節君今過此地坐見綵
雲滅葳蕤瑤草芳窈窕翠華結為我一致之沉
念紫煙別

君作楚鄉客我為吳會嗟別離在造次杯酒更
相斟鳥逝清泥浦猿啼白石林感茲無限意引
頰各霑巾

宿蘇門山夜懷王龍池別駕有詩未就因
追之以此

昔登蕪門山獨發孫生嘯悵念青霞人披襟可
同調落月照林薄迴風吹海嶠相思轉陳跡俛
仰憶悲眠

造金陵登魏武讀書臺奉別齊覺齋丈

魏武建雄圖肅視何壯哉祗今霸氣盡空餘讀
書臺登臺覽四野蕭瑟悲風來饑鳶獵平楚寒
孤鳴城隈林木鬱蒼然煙霜日空摧咄嗟此山
川千載埋雲雷我亦慷慨人與君遠追陪酒酣
拂寶劍肝膽歷然開遙望南溟間鯨鯢滄波顏
相顧歎叱嘯坐使風雲迴揚僕擁樓舡聲名冠

崔嵬富貴吾自取他人徒驚猜投鞭自茲去千里騎河魁

寓譙郡宿魏武臺下贈羅汝龍

漢帝滅金鏡靈氛黯中原山川忽破碎海水日飛翻蚩尤拓大旗時拂紫微垣奸雄竊神器霸王氣并吞平臺起嶮嶂西北眺陵園千載乃邱墟秋風散雞豚爾來值歲暮感此摧心魂詠宿茅屋下偃仰徒自論中逢豫章客夜半迎青樽酒酣起視笑飄然虬鬚掀開口復縱橫歷陳

萬言宛若黃河流湊決崑崙然喏在一時逸氣驚鴻鷁遠望江路塞蠻烽照天門誓欲指雄劍直斬南溟鷗而我豈不能與君同騰騫風雲苟未合且復侶獯猿陰符掩玉匣寶劍藏塞璠拂衣一長嘯高風振丘樊水流還大壑日昃仍朝暎詩予乘景運一灑清海渾

別李希賢

譙城冬日白渦水陰雲霏與爾經別地相看泪濕衣旅思隨鴈盡鄉夢逆潮歸芳草他時滿令

人寧久違

贈紹日勿殿下二首

鳳凰巢玉樹翡翠集炎洲自非鍾靈匹孰能從
茲游副君懋明德端凝無前儔動搖瑤華童光
暎西龍樓又高賦蕪薄愛士開瀛洲桃李散芬
芳圭璋次昌三猷佳遇良在茲清風安可牟翻
魏公子千載誠足羞

撫劍發孤嘯振羽翔林薄西游古鄴城僊俛興
著作日夕侍彤廬凌晨登綺閣虬顏希再覲虎

變驚一愕謬承瓊珠音恍若煙氛郭感此國士
心屏營泪雙落駕言旋故鄉因風達魚鑰

冬夜江北津郎中過濬索詩因以此贈

霜霰驚嚴夕初月照林杪鼓吹入寒城雙旌來
遠道清飈何悠揚拂此幽垣草色淒以腓澹
蕩望春輝早晚矜餘顏永承瓊樹枝聊此奉微
音庶以昭寒澂

過內黃宿圓上人講堂兼呈張沅洲太守

寶樹開五葉輪風發光綺圓公棲碧巖戒得清

蓮蕊延我諸天竺說法雙樹底玄談莽浩曠恒
 河沙瀾々十年始鏡澈澄心見秋水靜卧薜蘿
 寒彷彿夜中起仰視天漢端涼月掛玉壘魂清
 境亦寐萬慮俱頽靡顧彼下世士紛華競鄉里
 何如虎溪客妙悟參禪理

冬日獵射畢同艾瑞泉送子擢挈酒藉草

坐飲醉後作此

寒風吹林薄白日愴以黃呼鷹登高臺走馬
 石岡狡兔起草間裂腦厲秋霜割鮮青山隅藉

草傳羽觴落葉入我杯細々波悠揚平楚正蕭
 瑟感此情彌長雲中恣天驕胡塵暗邊疆殺將
 屠我城主辱臣未僵徒令哂千秋何以慰遐荒
 合當捐微軀雪恥左賢王

讀史

孔明昔未遇紘然守幽獨蓬蒿深沒人高風滿
 山谷時來乘雲龍天人播芳馥三分割梁益伯
 王氣始肅斯人已云亡千秋仰光躅感此傷我
 懷臨風一痛哭

秋晚赴井汲水採野蔬供飯

衛霍富華屋原憲隱蓬蒿物理各有適而我甘
鴻毛霑々秋欲夕踈葉鳴林臯開門忘所事瓶
甕行自挑素綆汲深寒何用扔桔槔攬水採藜
藿灑濯西城濠豈曰薦玉盤慰此饑者勞併日
偶復爾欣會忘紆陶歸還讀我書杳然青天高
俯察寒蟄唵仰視雲鴈落萬化紛倚薄吾生安
足騷如何綺紈子失路增悲號

雙唐賈客詞

雙唐復雙唐白石何處々笑殺新安江水深清
見底君家住新安松蘿帝翠巖年々隨海舶歲
歲客長干長干風色苦何如向陽武袖隱博浪
錘權輕萬乘主胡商自古雄多在塵埃中使君
儻未信請看陶朱公

贈董明府迎侍四首

聖阪多麟趾天池必龍翔明宰乘兩鳥列宿動
精光閃闕鳴絃琴沉思遠高堂噉々林鳥悲悠
悠風木蒼撫枕夜五更慕愛結衷腸詎言何送

事白首冷黃糧

吳天列景清輝緬赤縣少微垂高雲發彩明
河甸眇々寰宇間習々祥風煽茲匪巨孝蒸孰
能撥靈變回頭語中厨大養非珍饌持此金石
開會膺紫泥眷

巖二山上雲油二礪中薇嘅波寸草莖宛映二
春暉仕漢信亮節游楚傷方微物理尚可鑒六
適相因依陟岵揚哀音白華播芳輝藉以準時
哲千載將同歸

昔聞荀太尉白髮能孝養英風邈海隅至今復
清響鳳嘯必椅梧麟游非草莽託跡豈不然寄
心且遠傲合符一術間總轡萬事長所以不匱
姿垂聲得侑儻

喜艾子紹生子作此

天馬來何處本自濯龍媒蹀躞關山道黃雲萬
里開歲晚將名駒矯々非凡材長鳴噴綠雪噬
膝眠紫苔神駿一何爾倏忽遺纖埃異時獨不
見飛上昭王臺

題王龍池彭錢圖兼壽其嶽東谷

安期留玉舄王喬御飛鴻
壽命偕元始精神茂
華嵩展玩瀟湘幅
愛茲方瞳翁焚香紫苔石
揮手白雲空六龍且按轡
乘汝游無窮君家泰華
老意氣與此同身騎綺鳳
凰飛出秦王宮三月
初度時簫鼓迴層穹
環珮出洞房清切鳴玲瓏
既稱瑤池飲亦薦嵯家
熊佳哉良宴會千歲成
始終持此夫人意遠謝石樓東

寓目水石藤樹人物

青天出片石古木垂寒藤
下有太古士姓字不可
稱瞑坐游九垓元氣隨
所乘恐是無懷民縣
車避朝激人生苦勞役
視此將無懲方為槍榆
鷄何羨天池鵬

陪成臯王太虛觀齋居感鶴至

夏后騎兩龍上下扶棗津
青陽登帝臺俛仰觴
百神張樂豈洞庭感乃即
精禋玄鶴西南來盤
舞紫霞宸清響落雲間
指顧環河濱重葦未云
遼大孝方此倫

鄴下贈吳山人間官軍與倭戰不利

慷慨燕市歌蕭蕭、易水風至今多感激嘗摧壯
士衷鄴中逢吾子正值風塵裡劒歌為爾開一
語肝膽是西北戎馬喧東南海水翻爾我俱草
莽誰能期報恩白馬河上馳翩翩欲何為三軍
氣已死主將無復知君有魯連箭赤羽不肯見
請為約矢書一解聊城戰

送吳東石公還蘓門

少年負意氣六谷游長千里八月秋風高揚帆下

江水江水復悠悠送君臨清州臨清花月好錦
障帶珠樓誰家妖冶女彈箏日歌舞忘却湖南
商無復相思苦相思能幾時還家定有期庭前
芳桂樹攀取最長枝憐兒問野叟椎牛勸美酒
夜深起相視君鬚近長否輾轉東原游思君不
可求魂夢一見之多在石湖頭

重寄內二首

青山橫東廓白水流城西欲濟微舟楫緬馳少
丹梯唯當見明月相思俱沈迷此時遙相望知

汝流玉啼浮塵暗芳鑑蛛網生蘭閨一身在置尉
公翼垂沙泥汝非蔡琰人長跪解羈縻好為小
兒女傾心聽天頭白日有返光出雲還舊路會
面秋風前勿作頻酸嘶

天運無停機陰陽多反復起家籍儒術願汝行
金屋詎云罹羅網鸞鳳各離群鹿門貌難窮
窳徒空聞羅幃歎春風玉砌生芳草覩此傷未
顏誰云未成老重關不相見無柰別離心精神
亦間隔何啻結重衾你書謝美人淚濕瑤華字

霄鴻一致之為予問顛顛

七言古詩

奉答楊六坡推府隱居見贈并序

余讀書浮丘山性癖山水負烟霞之疾嘗披
覽匡廬圖跡巘嶸之盛侈有飛志遐思飄然
如在五老峰下雲蘿翠壁掩翳錯疊左右外
視形骸不知我為何如人蘧然也因慨然
太息天下高明之士何限物相羈轡其誰相
與放浪天地之外眇萬物俯八極瞬息古今

包舍宇宙也哉嘉靖乙未固原楊六坡以大
名推府謝政卜居浮丘之樊治亭榭花竹水
石與壑人相往還余每過之便有高興佳作自
謂匡廬之志雖未即遂而談玄吊隱亦足以
渝洩一二盖吾人胸中自有山水何必攀蒙
茸躡岬巖而後為高致哉辱六坡草堂詩見
贈遂援筆奉答聊著雅尚若木瓜瓊瑤之報
正不必論爾

我昔住青都玉樓楊紫氛靈妃散天花把弄坐
層雲肌膚瑩々婉冰雪孤嘯常隨鸞鳳群閭闔
常辭九萬里帝樂仙音那可聞失意山中尋瑤
草白雲引入天台道桃花流水非人間碧椀彫
胡詩終老遙望匡廬歎九天屏風九疊石磴旋
香爐返照赤霞晚雙劍迴空白日懸雲霾四塞
龍席睡嗟峨一徑猿猱前陶公煉液呵赤霄李
重還車躡紫煙長揖謝世恣同往綠髮方瞳列
上仙青谿卧聽松風歇起向山中弄明月獨立
蒼葦江望九州漠々黃塵毀金骨聞君獻賦長楊

官飛章絡繹四海雄光輝燦爛動明主天書降
問恩隆崇風塵佗條解圭組歸去滄浪作釣翁
結廬小傍浮丘麓幽洞嶮巖蒼翠簇清風蔓倚
金露寒白石橋連水清泐當階竹引鳳凰毛背
戶青松走麋鹿婉如匡廬落我前便欲因之借
休沐夫子值此格氣豪秋來興與南山高寄我
五花雲錦字讀之飄然若雲翱自慙才非廬照
隣敢與楊炯為伍曹楊盧千載各一時異代風
流如有期為君倒囊彈素琴清商繚繞陽春辭

歌罷拂衣五陵去明月青山湘水湄

秋夜望雲旅懷

秋來五色雲在眼浮花蔓草相鮮新天空似是
巫山繞日暮更與銀河臨凭欄久望待不至倏
忽變化蒼麒麟衛川冥冥在何許我意乘此尋
歸津終然翻飛不可去棄我還從銅馬塵

贈別李性菴還任丘

燕郊十月飛胡霜臨岐送子各盡觴腰間笑解
延陵劍雪花墮地蛟龍翔都門佳期那可顧相

思開遍三花樹歸時倘遇浮丘公為予接引嵩
高去

送崔秀才南還

孟冬送客臨沙浦蕭蕭風動薊門樹驂馬啣轡
不肯行一鶚南飛過天柱燕臺擊筑且高歌青
罇酒盡紅顏酡五更鼓角星可平看汝騎馬凌
天河

長歌送王翰林盱山還保定

國門識君與君遇夢游十度攀花樹朝寒空

彈琵琶暮宿倡樓聞曲度燕草色送春袍小
苑花枝轉葡萄柳色偏濃金殿露鬢聲醉殺後
宮桃白馬翩翩過戚里笑指落花雙燕起遨遊
不數新豐兒調笑寧知太宰詔別去開罇重酒
籌春詞臯府倍堪愁白雲自散蒼梧影明月常
懸彩鳳樓

贈別南田楊子還晉石并序

十五年余游京師馳翰苑獵文園延師士之
肆游軼冀野窮覽燕墟曰壯哉帝王之居也

迺攬轡西市遇晉石楊子景新與之論皇帝
王霸之要雄姿風發鼓劍悲歌慷慨泣數行
下於戲士之負傑烈不羈之性曠世相感一
至於此哉今年秋楊子還晉石因作詩識別
我本衛川豪君作燕城客意氣各千里相逢在
燕陌燕城燕陌跨京華青烟作帳銀為沙五侯
龍馬耀金鞭蒼螭寶帶屈盤挈層城日出歌鍾
起繡戶朱箔幌羅綺遙憶夔龍集鳳池亦知漸
霍矜戚里笑倚青萍劍恥上黃金臺昭王非帝

曹樂毅自凡材燕丹空有心荆卿徒悲哀白虹
沒長雲易水不能迴瑤華翠葆浮雲沒錦石雕
甍秋後伐古人已見覆蒼蒼今人空對西山月
西山月出宮殿寒坐愁白髮驚飛湍風雲萬里
不相待白羲垂耳蛟龍蟠雞鳴開九關天狼若
可攀勢欲請長纓繫胡燕然山長纓繫胡心不
朽君去青山但揮手落日天風吹海波月明來
看一盃酒酒中慷慨樂事無據地酣歌玉唾壺
晉石山川為君迂千巖萬壑來長途注日春光

懷我處奇花不盡相思樹葡萄露下餘空醅終
日待君那能顧滄洲今已暮瑤草不知路欲乘
黃鶴一問之為予淨掃南田霧

留別馮少洲進士

春風吹綠雪湖水生微波與君上河梁攜手哀
情多此時客意難舉觴道傍楊柳鬱金黃欲折
一枝留郢客柔絲冉々斷君腸斷君腸勞君顧
離思眇々青山暮青山暮了傷我心我車南還
執子衿贈爾愧無英瓊瑤倚馬聊為梁父吟

送友人南還

鳳凰樓外雲氣長青袍白馬生輝光送君千里
促羽觴鳴箏清歌如故鄉相思明日忽分手誰
把青驄繫綠楊

送人之塞上

北風瑟瑟胡馬鳴君今棄我何遠行陰山雪花
大如掌黃雲出沒單于營萬里龍沙那可見將
軍大小七十戰捷書奏入建章官寄我雲中一
隻箭

贈孟龍川二首

季布竟何罪緝捕搆千金介身胡越間南北任
淪沉託跡魯朱家髡鉗奴僕心英風豈不特所
思衲患侵主人誠多賢脫難青萍鐔權門一命
輕鴻毛三士殺之費二秦虎畧詎能讐國難龍
泉一日成鉛刀人心如風波凌徑眇難度渣此
血玄黃雲雷何霽迂思君若饒渴引領望瓊樹
瓊樹瓊花別有天迴風吹雪繞龍川相思遙寄
藤蘿月洗濯輝光待我還

又

白龍魚眼游滄海豫且鳴絃不相待洪濤一悞
失精靈耐可乘空許真宰海水東流渤澥深風
雲漠漠杳難尋憑誰借與升斗水飛上青天作
帝靈

五哀詩五首

學士抱執博綜典訓效業而弗鳩建辭而弗
賓父殯毋隕未就窆窆之事室饒而病二子
交喪而不獲永訣待死園室哀孰加焉遂作

五哀詩其辭曰

有父有父濯塵纓棲栖遠在滄浪濱樵蕪不避
芸且耕春泥秋雨淇門中泰山嶢嶢忽頽墮怒
豕談熊立向我蓬蒿一望盡烽煙高樓喋血宵
溝沓嗚乎一哀兮歌始發青天黯黯沉明月

又

有母有母思晨軒蕙帷縞帳泣且漣蒼梧渺在
白雲間臨江哀竹心悽然慈闈一夕歸明月怨
恨千秋那可歌何言寸草報春輝號涕苦塵毀

筋骨嗚乎再之哀兮歌已列皇天為我開金石

又

蕭軍有室在衛鳩蓬髮連蜷守空堵浹晨不爨
共泉苦布衾如鉄冷秋雨高堂灑掃心魂摧金
牽翠鈿空塵埃良人欲委長城窟此身早晚隨
寒灰

又

有子有子驕且冲西見如玉垂瓊英花翻蛺蝶
純綺叢意態婉婉雙冥鴻阿爺啣冤在綢柵汝

心長望成永隔桑樹那忘白玉環夢魂哭汝東
山陌嗚乎四哀兮歌正苦回風蕭颯吹庭樹

又

有客有客歸秋旻十年不得逢陽春柴門反鎖
蔡水濱前朝屈宋寔所親阜棧連翩渣驥只出
關十步九羈東燕郊六月飛胡霜漢史終然恐
失續嗚乎五哀兮歌聲哀長江東遊流酸嘶

保安兒留別

沙麓風塵暗河縣漳水東流疾於箭落花別圃

誰可憐南去北來一秋燕汝曹自是中山兒
首天碓識君面意氣相期何有無分首一言淚
如綫南山峽岼秋氣高似與君情同縉春明
騎馬涉滹沱長歌遠贈北門餞

春日後贈王任菴五湖昆季

春日澹靄西日微浮雲流水爭光輝一雙白璧
動燕趙光搖海宇青煙霏早聞妙譽今見之酒
酣大呼心思飛幾時携汝尋滄海明月清風一
釣磯

七夕

銀闈含秋星欲爛天孫脉、度河漢仙鬟玉珮
那可聞佳人夜半開簾看階前月色疑看霜獨
坐穿針向畫廊東方日出烏鵲曉天上人間枉
斷腸

送醫友還山

洛陽買畚逐世貧金華藏名四十春歸來浮雲
變城郭矯手落花輕拂巾堂中會飲逖賓友低
戶雲光散罇酒暫乘白鶴謝時人會向山頭一
揮手

九日寄孟龍川

憶昔登嘯臺蕭瑟湖海秋酒酣迴舞袖拂落桑
柘洲青雲動蟹螯白雪霏金甌兩邊坐笑如花
妓吳趨白紵飛清謳戢駟入牢籠忘却山陽道
菊花為誰開沉憂日衰老此日長吟獨憶君峽
巖欹壑掩浮雲何處龍山堪落帽風流醉殺孟
參軍欲託雙鯉魚錦字寄滄溟願君細嚼茱萸
蕊壽比南山千萬齡

寄謝逸人四溟二首

漢京詞賦多風雅前擁鄒生後枚馬四溟旅人
興最豪馮軒落筆長河瀉醉中一別十經秋落
葉翻々嘆白頭思君恨無黃鵠羽涕泗遙瞻滄
海樓

又

海水飛動凌三山巨鼇出沒流其間人生風波
有如此颯々秋風凋玉顏魯連自是紫煙客個
儻長揖二千石一朝談笑解聊城東入滄溟眇

無跡

寄汪員外南華

海若東游沒海濱白魚况非白龍鱗豫且鳴絃
偶相值卧看鬢髮飛黃塵謝君瀉與天河水乘
之免作涸轍鯉他時雲霧或悔冥海底啣珠報
知己

襄國飲鴛水野亭奉懷張墟山明府

秋盡野亭鴛水陰平沙落日青楓林寒花爛熳
不自愛霜風一墮柴門深我來對此沉吟久况

是壚山別離後何處浮雲晚未還散愁且醉襄
城酒

贈李山人

朝登崑崙丘遙望煙雲海三山凌渺茫六鼇今
安在昔時中山衛尉卿身騎白鹿游紫清仙人
一去不復返霄漢空縣千載名白日無回輪紅
顏易頹老何如恣天游山川事幽討萬里擔簦
尋冥髮烟水漫漫幾起忽乘時小憩蒼梧雲因
風復弄蛾眉月蛾眉月出照海湄夢裏猶聞猿

鶴悲傍人不識君所為白馬青袍一笑之君胡
不解清溪囊示以瑿鏘五嶽辭

贈張長公鳧墩五句四韻長公割股愈疾

蜀山萬里青雲迴鳧墩縹緲起浮埃霜刃一拂
金石開清風獵獵不可見憑高西望心魂摧

再贈張雲谷

僕素聞雲谷自旅次與之靡談遂神醉宛若
登羅浮涉洞庭泛彭蠡尋孟門雲霞霞靄映風
思飄然蓋奇遇也已同謝四溟田莘野約為

小律今不暇待先作此見情云爾

昔聞金陵地乃是帝王州冠蓋六朝賢名與青
雲浮往事千年不可道別苑離離長秋草酒中
慨此復霑襟落日翩翩送飛鳥今時再見金陵
豪白疊小側薜荔袍凌風起舞鄴城月長呼興
比南山高四溟情同五嶽雲莘野詞流三峽濤
雲谷此時發意新開卷調笑如有神萬里煙霞
起胸臆驚翻白鷓翔麒麟飲我催詩酒倒却頭
上巾君身孰與博似是洪厓隣早晚笑携履教
去坐看滄海成埃塵

登西城嘉禾樓重送張壚山赴部

高樓西望紫空煙南風渺渺吹河船碧沙細草
遠相送一夜飛過黎陽川驚魂如縷隨君還恨
無雙翼凌青天魏闕霾陰雷隱怒灞水橫波不
可渡此時揮手重堪悲千里相逢未有期燕臺
倘值悲歌飲擊筑先尋高漸離

送李滄溟太守入覲

襄城太守濟南客夜發雙旌搖海月城頭箕尾

超天河城外征人吹曙笛父老扶杖前致辭太
守此去人皆知內史親傳大官饌野人共拜甘
棠祠黃霸功名何足數公車詔入鳳凰池

送陸明府夢洲入覲

爾時登眺黎陽山松門蘿徑窮追攀昨夢巖花
散幽色彷彿百里開心顏覺來欲泯無時間思
君玩弄雙瓊環天寒日暮愁寒產漳水橫波龍
轉眼浮雲北向但高旌海嶽驚看壯此行異日
懷君不可望好將書寄鳳凰城

雪霽後過周紫泉山堂

紫泉山堂在何許衛溪東岬蒼山麓青松偃寒
雪意寒孤光晚映琅玕竹紫泉調笑宛在目亂
雲竒壑相縈觸我欲於此傾醺醖開襟醉卧青
山屋絕境幽森不可留野狐夜叫猿嘯秋別去
長懷紫泉客滿林楓葉吟颼々

詔獄結後書情敬呈王龍池二府兼致謝意

蓬萊出海底金銀樓閣浮空煙蓬萊仙人與我
語授之赤明玉字瑤華篇長跪讀玉字五內發

金蓮欲持紫腦訣常送上清仙上清一去無窮
已回颶吹落長河汜晚將詞賦上燕京遂使明
時笑巴里北關風雲不可期歸來小卧青山岳
竒峰秀壑常相隨千巖度盡松風吹馮高把酒
叫明月桂魄蟾影皆參差醉尋劉伶頌醒詠阮
公詩泰山雷霆何足有淶水洪波可戲之烈々
雲間鶻脩々蓬下鷄何意見相猜雌此血吻患
羽毛灑平蕪骨肉不敢盼園墻一去幾時回
花坐見十三開青春憶月秦人洞白日呼霜夏

后臺我欲乘風震天鼓前擁修蛇後禦猢九江
濤湧未是哀太行輪摧不言苦東海陸公真神
明決垣培鎖纒長纒纒古泉楊馬連章入制可始
放南山耕生來感此國士遇何限千秋萬古情
入門一笑復何有女會縫裳妻白首竈下尺薪
貴於玉盤中粒粟皆瓊玖惟有林頭劍鋒在夜
夜精光射牛斗射牛斗詩張華神物詎肯終泥
沙不然飛入延平津今者蛟龍昔鑢鏘鏘蛟
龍孰可判明公義氣通霄漢爾時我為入幕賓

贈之豈惟青玉案霞杯綺食飽我心至今側身
倚增嘆東風嫋々沙草春衛河綠水波龍鱗欲
將輕棹尋仙館其柰楊花滿河瀕楊花不可亂
河瀕不可極詩余攝衣起舞舞龍門前坐客滿堂
驚太息

羸女鳳圖

秦臺明月下照見乘鸞女玉簫聲不聞絨情定
復許相思何處憶離群欲報佳期隔綵雲懷中
知有瓊華字衣衣清光獨映君

送郭侍御劍泉謫永安松栢圖

大峯巖鬱々長松樹石甲龍鱗挺天霧雨濕漉沉
沈百秋似與君心同歲暮君今謫宦永安城闕
海愁雲日夜生會待明時宣室詔定從江浦望
雙旌

春夜與吳山人飲穆前江宅招妓彈琵琶
不至

我昔弄月沅湘浦靈妃飄風鬼灑雨遙看江上
點峰青寶瑟如聞心更苦春風小落前江家

開玉燭燒殘化青蛾何處不相持北堂一曲空
琵琶琵琶聲已歇空餘胡地月黃雲塞前水北
流霜風夜嘯猿狖秋古來蟬鬢已霜冥河今此
夕獨生愁不如與君飲美酒披襟一笑輕王侯

贈陸夢洲古琴兼以詩寄

朝讀夢洲書北畧望夢洲樹思君不見君謔白雲
中遺遺之綠綺琴不語可知心早晚與君微為
宣白雪音白雪陽春古所稀自憐素髮老柴扉
乘風寄語豐城劍看爾輝光徹太微

讀盧次樞先生蠖螻集書後

王迹熄後風雅終騷人變體稱宗工枚馬班楊
遞相繼凌雲吐鳳光熊熊魏晉以降及六代風
骨靡矣詞徒豐唐宋作者亦林立鈴鐸終遜撞
洪鐘先生崛起有明代逸才出類天所鍾倚馬
萬言可立待揮毫吐氣如長虹楚騷漢賦同渾
灑三峽倒瀉波流東才高誤櫻邑宰怒肆毒何
啻蠶與蜂詎以非罪置諸辟仰訴閭闔無由通
匍匐拯救賴良友治長乃脫縲絏中至今時代

已遷換令人悲憤猶填胸當年酷吏杳何處鴻
文聲價流無窮披吟一過三嘆息潛潛淚滴宵
燈紅

本邑後學劉太平可均氏敬題

補刻蠶蠓集跋尾

自古文章韋徑阮羅而出不可泯滅者
此文之為遷之史文山之正氣歌皆
成於獄中而歷代寶于吾邑
盧次樵先生非罪繫獄而著作
豪放掃却江河豈天歌展其才


而故屈其身以警為礫礫之氣耶
抑七名士多厄而先生向有蟻蠊
集行盡惜其板散佚不知所歸本
邑劉可均先生次君純齋好古士
也曾於咸豐甲寅歲過賈肆得
舊板若干片朽殘殊甚張借久之

即有志修補矣適遭東陞擾境度
高閩步又數年今春謀於同人悉慨
然從事并約好義諸君子稍盡勛梓
購材重鐫我輩得加校讎缺廢者
補之糝糊者剝之自春徂冬始克歲
事書成爰載數語於後以誌款末

吁此編一新而謂接武於文之為遷
之史文山之正氣歌之不可補修者事
并功梓姓氏悉列於左

时在同治乙丑小陽月吉日

同里後學張懸增謹識



蟾螭集卷之五



黎陽盧 袖次榘著
同邑孟華平明瑞校
濟南張其忠伯蓋梓

雜體詩

伏雨嘆二首

陰陽薄盪雷雨急江峽出雲溪夜喧烟霏似與
秋色遠黃鵠垂翅愁飛翻九壘溷穢不可住
髮陽阿阻煙霧東去豈應還問津回頭變化空

桑樹

山雨下澍白紛紛憑高莫辯牛馬群江寒自駭
碣石浪日暮猶合蒼梧雲破厨濫釜煙水黑玉
盤金鯉無消息直欲上天叫帝閭閭闔九重恐
顛踣

史平臺夜宴詞

漢史玄以宣帝大母家封為侯於外家親居
多得賞賜簪貂珥世寵溢內外明浮丘山人
作史平臺夜宴詞

高堂膩燭嬌紅春麝爐掣鎖銀麒麟掌中舞袖
回金縷背後落花覆錦茵夜半歌鐘起洞房繡
羅香暖對鴛鴦旋徵玉鴈排箏譜復弄梅花近
笛牀繡額紅衿真媚嫵隔簾彷彿調鸚鵡喚回
滿座鬱金香鮮鯽銀絲出翠釜雞人夜唱銅龍
馮內監忽傳進擎馬絳綃雙引貂襜褕長秋門
前馬不下北風吹山海水移世人見此復泪垂
寶玦香車俱莫嘆金掌仙人已辭漢

苦寒吟

北風怒號河水折鑿冰慘淡鮫人窟琉璃應手
忽破碎天吳回首蛟龍血錦鱗撲刺入豪門
刀玉釜飛紅雪馮謹夜坐食無魚彈鋏高歌氣
未舒方袍着凍冷如鉄嘯嘯霜霰攢兩眉星火
不燃寒欲死皮襦肉裂老無齒誰能醉解驕驕
裘別有權家會戚里苦寒吟苦寒之吟不可聞
古來傑士多餓死何必垂首涕交紛

杜鵑行

杜鵑西飛隴水西羽毛搖落隨山雞雲空萬里

不得去藤蘿掩靄青烟梯當行鷓鴣向我笑鳳
凰不與同羈縻舊日同林鳥與鷓鴣怒目炯視秋
水畦東海汗漫稀有鳥尋我三年窮路迷知是
杜鵑向我拜血泪不覺滿面啼口不能言臆相
向似欲遠引凌崐谿四郊罕且夕隱壘獵火燒
天喧鼓鼙寄語燕山胡鴈婦慎勿往恐穿金鉤

快鷓行贈盧潭城宗弟

快鷓快鷓南山擊鳥北山灑血朝糞秦隴暮宿
荆越凌厲橫視遊翔恍惚蜩鳩搶飛榆枋間仰

面血視無好顏人生得意且快鶻何用悠之長
閉關翟公昔在蓬蒿下萬里清風減高價君今
慷慨躡長雲指之芳聲四海聞楊雄欲獻河東
賦司馬先傳喻蜀文醉吟快鶻行醒啣快鶻羽
願君化作天池鵬莫學快鶻棲巖樹

黃利黃謹

黃利黃之利黃之河岸上洗衣裳黃河流水鳴
湯之樂時流到我家鄉

次童謹

山東綺雲雞刷羽來山西到處潛飲啄河梁借
羈棲江鶻野鶻欺予客怒目血鷹動相扼紫翎
蹉跌金距愁碧葉輕翻香稻秋不如折翅歸故
鄉五更明月啼山丘

嶺岷謠呈張嶺山明府

朝乘五嶽鶴暮望十洲雲尋山不厭嶺岷遠笑
謁嶺岷入紫氛嶺岷名嶽天下聞巴江前繞接
氤氳翠屏峽巖斜軋幾萬丈玄猿夜嘯臨江濱
馮夷水仙何超忽凌風起舞嶺岷月蒼藤翳霧

看不見欲上壚岷苔徑滑昔聞天台山峒峽摩
天關赤城起霜色王喬時來還洞天已與壚岷
別為說壚岷生汗顏壚岷謠且遠仙茅千載
留靈根玉葉金葩待君飯君意詎可論恍若峽
山源崩澆赴溟海聊可比君思生來未識壚岷
路此身幾日登壚岷壚岷謠未已早晚化為
壚岷原上之青松常倚壚岷望江水

芒履謠

蒲葉青蒲花黃為君採纈結成雙隨君步履入

簾廊苧羅山下君不返恨殺吳王輦路長

修武行贈李主簿

君不見修武城邊日欲暮西望岵嶢漢京路驛
樓閣道迫連雲花巘葉潭車馬駐車馬駐聽修
武歌曩之秋風度黃河客懷衣上霸陵雨鄉思
夢繞新豐蘿乘時小作修武尉披襟鬻之流仙
氣自言節操凌南山直使風聲排趙魏使君稅
駕是何年日飲醇醪高枕眠山鳥隔簾下廳事
對客髮鬢鳴寒絃城頭角聲星滿野城門落花

隨去馬谿澗荒茆留使君天風繫馬棠陰下父
老垂涕前致詞使君到來人不知今年詔書蠲
租稅須臾還見承平時憶昔少年為君舞共憐
修武西山樹即今望樹復憶君悵嘆雲霄歌修
武

信陵亭行贈張幕史

昔聞魯公子乃是信陵君劍氣連秋水英風萬
長雲堂中愛養三千士玉袍珠履何繽紛信陵
一云 予嘗堂中余無一人 在空餘滅裏信陵

亭日見黃河走東海信陵亭右送飛鴻豪士者
誰張長公虬髯瀟灑眼如電論吐何啻垂天虹
身騎宛馬鉄花馳霜蹄决裂耳生風四顧已無
南海尉一心要滅黑山戎朝發夷梁津暮宿黎
陽渚軒蓋狹廣路翻々皆龍舉春風澹蕩吹羅
帷宛如淶水蓮花池異代風流今有此若問信
陵那哥知

樂府

出自薊北門行

翻羽林兒少學龍虎韜旂力過賁育英風擁
行旄展藝萬人誰上馬盤弓發怒揮魯陽戈倒
刺寒潭蛟腰縣繁弱弓仰射太行獠北出鴈門
塞從軍樹奇勞占纜李輕車應募霍嫖姚羽檄
動邊序烽火無昏朝分兵救廣武轉戰龍城郊
投鞭瀚海渾結陣陰山高朝擒左賢王暮擣卑
于巢拓塞亘萬里奪旗列千遭胡霜飛玉關漢
月照銀袍疾風影雲旂黃沙驚馬鏢天寒角筋
勁墮指如翦蒿豈不懷金閨畏此簡書遙仗義
報明主殺身誠足要

前有罇酒行

春風吹水搖渌波春日輝々上翠峩悠々簾幕
捲芳草細々落花嬌綺羅胡姬嫵婉嬾青蛾促
絃急桂為君歌海水東流逝不返君今不飲可
奈何

子夜吳歌

燕花敷錦繡楚舞醉羅裙明月空悲妾白雲常
似君不知遼海上書信幾時聞

古別離

鏡臺倚新粧羞復畫娥黃羅衣蕩絕色落花空
故香登高望帝子蒼梧雲正長願托雙鯉魚錦
字寄沅湘

懷仙歌五首

崑崙山勢倚天嵬弱水千年四下迴花開王母
三桃樹雲擁周王八駿來

蓬海城高十二樓金銀花發近仙洲玉童贈與
青藜杖天女邀乘白鹿遊

綠鬢變髮白羽裳取無人識自騎羊宜時背癢
尋仙侶願借麻姑指爪長

丹崖石壁渺冥冥鳳嘯鸞歌狎廣庭王子吹笙
應有待相思遙寄赤松苓
玉樹長攀有所思仙人遙在海之湄木公醉飲
千鍾酒瑤姬齊唱萬年詞

碣石篇

蓬萊東望橫海水白波如山幾萬里巖前琪樹
簇葱青遙見仙人綵雲裡麻姑欲過來何遲手

把青都綠玉枝願將此物寄南嶽相逢重獻萬
年詞

隴水曲

隴山當面起隴水向西流中含妾墮泪幾日到
涼州

涼州樂

月氏穹廬夜秋風起暮笳胡星沒鴈塞漢月湧
龍沙露滴葡萄酒天寒首著花從軍莫浪譎轉
戰屬輕車

怨歌行

長安二三月紫陌競朱輪秀色金閨婦鉛華珠
箔春綺紈續雜還鞍馬自逡巡青鳥銜瓊書飛
入赤城闈日暮荷寵歸文犀銀麒麟借問此阿
誰大國孰與秦憶昔嬌小佇蘭房刺繡五紋雙
鴛鴦星河織錦度明月天孫翦綵分雲章願將
賊軀開天笑夜逐三星宿未央未央樂事多莫
謂宜春好宮女妬蛾眉容顏日衰老君恩從此
弛棄妾青樓道青樓大道繞秦川鳳管鴛絲徹

九天太液紅蓮初映頰瀛洲綠草已縈烟妾情
恍惚如昨日那知思斷韶華年夢入彤樓夜金
壺瀉春水彷彿接君歡晤言竟非是閨闈浮雲
萬里遙雲旂翠葆徒相邀詎聞阿嬌貯金屋枉
殺秦嬴吹玉簫寄語漢宮娃莫倚顏如花君心
難自保棄擲終泥沙妾容已自落倡家妾心耿
耿凌朝霞羊車竹枝待君御高唐雲雨空瀉嗟
君王欲較妾長短請看前朝張麗華

枯魚篇

枯魚枯魚爾身自白龍誰使爾為魚一朝落泥
沙鱗甲生長蛆嗟鯨鮪振鬚滄海吹噓三山
簸揚冤罪爾罪維斯死亦何悔誰能借風濤作
書上天帝雪此坳堂冤飛騰吸雲霓枯魚枯魚
從此遐逝

折楊柳

春思結楊柳搖曳金窻煙東風澹蕩時吹落玉
臺前溪閨別離婦感此心凄然沉吟毀青黛
淚謝珠鈿攀條寄遠人引恨碧雲天微物豈足

惜長懷芳樹妍

怨詩行

秦戍樓荒君未還楚鄉秋早妾摧顏日寄情心
與明月相思何謝望夫山

丁督護歌

朝唵都護行暮唵都護歌都護逝不返妾當可
奈何妾年十五嫁夫君銀轂珠簾度彩雲還從
佳賓還四座刺繡鴛鴦羨五文高堂拜姑嫜清
厨調菽水日旭供華饌香風動紈綺二十長子

孫雲煜滿高門頗偕伯鸞志叙此向平婚詎意
良人從逮獄幽垣無分回天矚闔門骨肉盡草
莽放室雞豚那能促桂帳蘭薰知幾時鴉鬢凋
鬢為誰綠妾心死去無處所忍向何人說衷曲
去年天使至籍錄妾良人中途不得語况復能
相親今年一會面若墮煙霧身執手無別言但
訴寒與貧淹忽歲云暮已非夢寐真東家女兒
嫁商賈春去秋來不言苦何似妾懷常相思萬
恨千愁忍饑窶落葉反本根歸雲常在山君身

陷羅網經歲不復還豈唯君坎軻所恨妾命慳
妾非蔡文姬長跪解君死有女非緹縈誰能見
天子一唱都護歌再唱情轉深愁多不為牛山
哀淚下豈有雍門琴君心石知妾腸斷願化東
南填海禽

少年行二首

長安俠客多少年醉歌擊筑南山邊相逢不避
魯勾踐一夜擲盧得萬錢

又

長安俠客矜少年青驪緩步章臺道相逢欲使
胡姬憐笑扶金丸墜飛鳥

東塘行

暮秋搖落金井煙瑤牕月出愁無眠請君四座
且勿嘆聽我試歌東塘篇東塘春風樂遊冶寶
帶琉璃驕白馬朝從狡兔上闌東暮闌金雞長
干下儂家繡被金錯床逢迎七十紫鴛鴦生來
孱小無人見艷着荷花嬌上粧錦瑟春生鳳凰
柱翠袖香凝蛟蝶縷浮雲小駐緩聲歌花葉驚

翻垂手舞眇睐流波媚笑顏此時恩愛比南山
那知輕薄易年少一別迢遙隔玉關儂心歷落
如秋草西風吹折江南道江雲斷盡君不來會
使蛾眉待君老東家買得錦鱗魚中有傳情尺
素書君身亦是臨江客何惜相思一字予機中
罷却流黃織為恨東塘淡霽臆寄語春陵遊俠
兒莫學東塘負傾國

鳧墩有序

鳧墩者銅梁張壚山明府兄長公也長公之

疾且篤醫莫能愈長公引刀割左股和藥進
父病立已有司聞之表薦明浮丘盧柁作鳧
墩篇

東觀岱嶽西引鳧墩偃仰恬恃有如子孫鮮鳧

數之容溫慈無他軫父之疴謹掄鳧里鮮白楊

鐸之矯若龍翔仰天一呼烈石飛霜鮮實毒我

父寧知我股盡血鮮以淪以釜鮮父曰予膏

解之鑄羹貽其有瘳欬如已鮮五雜笄之薦江

之膳昔聞太史今茲匪謂鮮荆蜀之鄉爰有

解荆蜀之鄉爰有

銅梁篤是異人刑我有邦七

黃鵠篇贈羅封君就養還萬安

君不見黃鵠飄迤下太清天風接引銅臺城仙
雖啣羽遠相慰嘯舞不覺烟雲輕玉珮滄海何
所致榮之上刻瑤華字歸時持贈與盧敖萬里
螺川恣遊戲

相逢行

黎陽臨大道城北達城南相逢問令尹不盡佳
三珠雲霧椿枝綠春融萱草甜荀何千載後獨

此一清瞻

胡鷹渡海來篇

鬱律山上雲飄遙雲間葉々落尚有返霧去香
難涉胡鷹渡海來將雛還飛去我欲因之執此
鳥徘徊流涕不忍顧長跪折矢一語可方客子
周游情同此傷天老介嘏父母在幃雜珮繒錦
玳瑁珠璣杖履陟降窺秦桃源仙姿玉度竢何
能言陰符畫設鬼神呵守至道不勝苔滋蚪蚪
虞皇歷阪文后岐甌永錫爾類揚名中州

閨闈篇

春日照城隅佳氣紛朱卯宮女三千人雲光晃
羅綺且卷珠簾開直待雲車迴玉簫吹行雲飛
下瓊瑤臺瓊瑤臺畔仙妃舞鳳鳥唱歌龍袍鼓
天風渺々動朱衣天女乘春散花雨綠萼花前
細草茵玉階鐮斷金麒麟明朝騎爾朝上帝壽
我四萬八千春

五言排律

甲辰歲張郡伯鄒西如覲京師其母太夫人

人出中饋給囚因感激述懷作五十韻
以謝

鳳曆開皇紀龍池憶紫烟青陽調玉燭白日轉
幽天河朔風雲會漳涯氣概先諸公梁苑客明
府漢庭銓堯宋金章籍陰何玉轡聯衣冠連日
表精爽動星躔各應兆熊屯同操哲匠權文翁
兼化蜀郭隗始登燕五馬襄城野雙旌霸水涯
夾輪雙鹿擾上漢一樣縣忠獎推王室金泥爨
帝宣吳公才第一賈誼席應前鄴善何無爾河

源即有馬疏名勒玉藻歸苑撒金蓮虎變谷風
起鶯鳴喬木遷那微文伯母誰產范滂賢黃鳥
空玄理閔睢德化全肅雍元啓胤聖善摠承乾
壺臬慈文表襟裾風紀緣大家新著作劉向舊
名編雨露含濡遠江河流澤偏吹嘘延朽腐哀
痛及顛連粉署琅玕碧天牢桂玉鮮八珍真糜
鑿五醢更駢闐麩麥赤城外杯羹玄圃邊春盤
行荏苒曲機坐連翩眉睫光初潤膏肓病即痊
高方虛擬賜陰室競相憐小步嬰金鐵楊眉媿

拘攣朶頤群僂側染指竭夫迨坎廩心仍切低
田腹稍便循牆如喪狗冤頸似饑鳶慷慨期投
壁呻吟尚縮肩搶嘯北向拜遙祝西華年少假
思猶乳翻思淚下泉二靈忘伏臘兩稚飽鷹鷄
丘壠哀新鬼圖書鎖廢廬干戈嘗膽苦哀感噬
臍眠故國孤魂杳他鄉白髮牽妻負嫌再醮女
大恠施鉛放大因無食挑針作覓錢塵埋蒼兕
劍蟲篆白氈氈氈釜從珠網幢幃或馬韉鬼神
泣簡牘妖孽戲花鈿壯志浮雲去灰心苦蘖煎

敢辭先茵螽為恨失騰騫雷雨龍門別風霾虎
脊指微纏多窘束榜楚替連遭百轉傷心曲三
年似禍悛傾危希造化早晚謝陶甄

暮秋承華主簿竹川饋飯奉謝凡三十五

韻

衛上清秋暮寰中氛氣多草湮康村國沙沒禹
王河瘠土分常貢蒼生病歲難輓應梁地麥畬
浸漢江波盜賊緣邊罷喧呼動冒困濟南鍾雋
傑河北待絃歌斷鵠揮虹劍揚兵蹴海壘黑山

戎破膽白馬將橫戈山鳥行廳事芳顏藉酒醅
圖書盤海岱詞賦入梓扞荒阪時鳴驥黃庭或
換鷺又傳驄馬客舊聽鳳凰珂敏察周窮縹緲
憂達隱訛憐才無迄遠覆業忠心征科中饋人間
出殊恩天上過金城酥比練翠釜鱠兼和劑吻
愁玄豹摧峰掣紫駝秋深沙苑菟霜落洞庭鮓
細膩殷紅玉芳蕤淨碧莎那能雙玉筴祇辱綏
金陀小食歆三臯迴思感萬疴嚴庭風感鬪烈幽
壘日蹉跎繫鴈窺前浦啼鳥想故柯通宵從罷

鼠入夜戲天魔燥髮紛難解
胼肌屬可摩永懷
天吏仗拭淚使星軻海運
虛垂翅雲身早見
羅維
襴
縠
愁
正
苦
阮籍醉如何
歲暮誰堪健
風塵鬢
欲
皤
凌
虛
疑
海
嶠
曳
履
想
岷
峨
謬
望
舒
州
錫
不
成
彭
蠡
叢
青
雲
思
桂
樹
春
月
罷
松
羅
猿
鶴
三
年
夢
琴
樽
一
夕
俄
明
公
寬
節
制
雨
露
得
滂
沱
犬
馬
如
留
薩
神
光
報
泰
阿

七言排律

酬華大餽飯

班固大家能著作陸機英妙負文雄
兩都賦有
凌雲氣擬古詩高曠代風馳
馬早返通籍譽才
華應見古公同燕王堂館愁鄒衍
晉室衣冠有
阿戎書豈萬言天險峻飯傳一飽
畏途窮世經
豺虎催頭白路難驛
驢
漚
血
紅
西
吳
吳
澤
秦
帝
關南冠虛憶楚江楓
投君劍氣不得死
猶倚
峒
百
丈
虹

五言律詩

山居

懶慢無人地經時
景不遠貪飽魚
暗動掠水燕
爭飛搗藥雲
春雄移花露
濕衣山陽幽
遠好日
暮澹忘歸

浮丘院壁

洞口春雲薄
桃花一水香
金壇夜漏玉
盃出
瓊漿河上仙人
遠洲中紫氣
翔何當着
雙鳥為
覓費長房

大名故城

魏郡遺空壘
蒼蒼接水湄
鴈衝斜鳥陣
柳拂捲

龍旂樓閣青雲恨
陂塘白日悲
北門無鎖鑰
腸斷立郊垂

過邯鄲作

趙庭虛廟畧
雄長竟誰名
國破歸秦帝
城亡插漢旌
山河猶壯麗
豪俠失縱橫
回首傷心地
春林轉暮鶯

送友人入秦二首

春日催行憶
花明旅鴈還
燕陵青嶂外
秦樹白雲邊
解劍酬知己
傾尊倚別筵
關河他日望
芳

草思芊芊

又

整轡東辭闕還家西入秦雲烟三晉合風雨二
陵頻鳥道斜連漢龍山暗度春壯遊看寶劍萬
里蹋妖塵

上張鄖西明府三首

燕闕寒日薄漳曲早冰澌白髮親闈暮青春子
病危殷憂聞鼓角想像見旌旗遙識齊王相能
憐越石悲

又

刁斗催嚴^是石秋風蘓肺肝冤魂幽共語魑魅喜
相看丞相何多畏將軍久失餐金雞應有詔表
謝一時寬

又

御史清霜鉞危腸結禍胎敢辭豺虎飼無異犬
羊材魏闕書難上秦庭哭未回條風吹北極天
意起寒灰

喜得釋獄消息

聞道真州信霜臺霽夕威春陽元自動草木已
含輝妻子愁看在鄉關喜不違遣心翻太惡後
首涕濡衣

即事

薄暮轉蕭瑟經心常苦悲驚枝鳥不定斜嶺月
生遲真思空林藪春雲時款虧謬言隨偃蹇不
敢畏支離

戲寄孟龍川

舊日浮丘伯曾將王子喬同遊乘白鶴接引上

青霄大藥留丹鼎天台度石橋不知千載後為
爾一相邀

送張壚山還蜀

朝思蜀草綠夜見漢鴻飛溪縣青春滿山關紫
氣圍飲餘看寶劍歌罷弄金徽別去應相憶銅
梁音信稀

喜還舊業草堂

漢節雲間任秋風送我還荷恩思聖主悔難自
皇天臺沼看今日松筠去幾年草玄吾未老應

許萬人傳

登天臺山有感兼呈張壚山

天風吹斷壑秋色渺荒臺浩蕩江河去蒼茫日
月迴傷心經絕險回首起重隈欲盡登高興慚
余作賦才

眼闕心號上張鄭西明府兼呈吳少槐吏

部李東岡翰林二首

際會驚何代支離過此生親宮無定處
含情未敢衣純錄誰能動失聲廿年宮此夕天

地忠類頌

又

獄久年三換刑深鬢二毛愁淹天畔日淚作海
門濤寸草傷春碧慈鳥近夜號感時思雨露回
首望旌旄

聞某吏部少槐哀僕乏嗣飭內入獄倚湯

藥四首

宓子彈琴日山濤謫宦時澤梁池禁網鰥寡遂
恩私未識洪鈞妙應霑造物奇周南王化遠終

不負蝨斯

又

落日低荒戍天風鎖禁庭正愁秋隴斷誰啓夜
臺扁宜毋苗堪摘王孫草尚青使君佇高駕引
領濕長纓

又

天豈蒼々色川仍脉々流乾坤一物在日月此
生浮巖考曾無墨哀殤已故丘何心望河漢牛
女渡清秋

又

晉室秘中散陳留蔡議郎彈琴神不去續史恨
何長慘淡悲千古淒其滯此方翻思兒女意斷
盡九迴腸

冬夜遣悶三首呈吳少槐吏部

鬚氣浮銅柱霜威折玉衡愁看蟾影沒病與免
魂清辭賦憎關世存亡憶結纓鄒楊書再上愈
幾寸心傾

又

梧桐影紛、荆棘墻徐壽侵鉄鎖不必落
銀牀物色渾如此吾生可共傷那看聞玉笛風
六更清商

又

鐘鼓何相報誰呼促警齊仗嚴防落月柝罷淨
鳴雞計過起疎濶才輕敢怨攜漢庭循吏在何
心嘆羈棲

哭董縣丞紳

丞疆幹任事清苦厲節有古風壬寅歲長

揖恤刑沈法曹抗救洗寃於柙居甚今茲
往柙安得不悲故詩以哭之

十月黃河穩天寒素舸孤斷雲低不去哀鴈起
相呼忽暗卽官宿虛傳太史鳧哭君重回首愁
色滿蒼梧

又

列郡開方藥嚴墻阻別離蒼生猶有待此者竟
如斯老去傷心地愁邊失望時玉棺誰為殮蕭
瑟九原思

又

哀挽宜陽路銘旌汴水風青騾傳海上白鷗果
遼東抗救邀天使鈞裁秉帝衷愚民痛一哭雪
涕灑寒空

初月

雪霽樓空夕寒輕月欲明素魂作海上殘魄傍
人清桂樹春應發蟾蜍夜自生傷心望牛斗流
光滿山城

示外弟陳可

阮籍何窮軌陳生已著鞭翔鷹秋始健宛馬血
方妍不負儒林傳寧克弟子員五車如破的萬
里看騰騫

送劉少尹赴興州經歷三首

宸極霑仙籍雙鳧別尚方何如魏賓客不減漢
循良太府宜方器牙門足薦章材高豈伏櫪萬
里見乘黃

又

潘岳花封宰陳琳將幕材檄文傳萬壘列宿見

三台悵望薊門路深懷河朔杯君王求駿骨待
詔上燕臺

又

大府元戎騎長驅引萬群共迎劉記室喜得却
參軍燕月排弓影胡霜綴鎧文知君閑廟畧一
嘯洒天氣

秋夜奉懷玉鳳洲比部

獨壘秋城夜長歌憶鳳遊帝鄉臨紫浦仙吹下
炎洲早食琪玕樹西巢雲綺樓無緣近芭彩慰

此別離憂

寄上徐龍灣比部

相思木葉落迢迢起重哀瀚海雲初斷盧龍秋
正來慙無國士報獨憶鳳城隈坐令生華髮臨
風一痛哉

贈王少府封君水亭

長嘯下江閣披襟即水亭魚龍淨秋浪舟楫倚
寒汀且失干戈苦還依社稷靈夜來看紫氣先
滿少微星

贈王龍池別駕

晉石分青嶂，龍池抱紫臺。秋風動鱗甲，白日發雲雷。
太液濤休險，昆明勢欲迴。何當洗兵馬，萬里絕氛埃。

夏日同王大伾畫友坡張廬山陸夢洲孟

龍川登大伾山覽黃河故道得溫字

五月隨仙鳥，凌風熱欲騫。却思乘海鶴，翻憶聽秋猿。
石樹穿雲冷，巖花散酒溫。大河猶在眼，何必問崑崙。

西巖

西巖雙柏樹，猶自倚青壇。舊識洪河險，曾經大壑寒。
龍鱗剝雷雨，鵲榦瀉風湍。回首思梁棟，還驚際會難。

題楊太尉揮金幅幃

歎憶關西老，揮金氣尚奇。江河流浩瀚，天地眇端倪。
諫草危時恨，亭臺絕代悲。由來圖繪意，不

盡史臣辭

畫葡萄

漢使尋源後蒲萄滿舊宮如何尺素裏枝葉往
時同滾露啣空碧搏烟射小紅誰能貯萬斛遠
寄口華東

贈謝山人四溟

春桂綠華滋芬芳合待時君今餌玉葉聊以駐
仙姿擬著三湘賦深題五嶽詩相期共方眼為
遊成皋王城南園見水石漁艇
不作江南客空餘江上山水同明月靜石似白

鷗閒仙徑松蘿外漁舟蘆荻間相看渾忘却無
復住人寰

七言律詩

出塞

城門伐鼓日欲墮西山返照入平蕪玉關秋動
氣橫塞交河霜冷夜愁胡健兒風吹白豹韞將
軍雪壓金僕姑畫傳羽檄連雲戍夜發精兵到
海隅

慈壽宮

漢宮羅列倚雲霄鳳翥龍飛積翠遙東矚扶桑
延日觀西連雪嶺入寒宵皇輿拜舞臨黃道仙
仗繽紛覲紫朝諸將謾勞繁鼓角至尊今已奏
蕭韶

浮丘精舍

衛河東岬浮丘高竹舍雲君隱鳳毛遂有文章
驚董賈豈無名譽駕劉曹秋天散步青山郭春
日催詩白兔毫醉倚湛盧時一嘯長風萬里破
洪濤

書長春觀二首

萬里天風海水高三山不動駕群鰲青霄漠漠
聞鸞嘯白日翩翩見鶴翱巖下瓊漿留澗壑山
中瑤草寄盧敖懷紆金紫人間事日夕吹笙對

碧峯

又

天門日出海雲蒸碧殿霞綃山氣屈盤旣女吹簫
乘夜月茅君騎鶴下秋燈金莖玉露生華鬢紫
極丹書接上昇緹氏山頭一揮手幾觀滄海變

山
凌
嶺

贈李金吾口號

漢家飛將李將軍三十承恩淨虜氛
馬蹀金微橫翔氣箭傳青海動燕雲
陰風漫捲賢王陣大雪長驅突厥群
未信封侯縣鵠印已頒新使煥
龍文

七夕

去年七夕登浮丘今年七夕客燕州
仙槎獨憶銀河水桂樹誰看玉露秋
葉下井牀驚別淚蟲

吟
范
攬
送
深
愁
平
生
自
信
庾
開
府
懷
輶
于
今
賦
遠
遊

挽楊六坡推府

草閣談玄不復聞山陽鍛後涕交紛
十年辭藻漢京事萬里鄉關素塞雲
尹喜傳經空汝待王喬飛鳥竟誰群
荒墳靜鎖伍山麓日暮遙悲渭水紋
六坡閔友人好丹液術客死於濟

除夜寓大名寄孟龍川

忽憶襄陽孟浩然風流名與太湖連
沙村遠近

青春酒山舍週迴白石田何處
梅花能媚頌他鄉綵勝舞隨
遊思君獨步清漳曲咄咄書
空只畫眠

古意

漢苑春繁鎖縹緲銀窓嬌小
護仙葩朝雲裊裊行清曉落
月娟娟見玉華湘女漫揮瑤
瑟怨天孫虛憶紫烟槎使君
五馬何軒豁佇望如端柘
影斜

贈閩中陳一泉廣文二首

漢輔金墉百二關千秋正氣鎖
南山忠良苦憶蕭陳侶豪俊
還生涇渭間會有文星通帝
座豈愁仙履綴鶴班春官首
著何辭長鳳階圭璋可待攀

又

魏闕恩光落上台龍門賓客會
群材太玄無愧侯巴誦九辨
何勞宋玉哀江漢秋容松葉
澹宮墻春雨杏花開明時擬
有石渠詔翰苑驚看補衣才

詩集 卷之五 憶昔寄錢同野第

憶昔讀書住石城青山對落兩山橫江潭夜傍
魚龍宿軒牖晨看日月生多病浸深溟司馬著
書憂憤趙虞卿匡廬舊約空回首腸斷清宵淚
濕纓

宿沙口贈王北沙二律

谷口寒雲擁北沙柴門深鎖待春華楚騷自合
千人誦漢水猶縣八月槎賈誼匡君頻痛哭楊
雄識字著名家相逢媿我垂雙鬢潦倒青鐔海

日斜

又

魏郡西連沙口原故人高卧倚晴軒黃鷄碧酒
須多事楚夢吳歛可細論豺虎空村當落日魚
龍入夜湧孤翻自愁騎馬衝寒塞古木蕭森起
斷猿

九日奉懷謝四溟逸人兼酬往日見寄之

作

鄴中辭客古今才千里秋深蒺藜興哀陶令行藏

只盡醉玉嘉容止獨清裁山萸細々團風裊園
菊亭々滯雨開白首思君何處望烟雲若憶魏
三臺

奉和王大伾侍御題周紫泉東山艸堂二

律

石壁巉巖一徑幽澗隨杖履訪林丘嵇康不負
山陽隱謝傅能忘淝水籌日落滄洲時佇望天
寒桂樹且淹留徵書旦暮馳秋隴擬取高名別

代收

又

海門秋動青壇麓天畔風高白草堂太傅松楸
高下見繡衣旌節往來常窺軒細篠娟々碧截
壁孤雲裊々長薄暮翠微歸興懶暫隨流水二

揮觴

震岡集留別

城闕秋還白露清十年懷抱與君傾彈琴細憶
嵇中散痛哭猶憐阮步兵絕巘松枝元自峻經
時花蕊為誰明開樽莫負中宵賞別去愁看銀

漢橫

秋日懷錢同野

象魏獨憐秋氣清
苦垂冤頸且長纓
背巢寒鳥經年別
出塞浮雲盡日橫
鮑叔衣冠頻悵望
彌衡詞賦已吞聲
滄洲憶汝傷心極
坐禱驚看白髮生

送林越山廣文之石城尹二首

海濱洲氣未踈高
涼快爽此安居
蔡彤有待方詔虞
詡終收太史書
茂嶺秋深綉見鴈
廉

江水緩自生魚慎時努力加餐飯
返浦看乘白鷺車

又

漢節遙分南海邊
天風獵獵擁樓船
蒼梧雲盡山如戟
合浦春回樹若烟
占歲豈應緣戊日
兢歎何用勝于閔
遐陬亦是藩王地
賴爾文翁治化賢

贈徐少尹

岵嶸中山插春清
斷巖西影下層城
彈琴不去

人吏散岸憤何勞官長迎絲竹土風今變態黑
山盜賊敢橫行樗材慙愧河陽賦坐起青霄望
弁纓

赴理大名道中感李有池惠粟之作

關塞遙憐霜露清燕雲漠漠鎖層城鄒陽不盡
十年淚鮑對猶深萬古情秋水魚龍休悵望春
風鶯雀賴生成酬恩欲擬愁難賦坐嘆空垂白
髮莖

聞比部李滄溟出守順德書此寄上

漢署仙郎何處求高旌知駐古邢州漁陽久待
張君湫河內爭迎郭細侯舊日石門曾拒壘此
時銅馬莫輕謀畏途遠附青雲翼慷慨長吟寄
壯遊

立春前夜宴張壚山明府宅

城柝傳聞客子夕清罇一發便宜人巴江水汎
雲邊臘壚獄天開雪後春避地衣冠後嬾慢驚
時花鳥自逡巡愧知張翰留顏色擬許盧敖隱
釣綸

醉後射魚宿羅山人草堂

南射滄溟十丈魚碧潭搖影動清虛太行遠望
仙人嶂淇水斜臨高士居曉傍楓巖留客飯夜
歸蘿徑即吾廬何時共策清藜杖為覓中山白
鹿車

觀妓即席走筆

楚女東隣未是過秋來休似隔銀河香鬟小學
平陽舞艷曲低翻子夜歌弄日鴛鴦窺綺幔偷
春蛺蝶趁花羅大堤此夕堪腸斷回首猶憐遊

水波

舊黃河道中有懷張壚山明府

黃河渡口舊飛湍白馬東連瓠子灘夏后山川
餘斷石漢皇巡幸咽回鑿寒沙滾滾魚龍動晚
日蕭蕭鴈鷺乾慨古思君易搖落秋風更送紫

駟鞍

贈羅月巖推府迎侍還萬安二首

漢京仙客知名早佐郡驚看漳水濱南楚花明
菜子眼西山樹送狄公雲高秋大澤龍蛇隱落

百寒江鼓角聞最是少微干象緯天風光報洞
庭君

又

燕塞霜空萬木摧楚鄉烟淨錦帆回洲如白鷺
天邊落山似青螺海上來孫畧蘭與元水國曹
家仙賦在銅臺南雲北渚休相憶紫誥金泥次
第開

春晚將還舊業諸公送遠歌方水雲以病
不至作此留別

青春載酒尋君處君病春殘我亦回背葉流鶯
愁對語捎泥乳燕恹飛迴烟雲莽々高歡壘日
月荒々魏武臺醉裏劍歌時自放白頭還望轉
堪哀

登南城樓有感兼懷荀前川

獨上高樓四望明海天愁色起縱橫黃雲不斷
飛狐塞殺氣遙連偃月城未訝健兒能陷虜早
聞白羽尚徵兵封侯知有荀公達好向中朝事
請纓

五言絕句

山雨五首

日落石窻時
林花起幽色
不敢窺蛟龍
雨渾潭影黑

又

朝看山作雲
暮看山作雨
幽人期不來
踟躕望江樹

又

秋水作鳴濤
瀉入秋山下
大石橫絕梁
小石流

空野

又

峽雨晝不絕
暝烟沉孤嶂
徘徊山中入
苔蘚生衣上

又

門前黃岡陂
能長青瑯玕
夜來溪雨惡
流作白石灘

示從弟橋三首

鴻鴈隔春水
鶴鷄宿淺沙
翻飛共遲暮
終爾棲

西云散

又

吾家白玉樹
璀璨已橫枝
儘可參霄漢
莫教傷別離

又

莫向蒼山宿
倉山古木橫
風動連枝影
凄其傷

爾情

寄高良庵明府二首

隴水鳴幽咽
隴山不可攀
何緣牽夢到
夜久絲

秦關

又

隴坻千萬里
悵望使人迷
願作青鸚鵡
能言向

隴西

七言絕句

別冀康川進士口號

秋風七月動
燕關雲散金
臺遊子還欲
上高樓
重愁思海濤
東望阻羣山

長春觀二首

瀛海青雲見帝丘玉光浮動五城樓
茅君借我山中鶴飛上天門看九州

又

紫極清壇道士家閑騎白鹿弄雲霞
蕭臺旖旎金光草春殿虛無玉樹花

青樓詞

百尺高樓掛彩烟錦箏銀甲亂哀絃
夕陽欲下簾深捲望見西江萬里船

雲中曲八首

將軍羽箭射天山閃日旌旗出漢關
夜月欲闌青海嶂秋風先到白龍灣

又

燕岱河山黑水分胡沙北望播氣氣
紫乾斜映龍山月碣石遙通魚海雲

又

元戎幕府倚天關將校星躔四下迴
漢壘天成標漢旆雲州日轉作雲臺

又

塞頭殺氣橫居延川內少人行黃沙欲沒
陵墓明月長懸蘇武城

又

半夜飛書報建章交河新駐左賢王即今驍騎
屯榆塞便發元戎出定襄

又

大將遙分西顧憂魚腸寶劍雪花流陰風漫捲
賢王陣白盡曾懸克汗頭

又

黃鬚羽帽破烏桓丈八蛇矛血未乾胡馬盡歸
元帥慕蕃刀贈與故人看

又

白馬青裘海上来自言家住古秦淮封侯未遂
為人下沙漠橫行恐見猜

戲贈于山泉

楚王宮殿鎖寒暉瑤草金花匝四圍十二巫山
覓不見滿天雲雨濕僊衣

贈衛川居士

衛川南望多白雲滄洲落葉各紛紛何時笑入
烟霞去醉裏常隨麋鹿群

送王盱山還保定

君去青山挹紫氛我亦南還弄彩雲相逢美酒
不成醉別處空憐落鴈群

秋興湯成六絕句

壁峭江深雲物明沙村秋氣轉初清出門散看
雙蓬鬢醉舞酣歌太放情

又

天外晴山色不移苑邊衰柳駐遊絲沙平細履
無人見恰似青春二月時

又

絕巘寒藤垂古月秋江過雨濕仙花柴門幽興
尤堪賞徧遣銀壺賒酒家

又

當堦松樹何楚楚黥葉蒼枝已傲霜要須見汝
作梁棟桃李春花休擅場

又

柴門反鎖對秋城
獨樹花開眼自明
但使濁醪常醉汝
向來車馬不須迎

又

買茅藉宇非無地
簷花澗石錯相鮮
西隣野老憐踈放
數借風亭涼處眠

衛河漲二首

河隍東望似東洋
簸蕩中流日月光
漁子舟人頻顧盼
恰如五月下瞿塘

又

瓠子煙波橫九灘
淇園蒼竹斬千竿
何如此地風濤惡
灑雪衝飈作海湍

寄孟龍川絕句

燕郊六月起秋霜
地振山傾薄日光
吁嗟風雲那有此
黃金臺下斷人腸

西山集宴

山作屏風襍錦苔
鳳笙龍管遞相催
若非緱氏山頭飲
擬有仙人海上來

對勘呈吳少槐吏部

漢法終憐天地寬
楚囚何恨歲時難
肯教細柳隨霜死
願借春光及暮寒

獄夜

城頭烏雀飛欲棲
樓上驪聲四下齊
一夜霜風吹不盡
滿庭愁色使人迷

聞華從化誦李中麓樂府詞有憶寄上四

首

漢庭協律按新聲
曲度梅花散月明
拂拭青天垂手舞
相思遙寄鳳凰城

又

曩倩西辭金馬門
酣歌特地引芳樽
海上長謠王母宴
人間謫得歲星魂

又

東望山東中麓山
赤城霞送主人還
忽聞醉裏松風曲
恰似劉伶善閉關

又

麟閣虛傳身後名
琴臺賈酒自須傾
賦香結風成楚舞
歌壺綠水勝秦聲

謝華竹川酒肴二首

淮陰市頭惡少喧騰下之辱詎可言漂母屢出
金盤食白沙綠水哀王孫

又

燕國舊飲金盤露章丘今見玉壺春烟霞去住
不相似笑殺中山賣酒人

宿沙河值雪同蔡百戶作此

南雲漠漠鎖天荒北雪霏霏暗北堂日暮角聲
吹出塞沙河愁殺蔡中郎

丁未夢中遊王西軒園作是歲十一月二

十日獄吏譚遵令獄卒蔡賢答柙數百

謀以土囊壓殺之官覺之免

秋日園林一轉過桃花點點鎖空蘿歌聲湯逐
浮雲去不覺霜風兩鬢多

憶內

蘇武霜旌辭漢闕李陵沙漠去無還舊時亦有
金閨淚何似今朝爾別顏

贈內二首

蘇武匈奴十九年相思知在海雲邊上林鴻鴈
啣尺素寄汝秋風玉塞前

又

君身似是杞梁妻玉貌絨情只自啼
免時哭到梁山月携手青雲入會稽

內寄衣

吳江白紵雪絲裙不惜春芳細
艸薰玉手裁縫誰得見金刀一剪斷行雲

與張山人雲谷對飲言別

海三曾留赤玉鳥山中今見紫霞巖
相逢輒爾各飛去颯々天風駕彩螭

代邊騎

驛弓貫臂箭橫腰慣射山陰雪
後鷗欲假金笳鳴出塞不知誰是漢
驃姚

訪海月上人不遇

錫杖到來知幾日天花落盡鎖春山
柴門流水不相顧漠々烟雲送我還

蟻蝶集卷之五終